

917722981095006

საზოგადოებრივ-ცოტარეზერვაცი ქარნელი



ს რ ე ლ ი

ფსიქ 2 ლანი

1134
2019



2019 / აგვისტო

4 (282)

კ ს ქ ი ლ ი

ს პ რ ა ს კ ა ლ ი

სარჩევი



- თარგმანი** 1 ესქილე | სპარსელები
*ძველი ბერძნულიდან თარგმნა და წინასიტყვაობა დაურთო
 ლევან ბერძენიშვილმა*
- 14 უისტან ჰიუ ოდენი | ქალაქის ხსოვნას
ინგლისურიდან თარგმნა ზვიად რატიანმა
- 18 ამოს ოზი | ყველა მდინარე
ინგლისურიდან თარგმნა თამარ ლომიძემ
- პროზა** 28 ვახტანგ კომახიძე | გაქცევის ტყვეობა
- 35 ნინო წიკლაური | მოთხრობები
- 42 ლევან შატბერაშვილი | ჩია ნაბიჯები

გარეკანი: მამუკა ტყეშელაშვილი

არილი

საზოგადოებრივ-ლიტერატურული ასოციაცია
 "არილის" ყოველთვიური გამოცემა

The Literary Magazine "Ariil"

რედაქტორები
 მალხაზ ხარბედია
 შადიმან შამანაძე

მხატვარი მამუკა ტყეშელაშვილი

კორექტორი ინა არჩუაშვილი

კომპიუტერული უზრუნველყოფა თამაზ ჩხაიძე

პროექტის მენეჯერი ეკა ხარბედია

სარედაქციო საბჭო

რატი ამაღლობელი, ია ანთაძე, ანდრო ბუაჩიძე,
 ლაშა ბულაძე, თამაზ ვასაძე, გიორგი კეკელიძე,
 ზურაბ კიკნაძე, ვასილ მაღლაფერიძე,
 ზვიად რატიანი, ჯიმშერ რეხვიაშვილი,
 ირაკლი სამსონაძე, გულსუნდა სიხარულიძე,
 ბაკურ სულაკაური, ირმა ტაველიძე,
 ქეთი ქანთარია, პაატა შამუგია, ზაზა ჭილაძე.



არილი - დასასვენებელი სინდინდეთა

სულხან-საბა

არილი - მზის შუქი, რამაზე დამდბარი

ქართული ენის განმარტებითი ლექსიკონი

არილი - თანამედროვე ქართული ლიტერატურის
 მარილი

ხალხური



ელექტრონული ფოსტა: info@arilimag.ge
 ვებგვერდი: arilimag.ge

გამოდის 1993 წლიდან

© უურნალში გამოქვეყნებული მასალების გამოყენება
 "არილის" რედაქციის ნებართვის გარეშე აკრძალულია

უურნალი გამოდის
 საქართველოს განათლების,
 მეცნიერების, კულტურისა და
 სპორტის სამინისტროს
 ფინანსური მხარდაჭერით




ესქილე

სპარსელები

ძვ.წ. 472წ.

ძველი ბერძნულიდან თარგმნა და წინასიტყვაობა დაურთო ლევან ბერძენიშვილმა



როგორც თითქმის ყველა ხელნაწერში გადარჩენილი დიდასკალიებიდან ჩანს, „სპარსელები“ დაიდგა ძვ.წ. 472 წ. ტეტრალოგიის შემადგენლობაში, რომელშიც ასევე შედიოდა ტრაგედიები: „ფინეისი“, „გლაუკოსი“ (იხ. ფრ. 38-46) და სატირული დრამა „პრომეთეისი - ცეცხლისწამიდებელი“ (ფრ. 37, 47-51). ტეტრალოგიამ პირველი ადგილი დაიკავა ტრაგიკოს პოეტთა შეჯიბრებაში. მეცნიერებაში მრავალგზის სცადეს, დაედგინათ ტეტრალოგიაში შემავალ ტრაგედიებს შორის რამე აზრობრივი კავშირი, მაგრამ ამას შედეგი არ მოჰყოლია. როგორც ჩანს, 472 წ. ესქილემ ერთ ტეტრალოგიაში გააერთიანა ოთხი დამოუკიდებელი ნაწარმოები - ეს მის პრაქტიკაში უღარესად იშვიათი შემთხვევაა.

„სპარსელების“ მეორე თავისებურება ისაა, რომ მას საფუძვლად უდევს არა მითი, არამედ ისტორიული ამბავი (მართალია, საკმარისად მითოლოგიზებული) - საბერძნეთის ფლოტის გამარჯვება სპარსელებზე სალამისთან ძვ.წ. 480 წ. თემის შერჩევაში ესქილეს წინამორბედი ჰყავდა ფრინიქეს სახით, რომელმაც 476 წ. დადგა ტრაგედია „ფინიკიელი ქალები“; ტრაგედიას სახელი მისცა ფინიკიელ ქალთა გუნდმა, რომელიც სწორედ სალამისთან დაღუპულ თავიანთ ქმრებს დასტიროდა.

ცნობილია, რომ ფრინიქეს ჩვენამდე მოუღწეველ ტრაგედიას იწყებდა საჭურისი, რაც წინ უძღოდა სამეფო მრჩევლების სხდომას: „აი, სპარსელთაგან, რომლევიც შორეულ ლაშქრობაში წავიდნენ“... ამავე საჭური-

სისგან მაყურებელი იგებდა სპარსელთა დამარცხების ამბავს, რომელსაც მოჰყვებოდა, როგორც ჩანს, ფინიკიელ ქალთა ხანგრძლივი გოდება. აქედან ცხადი ხდება, რომ „სპარსელების“ ის ნაწილი, რომელიც წინ უძღვის მაცნეს გამოჩენას და გაჯერებულია გუნდისა და ატოსას მშფოთვარე წინათგრძნობით, ისევე როგორც დარიოსის აჩრდილის გამოძახება და მონოლოგები ესქილემ შექმნა და ფრინიქეს თავისებური სამგლოვიარო კანტატა მსოფლიო ლიტერატურის შედევრად, ღრმა მსოფლმხედველობრივი პრობლემატიკით აღსავსე ტრაგედიად აქცია.

ტრაგედიაში გატარებული აზრი თავისუფალი ბერძნული სამყაროს უპირატესობის შესახებ ბარბაროსულ აღმოსავლეთთან შედარებით, სადაც ყველანი თვითმპყრობელი მეფის ქვეშევრდომნი არიან, იმდენად მნიშვნელოვანი აღმოჩნდა მთელი საბერძნეთისთვის, რომ „სპარსელების“ ათენში დადგმის შემდეგ ეს ტრაგედია ესქილეს მონაწილეობით სირაკუზშიც დაიდგა. სირაკუზის ფლოტმა ჰიმერესთან კართაგენელთა საზღვაო არმადა დაამარცხა თითქმის იმავე დღს, როდესაც ათენელებმა სალამისთან მიადწინეს ისტორიულ გამარჯვებას და ორივე ეს გამარჯვება ბერძნების მიერ აღიქმებოდა, როგორც ელადის საბოლოო განთავისუფლება აზიური დესპოტიზმის საფრთხისაგან.

არისტოფანეს „ბაყაყების“ (სტრ. 1026-1029) მიხედვით, „სპარსელები“ ესქილეს სიკვდილის შემდეგაც იდგმებოდა ძვ.წ. V საუკუნის ბოლოს.

მოქმედი პირნი

ბერიკატა გუნდი

ატოსა, დარიოსის ქვრივი და ქსერქსის დედა

მაცნე

დარიოსის აჩრდილი

ქსერქსეი, სპარსეთის მეფე, დარიოსის ძე

მოქმედება ხდება სუსაში, სპარსეთის მეფის სასახლის წინ. ჩანს დარიოსის საფლავი სპარსეთის დედაქალაქში სალამისის ბრძოლიდან გარკვეული დროის შემდეგ.

პროლოგოსი

შემოდის სპარსელ ბერიკატა გუნდი.

გუნდი

სპარსელები საბერძნეთის მიწაზე წავიდნენ, ჩვენ კი, რომელთაც ერთგულთა საბჭოს გვინდობენ, ჩვენ ვიცავთ მდიდარ და ოქრომრავალ სავანეს; ჩვენ, ასაკის გამო, მეფე ქსერქსესმა, დარიოსის შობილმა¹, აგვიჩრია ქვეყნის მეთვალყურედ. მეფისა და ოქრომრავალი ლაშქრის დაბრუნებაზე [10] სული მეტისმეტად შფოთავს და უბედურებას მოელის. რადგან აზიელთა მთელი ძალა წავიდა, ახალგაზრდა მეფეს ჩუმად კიცხავენ; არც მაცნე, არც ცხენოსანი არ უახლოვდება სპარსელთა ქალაქს; სუსა და აგბატანა², კისის³ ძველი მხარე დატოვებს და წავიდნენ: ზოგი ცხენით, ზოგი გემით, ზოგი ქვეითად [20] და ომის საბრძოლო მწყობრი შექმნეს. ისეთები, როგორებიცაა ამისტრესი⁴ და არტაფრენესი და მეგაბატე-

ნი და ასტასპესი, სპარსელთა მეთაურები, თავად მეფეები და დიდი მეფის ქვეშევრდომები, წინ მიიწვედნენ, უზარმაზარი ლაშქრის მხედართმთავრები, საუკეთესო მშვილდოსნები და ცხენოსნები, სანახავად საშიშნი, ბრძოლაში სასტიკნი, სელის სიმტკიცით მამაცი. არტემარესი, - ეტილიდან მეომარი [30] და მასისტრესი, მშვილდოსნობის ოსტატი იმიაოსი, ფარანდაკესი და ცხენებს გამეჭროლებელი მეეტლე სოსთანესი. სხვები მძლავრმა და ნაყოფიერმა ნილოსმა⁵ გამოგზავნა: სუსისკანესი, ეგვიპტელი პეგასტაგონი, წმინდა მეფისის⁶ მმართველი დიდი არსამესი, უძველესი თებეს⁷ მმართველი არიომარდოსი, ჭაობის მცხოვრები მენიჩებები, [40] ძლიერები და უთვალავი სიმრავლის. მათ მიჰყვებოდა განცხრობაში მცხოვრები ლიდელბის სიმრავლე, რომელთაც მორჩილებაში ჰყავთ მატერიკის ყველა ხალხი⁸; მათ მიუძღოდნენ მუქროგათისი და მამაცი არტემესი, მეფე-მეთაურები; და ოქრომრავალმა სარდისმა ეტლებით მიმავალ მრავალი გაგზავნა ომში, ორხელნიანი და სამხელნიანი ეტლების მწკრივი, სანახავად საშიშელი. წმინდა ტმოლოსის¹⁰ მწიფეობაზე იმუქრება, [50] რომ საბერძნეთს მონობის უღელს დაადგამს, მარდონი, თარიბისი, შუბის დაუოკებელი მტყორცნელები და მისიელები, ხელშუბის ოსტატები. ოქრომრავალმა ბაბილონმა¹¹ მრავალფეროვანი ყეება გაგზავნა, გრძელი რიგი გემებით მეზღვაურებისა და მშვილდოსნობის ოსტატობას მინდობილები-სა. ხმლის მატარებელი ტომი მთელი აზიიდან გაჰყვა საზარელ მსვლელობაში მეფეს. ასეთი ვაჟკაცებისგან შემდგარი სპარსეთის მიწის ყვავილი [60] წავიდა, ამითვე მთელი აზიის მიწა, მათი მძაფრი სიყვარულით გამომზრდელი კენესის, შობილები და ცოლები დღევანდელიან, დრო კი ინელვება და ისინი ცახცახებენ.

გუნდი სტროფი 1

გაძვიდა უკვე მეფის ქალაქთმშვენიელი ლაშქარი მთვრალ ნაპირის მეზობელ მიწაზე, სელის თოკით შეკრული ხიდიოთ ათამასის¹² ასული ჰელეს სახელობის სრუტეზე, მჭიდროდ წაგები ხიდიოთ, რომელიც ზღვის ყელს უღლად დაადგეს.¹³

1. სტრ. 6. დარიოსის შობილმა - ქსერქსეი ტახტზე ავიდა დარიოსის გარდაცვალების შემდეგ, ძვ.წ. 486 წ.
2. სტრ. 16 და შემდგ. აგბატანა - იგივე ეგბატანა, ძვ. სპარსული ქალაქი სუსის ჩრდილოეთით.
3. სტრ. 17 კისია - მთიანი ოლქი სუსასა და აგბატანას შორის.
4. სტრ. 21-41. ქსერქსესის მხედართმთავრებს შორის, რომლებიც აქ არიან ჩამოთვლილი და რომელთა სახელები ათენელი მაცურებლებისთვის ეგზოტიკურად ჟღერდა, რამდენიმე ისტორიულადაა დადასტურებული და სხვა წყაროებიდან ცნობილი, მაგალითად: არტაფრენესი, არტემარესი, მასისტრესი, არიომარდოსი; სხვა სახელები შეიძლება გაგონილი ჰქონდა ესქილეს, შეიძლება, თვითონაც მოიქცია; მთავარი მისი თანამედროვეებისთვის იყო საერთო კოლორიტი და არა ცალკეული სახელები.
5. სტრ. 34. ნაყოფიერმა ნილოსმა - ეგვიპტეზე სპარსელები ძვ.წ. 525 წ. გაბატონდნენ.
6. სტრ. 36. წმინდა მეფისი - ძვ. ეგვიპტის ქალაქი, ზედა და ქვედა ეგვიპტის საზღვარზე, ნილოსის დასავლეთ სანაპიროზე.
7. სტრ. 38. უძველესი თებე - იგულისხმება ეგვიპტის თებე, ე.წ. ასკარიბჭიანი თებე", მდ. ნილოსის შუაწელში.
8. სტრ. 42. მორჩილებაში ჰყავთ მატერიკის ყველა ხალხი - ფარული მიწისმწება ათენელთა მონათესავე იონიელებზე, რომლებიც იძულებით მონაწილეობდნენ საბერძნეთის წინააღმდეგ ლაშქრობაში. სპარსელებმა ლიდელბები დაიპყრეს ძვ.წ. 546 წ., როდესაც კიროსმა მათი მეფე, აურაცხელი სმდიდრით სახელგანთქმული კრიოსოსი დაამარცხა. ლიდა უაღრესად მდიდარი ქვეყანა იყო, ამიტომ უწოდებდნენ მათ ესქილე განცხრობაში მცხოვრებს¹⁴.
9. სტრ. 48. ორხელნიანი და სამხელნიანი - ოთხცხენიანი და ექვსცხენიანი ეტლები.
10. სტრ. 49. ტმოლოსი - მთა ლიდაში.
11. სტრ. 52. მისია - მცირე აზიის მთიანი მხარე; ბაბილონი - ქალაქი მდ. ეფრატის ნაპირზე, ახალი ბაბილონის სამეფოს დედაქალაქი, რომელიც სპარსელებმა დაიპყრეს 538 წ. და ამავე სახელის სატრაპიის დედაქალაქად აქციეს.
12. სტრ. 70. ათამასი - ბეოტიის ქალაქი ორქომენოსის მეფე. მისმა შვირე ცოლმა გერგისი, ფრიქსოსისა და ჰელეს, დალუპვა განიზრახა. ზავშეკვს საშველად მოველინა ოქროსბუნჯიანი ცხვარი, რომელმაც ისინი კოლხეთისკენ გადააფრინა. ზღვის თავზე ჰელემ თავი ვერ შეიკავა და წყალში ჩავარდა. ამ ადგილს ჰელესპონტი, ანუ ჰელეს ზღვა ეწოდა (დღევანდელი დარდანელის სრუტე).
13. სტრ. 72. ზღვის ყელს უღლად დაადგეს - თუ როგორ ააგო ქსერქსესმა ხიდი ჰელესპონტზე, მოთხრობილი აქვს ჰეროდოტოსს VII, 36.

ანტიტროფი I

ხალხმრავალი აზიის დაუოკებელი მბრძანებელი მიუძღვის გასაოცარ ლაშქარს მთელი სამყაროს წინააღმდეგ ორ, ქვეით და საზღვაო, ნაწილად დაყოფილს, ენდობა რა თავის მტკიცე და მკაცრ მხედართმთავრებს; თავად [80] ღვთისდარი ვაჟკაცი მეთაურობს ოქროშობილ მოდგმას.¹⁴

სტროფი II

სისხლიანი დრაკონის მუქი ლურჯი გამოხედვით, მრავალხელნიანი და მრავალმზღვარიანი სირიული ეტლით მიჰყვება, მიდის შუბებით სახელგანთქმული მტრის წინააღმდეგ მშვილდოსნების იმედად.

ანტიტროფი II

არ არსებობს მომზადებული კაცი, რომელიც დაუპირისპირდებოდა ადამიანთა უზარმაზარ ნაკადს, და მძლავრი ჯებირით დააკეცებდა [90] ზღვის დაუშარცხებელ ტალღას; რადგან დაუძლეველია სპარსელთა ლაშქარი, ხალხი კი - მამაცი.

სტროფი III

რადგან ღმერთების ნებით და მოიარას მიერ ასეა დადგენილი ძველი დროიდან, ებრძანა სპარსელებს, მისდონ გალავანთა მმსხვრეველ ომებს, იბრძოლონ ეტლებით და იერიშით აიღონ ქალაქები.

ანტიტროფი III

[100] ისწავლეს ვრცელი თეთრი ქაფით დაფარული, ქართი გამძვინვარებული ზღვის ყურება, გულდასმით დაწნული ბაგირების საშუალებით ხალხის გადასაცვანი საშუალებების აგება.

სტროფი IV

ღმერთის ცბიერ ვერაგობას რომელი მოკვდავი კაცი გადაურჩება? მსუბუქი ფეხით ვინ გადახტება [110] და გაექცევა მახეს?

ანტიტროფი IV

რადგან ჯერ მეგობრულად ეფერება და მოკვდავს ბადეში ახვევს უბედურება, იქიდან კი მისთვის უკვე შეუძლებელია უვნებლად თავის დაღწევა.

სტროფი V

ასე გული შავი ფიქრით, შიშით მეკუმშება სპარსული ჯარზე, ვაი, ქვეყანამ არ გაიგოს, რომ დიდი ქალაქი სუსა გაუკაცრიელდა.

ანტიტროფი V

[120] და კისიის ქალაქი საპასუხოდ მღერის, ვაი, ქალებით სავსე გუნდი კივის, თხელი ნაჭრის კაბებს გლეჯენ.

სტროფი VI

მთელი ცხენოსანი და ქვეითი ხალხი ფუტკრის გუნდით გაჰყვა ლაშქრის მეთაურს, [130] ორივე მხარეს შეერთებული, ორ კონცხს შორის სრუტეზე გადებული ხიდი გაიარეს.

ანტიტროფი VI

სარეცლები ვაჟკაცთა მონატრებით ივსება ცრემლებით; ჩუმად ტირიან სპარსი ქალები, საყვარელი ქმრები ენატრებათ; შუბები აისხეს, ომში ნავიდნენ და უღელში მართო დატოვეს.

პირველი ეპისოდიონი

კორიფაიოსი

[140] მოდით, სპარსელებო, დავსხდეთ ძველ სასახლეში, გონივრულად და ღრმად გააზრებულად ვიმსჯელოთ, ამის საჭიროება მოვიდა; როგორაა მეფე ქსერქსესი, დარიოსის შობილი, ჩვენი მოდგმის მამამთავრის? რა მოხდა, მშვილდის ლარმა გაიმარჯვა თუ წვერმახი შუბისპირის ძალამ აჯობა?¹⁵

ეტლით შემოდის მდიდრულად ჩაცმული ატოსა მრავალრიცხოვანი ამალით.

[150] აი, ღმერთების თვალების თანასწორი სინათლე მოდის, მეფის დედა, ჩემი დედოფალი. მუხლს ვიყრი მის წინაშე. საჭიროა მისასალმებელი სიტყვით მივმართოთ მას ყველამ.

მოხუცები თავყვანს სცემენ და წამოდგებიან. კორიფაიოსი ავრძელებს

ო, დაბალსარტყლიან სპარსელთა უდიდესო დედოფალო, ქსერქსესის პატივსაცემო დედა, გაიხარე, დარიოსის მეუღლე! სპარსელთა ღმერთის მეუღლე, ღმერთისვე მშობელი დედა, თუკი ძველმა დემონმა ახლა არ უმტყუნა ჯარს.

ატოსა

ამის გამო დავტოვე ოქროთი გამართული სასახლე, [160] დარიოსისა და ჩემი საერთო საძინებელი და მოვედი. მეც გულს მიკუმშავს ფიქრი, თქვენ გეუბნებით, მეგობრებო, უსაფრთხოდ ვერ ვარ. მეშინია, რომ დიდი სიმდიდრე, რომელიც დარიოსმა რომელიღაც ღმერთის შეწევნით მოიპოვა, მტვრად არ იქცეს და მინას ბუღად არ აუვიდეს. ამიტომ ორმაგი საზრუნავი მაქვს გონებაში - დიდი სიმდიდრე მისი მცველი ხალხის გარეშე ვერ იწარჩუნებს საპატიო ღირებულებას, მაგრამ სიმდიდრის გარეშეც ძალა, როგორიც უნდა იყოს, ვერ გაიბრწყინებს ვერასოდეს. ჩვენი სიმდიდრე სრულიად საკმარისია, მე თვალის გამო ვშიობ, სახლის თვალად კი პატრონის შინ ყოფნას მივიჩნევ. [170] შესაბამისად, რაკი ასეა საქმე, თქვენი რჩევა მჭირდება, სპარსელებო, ჩემო ასაკოვანო და საიმედო მსახურებო. რადგან მთელი ჩემი იმედი ახლა თქვენს რჩევაზეა დამოკიდებული.

გუნდი

კარგად იცოდეთ, ამ მინის დედოფალო, ორგზის თქმა არ გჭირდება, რომ სიტყვითა და საქმით, რაც შეგვიძლია, გავაკეთოთ. კეთილგანწყობილები ვართ შენ მიმართ ჩვენ, ვისაც მრჩევლებად მივიჩნევ.

14. სტრ. 80. ოქროშობილ მოდგმას - გმირი პერსევსი, რომელიც ქსერქსესის წინაპრად მიიჩნევა და რომელმაც სტრ. 146-ის მიხედვით, სახელი მისცა სპარსელთა ტომს, იყო ძე ზევსისა, რომელიც დანავს ოქროს წვიმის სახით მოველინა.
15. სტრ. 147. რა მოხდა, მშვილდის ლარმა გაიმარჯვა თუ წვერმახი შუბისპირის ძალამ აჯობა? - მშვილდი სპარსეთის ლაშქრის სიმბოლოა, ხოლო შუბი - ათენელებისა.

ატოსა

ლამით სიზმრები არ მასვენებს, რაც ჩემმა შვილმა ლაშქარი შეკრიბა და იონიელების მიწის ასახორებლად გაეშურა,¹⁶ მაგრამ ასეთი ცხადი, [180] როგორც ამაღამ ვნახე, ჯერ არ მინახავს; გეტყვი: სიზმარში თვალწინ წარმომიდგა ორი კარგად ჩაცმული ქალი, ერთი სპარსული სამოსით მორთული, ხოლო მეორე - დორიულით.¹⁷ სიდიდით ახლანდელებს ბევრად აღემატებოდნენ, სილამაზით იყვნენ უნაკლონი, დები იყვნენ ერთი მოდგმისა. სამშობლოდ კი ერთს ნილად ერგუნა საბერძნეთის მიწა, ხოლო მეორეს - ბარბაროსული. მეზმანა, რომ დავინახე, როგორ ჩამოვარდა მათ შორის განხეთქილება. ჩემმა შვილმა ეს ნახა და [190] სცადა, შეეკავებინა და დაემშვიდებინა ისინი. ორივე უღელში შეაბა და კისერზე აპეურები მოუჭირა. ერთი ამაყად იდგა ასეთ მდგომარეობაში და პირი სადავსო დაუპოვრჩია, მეორემ კი გაიბრძოლა, ხელებით ეტლის აღკაზმულობა დაგლიჯა, სადავეები და ლაგამი ძალით მოიცილა და უღელი დაღუნა. დაეცა ჩემი შვილი და იქვე დაუდგა სიბრალულით აღსავსე მამამისი, დაროსი; როდესაც იგი დაინახა ქსერქესმა, ტანსაცმელი ტანზე შემოიხია. [200] აი, გეუბნები, ეს ვნახე ლამით. შემდეგ ავდექი და ხელები კეთილმედინი წყაროს წყლით დავიბანე, მსხვერპლმემწირველი ხელით მივუახლოვდი საკურთხეველს, უბედურების ამარიდებელი დემონებისთვის მსურდა, შემენირა კვერი, როგორც სათანადო წესია. ვხედავ, მოფრინდა არწივი ფოიბოსის სამსხვერპლოსთან, შიშისგან ენაჩავარდნილი ვიდექი, მეგობრებო. შემდეგ კი შევარდენი დავინახე მთელი სისწრაფით, გაშლილი ფრთებითა და ბრჭყალებით თავში მისწვდა, ის კი შეშინდა, ჩაიყუჟა [210] და დანებდა. მე ამის ნახვამ თავზარი დამცა, თქვენი კი - მოსმენამ. დარწმუნებული იყავით, ჩემი შვილი, თუ წარმატებას მიაღწევს, სახელგანთქმული კაცი გახდება, ხოლო თუ ხელი მოეცარა, პასუხს არ აგებს ქვეყანასთან; თუკი გადარჩა, ისევ ისე იმეფებს მიწაზე.

გუნდი

არ გვსურს, დედა, მეტისმეტად შეშინება შენი სიტყვებით და არც გამხსნელება. ღმერთებთან მიდი ლოცვით, თუ რამე ტყვის ხედავ, სთხოვე მათ, ბოროტება მოიგერიონ, რომ სიკეთე დადგეს ბოლოს შენტვის და შენი შვილებისთვის, ქალაქისა და ყველა ძვირფასისათვის. შემდეგ საჭიროა, რომ საღვრელი [220] დაუღვარო დედამინასა და დაღუპულებს; სთხოვე ეს შენს მეუღლე დარიოსს, რომელიც, როგორც თქვი, ლამით ნახე, რომ გამოგივავენოს შენ და შენს შვილს სიკეთე მიწის ქვეშეთიდან დღის სინათლეზე, საპირისპირო კი უკანვე ჩამალოს მიწის წყვილიდში. ამ რჩევას გააძლევე, საღ აზრზე დაყრდნობით ვმისნობ რა, კეთილგანწყობილი. ყველაფერი კარგად იქნება შენთვის, ასე ვადაცნით ჩვენი.

ატოსა

შე პირველმა განმარტე ჩემი სიზმრის მნიშვნელობა კეთილი ნებით ჩემი შვილისა და სახლის მიმართ. დაე ყველაფერი ბედნიერად დასრულდეს! ღმერთებსა და მიწის ქვეშ მყოფ ძვირფასებს მსხვერპლს შევწირავ, როგორც შენ მირჩევ, [230] როგორც კი სასახლეში დაებრუნდები. ახლა კი მინდა ვიცოდე, მეგობრებო, სად მდებარეობს ათენი.

გუნდი

შორს დასავლეთით, სადაც მეუფე ჰელიოსი ჩაესვენება.

ატოსა

და მაინც მიელტვის ჩემი ძე ამ ქალაქის დაუფლებას?

გუნდი

მთელი საბერძნეთი მეფის სამფლობელო გახდებოდა.

ატოსა

და მათ ჰყავთ ხალხმრავალი ლაშქარი?

გუნდი

ისეთი ლაშქარი, რომელმაც მიდიელებს ბევრი სიკვებაუკეთა.¹⁸

ატოსა

სხვა რა აქეთ მათ? სიმდიდრე მოეპოვებათ სახლებში?

გუნდი

ვერცხლის საბადო აქეთ, მიწის საგანძური.¹⁹

ატოსა

მშვილდის მოზიდვას, ისრის სროლას მიჩვეული აქეთ ხელი?

გუნდი

[240] არანაირად; შუბი აქეთ ხელჩართული ბრძოლისთვის და ფარებს ატარებენ აღჭურვილობაში.

ატოსა

ვინ არის მათი მწყემსი და ვინ მბრძანებლობს ლაშქარს?

გუნდი

არც ერთი კაცის მონებად და ქვეშევრდომებად არ ითვლებიან.²⁰

ატოსა

მაშ, როგორ იგერიებს მოსულ მტრებს ხალხი?

16. სტრ. 177. *იონიელების მიწის ასახორებლად გაეშურა* - ძვ.წ. V საუკუნეში იონიად მოიხსენიებოდა მცირე აზიის დასავლეთი სანაპირო, რომელიც დაფარული იყო ბერძნული ახალშენების ქსელით. ამავე დროს, ათენელებიც თავს იონიელებად მიიჩნევდნენ და თავიანთ წინაპრად ლეგენდარულ იონს მოიხსენიებდნენ.
17. სტრ. 183. *დორიული* - დორიელები, ისევე როგორც იონიელები, ძველესი ბერძნული ტომი იყო. ისტორიულ ეპოქაში დორიულ დაიკეტზე პელოპონესოსში ლაპარაკობდნენ, მაგრამ აქ ეს ქილე „დორიულში“ საერთო ბერძნულს გულისხმობს.
18. სტრ. 236. *ისეთი ლაშქარი, რომელმაც მიდიელებს ბევრი სიკვებაუკეთა* - მიდიელები თავდაპირველად იყვნენ კასპიის ზღვის სამხრეთით მცხოვრები ტომები. მათმა სამეფომ განსაკუთრებული მნიშვნელობა ძვ.წ. 550 წ. შეიძინა, როდესაც კიროსმა დაიპყრო და სპარსეთს შემოუერთა. იმ დროიდან მოყოლებული „მიდიელი“ ხშირად „სპარსს“ აღნიშნავს. ბევრ სიკვებაში მართონის ბრძოლა იგულისხმება.
19. სტრ. 238. *ვერცხლის საბადო* - ვერცხლის საბადო ლავრიონში, ატიკის სამხრეთში.
20. სტრ. 242. *არც ერთი კაცის მონებად და ქვეშევრდომებად არ ითვლებიან* - ათენის დემოკრატიის იდეალიზებული სურათი.

გუნდი

იმგვარად, რომ დარიოსის მრავალრიცხოვანი და მაცი ლაშქარი გაანადგურეს.

ატოსა

საშინელებას ამბობ, რა უნდა იფიქრონ ნასულთა მშობლებმა?!

გუნდი

მაგრამ, ასე მგონია, მალე გაიგებ ყველაფრის შესახებ უტყუარ სიტყვას. რადგან აქეთ მოდის კაცი, რომელიც უეჭველად სპარსია, მას მოაქვს ცხადი ამბავი, კარგი იქნება თუ ცუდი, მოსასმენად.

შემოდის მაცნე.

მაცნე

მთელი აზიის მიწის ქალაქებო, [250] სპარსეთის სამეფო და სიმდიდრის უზო ნავსაყუდელი, ერთი დარტყმით განადგურდა მთელი თქვენი კეთილდღეობა, სპარსელთა ყველა ილი ბრძოლაში დაეცა და დაიღუპა. ვაიმე, საზოგადოარი საქმეა, ცუდი ამბის მოტანა პირველს რომ გიხდება, და მაინც, უნდა ვთქვა მთელი უბედურება, სპარსელებო! ბარბაროსების მთელი ლაშქარი დაიღუპა.

გუნდი

სტროფი I

სავალალო, სავალალო უბედურებაა, უცნაური და სასტიკი. ვაიმე! იგლოვეთ, სპარსელებო, ეს რა საშინელება გაიგეთ!

მაცნე

[260] დიახ, იქ ყველაფერი დამთავრდა. თავადაც არ მქონდა იმედი, რომ ამ დღეს მოვესწრებოდი.

გუნდი

ანტისტროფი I

მეტისმეტად გრძელი ცხოვრება მოგვეცა მოხუცებს, რომ ეს გაუგონარი უბედურების ამბავი შეგვეტყუ!

მაცნე

მე იქ ვიყავი და სხვისი სიტყვები კი არ მსმენია, სპარსელებო, შემძილია მოგიყვებო ზუსტად, რანაირი უბედურება დაგვატყდა თავს.

გუნდი

სტროფი II

ვაი, მრავალნაირი შერეული ლაშქარი [270] აზიის მიწისა საბერძნეთის მტრული მიწისკენ ამაოდ წავიდა.

მაცნე

ავი ბედისწერით დაღუპული ცხედრებით სავსეა სალამისის ნაპირები და მთელი მეზობელი მხარე.

გუნდი

ანტისტროფი II

ვაი, შენ ამბობ, რომ ჩვენი საყვარელი ხალხის ზღვაზე გარეკილი, წყლით გაჟღერებული და გალუმპული ცხედრები რიფებს ეხეთქებიან.

მაცნე

არაფერში გამოგვადგა მშვილდები, მთელი ლაშქარი დაიღუპა, რადგანაც გემი გემს შეასკდა.

გუნდი

სტროფი III

[280] იგლოვეთ, საბრალო სპარსელებს მწუნარე და ვაებით სავსე კივილი შეაგებეთ, რადგან ყველა უსასტიკესად დაიღუპა, ვაი განადგურებულ ლაშქარს!

მაცნე

ო ყველაზე უფრო საძულველო მოსასმენო სალამისის სახელი! ვაი, როგორ ვკენესი, ათენს რომ ვიხსენებ!

გუნდი

ანტისტროფი III

საშინელია ათენი მტრებისთვის. ახლა უნდა გვახსოვდეს, რომ ბევრ სპარსელ ქალს წაართვა შვილი და ქმარი, ამაოდ დაღუპული.

ატოსა

[290] ხმას ვერ ვიღებ რახანია, ამ უბედურებით თავზარდაცემული. იმდენად დიდია ეს უბედურება, რომ არც ლაპარაკი და არც კითხვის დასმა შემძილია; და მაინც, მოკვდავებმა უნდა გადაიტანონ ღმერთებისგან მოვლენილი განსაცდელი; აიყვანე თავი ხელში და თუნდაც კენესით, ყველაფერს მოგიყვები უბედურებაზე: ვინ არ მოკვდა, ვინ უნდა დავიტოროთ ბელადთაგან, მთავარსარდალთაგან ვინ მოკვდა და გააცარიელა ადგილი?

მაცნე

თვითონ ქსერქსისი ცოცხალია და სინათლეს უჭერებს.

ატოსა

[300] ამ სიტყვით დიდი სინათლე და ნათელი დღე მოუტანე ჩემს სახლს ლამის წყვდიადის შემდეგ.

მაცნე

არტემბარესი, ათი ათასი მხედრის წინამძღოლი, სილენიის სასტიკ ნაპირებს ეხეთქება.²¹

ათასისთავი დადაკესი, შუბით განგმირული, მსუბუქი ნახტომით გადმოვარდა გემიდან. ტენაგონი, საუკეთესო და ნამდვილი ბაქტრიელი²² წარმოშობით, ახლა აიასის ზღვის ტალღებით ნახეთქებ კუნძულზე.²³

ლილაოსი, არსამესი და მესამე არგესტესი, - ესენი მტრელების მკვებავი კუნძულის ირგვლივ [310] ტრიალებენ კლდეებზე დალენილები. ეგვიპტის ნილოსის წყაროებთან მცხოვრები არქტევსი, ადევუსი და მძლავრფარიანი მესამე ფარნუქოსი, - ესენი ერთ ხომალდზე დაიღუპნენ. ქრისელი მატალოსი, ათი ათასი მხედრის მეთაური, მოკვდა; ძალიან ხშირი, განწილი წვერი სისხლით მოეთხვარა და მისი ფერი მენამულად შეეცვალა. ჯადოქარი არაბოსი და ბაქტრიელი არტაბესი, შავი ცხენების ოცდაათათასიანი მხედრობის მეთაური, კლდოვანი მიწის მკვიდრი, იქ დაიღუპნენ. [320] ამისტრისი და მძიმე შუბოსანი ამფისტრევსი, ვაჟკაცი არიომარდოსი, რომელსაც გლოვობენ სარდემი, სეისამეს მისიელი, თარიბისი, ხუთგზის ორმოცდაათი გემის ამირბარი, ლირნესოსელი მოდგმით, ლამაზი კაცი, ნეკს მკვდარი, უბედურ

21. სტრ. 302. სილენიის სასტიკ ნაპირებს ეხეთქება - კონცხი სალამისის სანაპიროზე.
22. სტრ. 306. ბაქტრიელი; ბაქტრია - სპარსეთის უკიდურესი აღმოსავლეთი მხარე, ესაზღვრება ინდოეთს.
23. სტრ. 307. აიასის... კუნძულზე. აიასის კუნძული - კუნძული სალამისი, რომლის მფარველაც ტროის ომის ერთ-ერთი უდიდესი გმირი, აიას ტელამონის ძე ითვლებოდა.

დღეზე გაჩენილი. სიენესისიც, პირველი ვაჟკაცი, კილი-კიულთა მხედართმთავარი, რომელიც, ერთი კაციც კი, უამრავ მტერს აფრთხოდა, სახელოვნად დაიღუპა. ამ მეთაურებზე მოგახსენეთ მე. [330] უამრავი დანაკარგი გაქვს, მე კი რამდენიმე გამტენთ.

ატოსა

ვაი! რა საშინელი უბედურების ამბავი მესმის! სირცხვილი სპარსელებს და გლოვის ქვიითინი! მაგრამ დაუბრუნდი თხრობას და გარკვევით მითხარი, როგორი იყო ბერძნების ხომალდების სიმრავლე, რომ მათ ვაბედეს სპარსელების ხომალდებთან საზღვაო ბრძოლა?

მაცნე

სიმრავლეს რაც შეეხება, დარწმუნებული იყავი, ხომალდებით სპარსელებს უნდა გაგვემარჯვა. რადგან ბერძნებს სულ ჰყავდათ სამასი [340] გემი და კიდევ ათი რჩეული ცალკე.²⁴

ქსერქსესს კი, ეს კარგად ვიცო, ათასი ჰყავდა და ზესწრაფი იყო ორასი და კიდევ შვიდი. ესაა რიცხვები. ხომ არ გგონია, რომ ჩვენ ბრძოლით დავეთმეთ რამე? აა, ეს რომელიღაც ღმერთმა გაგვინადგურა ლაშქარი, ბედის სასწორი არათანაბრად აწონა. ღმერთებმა გადაარჩინეს ქალღმერთ ზალასის ქალაქი.

ატოსა

მაშ, ათენის ქალაქი ისევ ხელუხლებელია?

მაცნე

სანამ ხალხი ცოცხალია, მანამ მისი გალავანი ურყევია.

ატოსა

[350] მითხარი, როგორი იყო ხომალდების ბრძოლის დასასწავსი. ვინ წამოიწყო ბრძოლა, ბერძნებმა თუ ჩემმა შვილმა, გემების სიმრავლით გაამაყებულმა?

მაცნე

დაიწყო ყველა ეს უბედურება, ჩემო დედოფალო, შურისმაძიებელმა სულმა ან ბოროტმა დემონმა. ბერძენი კაცი²⁵ ათენელთა ლაშქრიდან მოვიდა და უთხრა შენს ვაჟს, ქსერქსესს, რომ როგორც კი შავი ღამის წყვდიადი დადგებოდა, ბერძენი აღარ დარჩებოდნენ, არამედ დაიფანტებოდნენ ხომალდებით და აქეთ-იქით გაეშურებოდნენ, [360] საიდუმლო გაქცევით სიცოცხლე რომ შეენარჩუნებინათ. როგორც კი მოუსმინა, ვერ გამოიციწო ბერძენი კაცის ცბიერება და ვერც ღმერთების შური, ყველა ხომალდის მეთაურს უბრძანა, როგორც კი შვე მენყევტს მიწის განათებას თავისი სხივებით, წყვდიადი დაეუფლებოდა ცარგვალს, მოეწყით გემები სამ რიგად, რომ გაცურვის მსურველებისთვის ყველა გზა გადაეკეტათ, ხოლო დანარჩენი ხომალდებით აიასის კუნძულის ირგვლივ შეეკრათ წრე; ხოლო თუკი ბერძნები თავს დააღწევდნენ უბედურ ხვედრს, [370] ხომალდებისთვის რამე ფარულ გასასვლელს თუ იპოვიდნენ, ყველა გემის მეთაური თავს დაკარგავდა. ეს ბრძანება გასცა თავის თავში დარწმუნებულმა, ჯერ არ იცოდა, რა განზრახვა ჰქონ-

დათ ღმერთებს. მათაც არა უნსერიგოდ, არამედ მორჩილ გულით ვახშიბი მოამზადეს, თითოეულმა მეზღვაურმა კი თავისი ნიჩბის ხელნასაჭიდი დაამაგრა სანჩივე ორკაპას; როდესაც მზის სინათლე ჩაქრა და ღამე დადგა, ყველა მენჩიხე და ყველა შვიარალბული კაცი ავიდა გემზე. [380] მწყობრში ჩამდგარი გემები ერთმანეთს შეეხმიანდნენ, გაცურეს, როგორც თითოეულს ჰქონდა ნახრძანები, და მთელი ღამე ხომალდების მეთაურები ნიჩბებს ასმევიენებდნენ ხომალდის ხალხს. ღამე ილეოდა, ბერძნების ლაშქარი კი არ ცდილობდა, გამძვრალოყო ფარული გასასვლელით. ხოლო როდესაც თეთრცხენიანმა დღემ მიელი მინა გაანათა, ჯერ ბერძნების რიგებში ყოინა ვაისმა, როგორც საბრძოლო სიმღერა და მაშინვე [390] კუნძულის კლდეებმა ექოდ დააბრუნა საპასუხო ძახილი. თავზარი დაცა ყველა ბარბაროსს, რომლებიც შეცდინეს: გაქცევაზე კი არ მღეროდნენ თავის დიდიბულ პეანს ბერძნები, არამედ ბრძოლაში მიემართებოდნენ დაუოკებელი სიმამაცით. საყვირის ხმა კი მათ საბრძოლოდ ალაგზნებდათ. იმავე წამს, ბრძანების თანახმად, ქუაინი ნიჩბების თანაბარი მოსმით გაცვეთეს მარილიანი ტალღები; მალე კი ყველანი ცხადად გამოჩნდნენ. მარჯვენა ფრთა პირველი [400] მიდიოდა მწყობრად, მერე კი მთელი ფლოტი მიჰყვებოდა და მაშინვე ხმამაღალი ძახილი მოსწვდა ჩვენს სმენას: „მიდით, ბერძენთა შვილებო, გაათავისუფლეთ სამშობლო, გაათავისუფლეთ ბავშვები, ქალები, მამისეული ღმერთების ტაძრები და წინაპართა საფლავები, ახლა ყველაფერ ამისთვის ვიბრძვით.“ საპასუხოდ ჩვენი მხრიდან აღიძრა შერეული სპარსული სიტყვა, აღარ იყო დაყოვნების დრო. სპილენძით მოჭედილი ცხვირით გემი გემს დაეჯახა, ბერძნულმა გემმა შეტევა დაიწყო, [410] მთლად დაღწეა ფინიკიური გემი. ერთმანეთს შეასკდა გემები. პირველი იერიშს გაუშობ სპარსულმა ფლოტმა. როგორც კი ვინრო სივრცეში მოხვდა ხომალდები, ერთმანეთის დახმარების ნაცვლად, ბრინჯაოს ცხვირებით ერთმანეთი დაიზიანა, ნიჩბები და მენჩიხეები მოსრეს. ბერძნულმა ხომალდები ამოყირავდნენ, ზღვაც აღარ ჩანდა, [420] ხომალდის ნამსხვრევებითა და მიცვალველულთა გვაგებით იყო სასვე. ჩვენმა მკვერემა გაცხეს ნაპირები და კლდეები, უნსერიგოდ გაქცევს ცდილობდა ყველა გემი, რომელიც კი გადაჩრა ბარბაროსთა ფლოტიდან. როგორც თინულს ან რომელიმე თევზის ნადავლს ნიჩბების ნატვზებით, დაქსვრეული გემის ნაწილებით დასცხეს ბერძნებმა სპარსელებს. გლოვამ და კივილმა აავსო ღია ზღვა, სანამ შავი ღამის თვალმა არ დამალა სანახაბო. მთელ უბედურებას, ათი დღეც რომ ვყვებოდე, [430] ვერ მოგიხრობოდი, ვერ შევცდებდი, აღმწერა შენთვის. თუმცა, დარწმუნებული იყავი, რომ არასოდეს ერთ დღეში ამდენი ადამიანის სიმრავლე არ ამოწყვეტილა.

ატოსა

ვაიმე, უბედურებათა ზღვამ დაამსხვრია სპარსელები და მთელი ბარბაროსების დიდი მოდგმა.

მაცნე

კარგად იცოდე, ჯერ ნახევარც არ თქმულა უბედუ-

24. სტრ. 340. ბერძნებს სულ ჰყავდათ სამასი გემი და კიდევ ათი რჩეული ცალკე - პეროდოტოსის VIII, 48 მიხედვით, ბერძნებს 380 გემი ჰყავდათ.

25. სტრ. 355. ბერძენი კაცი - პეროდოტოსის VIII, 75 მიხედვით, ეს ყოფილა ვინმე სიკინოსი, თემისტოკლესის ბავშვების აღმზრდელი. რადგან ბერძენ მეთაურთა შორის არ იყო თანხმობა, გაემართათ თუ არა საზღვაო ბრძოლა სალამისთან, თემისტოკლესმა გადაწყვიტა, ისინი ფაქტის წინაშე დაეყენებინა და იძულებული გაეხადა, ერთად ემოქმედათ საერთო მტრის წინააღმდეგ. სწორედ ამ მიზნით მოახდინა მან ქსერქსესის პროვოცირება, რომ ალყა შემოეკრათ ბერძნული ფლოტისათვის.



რების. ისეთი განსაცდელი დაგვატყდა თავს, რომ ორგზის უფრო მძიმე აღმოჩნდა სხვა გასაჭირზე.

ატოსა

ამაზე უარესი რაღა უნდა მოსვლოდათ? მითხარი, რა განსაცდელზე ლაპარაკობ, ლაშქარს [440] რომ თავს დაატყდა, რომელმაც კიდევ უფრო გაზარდა უბედურების სიმძიმე?

მაცნე

ყველა სპარსელი, ვინც იყო საუკეთესო ასაკში და სულით უმამაცესი, კეთილშობილი წარმოშობის, ხელმწიფისათვის ყველაზე უფრო საიმედო მუდამ, სამარცხივინოდ დაიხიოცა უსახელო სიკვდილით.

ატოსა

რა მესმის, უბედურს ბედმა რა დარტყმა მაგვმა, მეგობრებო! რა ბედი ეწიათ, როგორ დაიღუპნენ?

მაცნე

არის ერთი კუნძული²⁶ სალაპისის წინ მდებარე, პატარა, გემებისთვის ვერმისადგომი, მისი ზღვით განზღინილი ნაპირები გუნდების მოყვარული პანის საყვარელი სახანაა. იქ გაგზავნა ქსერქსესმა ისინი, თავისი საუკეთესო ნაწილები, [450] თუკი ბერძნების დამსხვრეული ხომალდებიდან ხალხი ამ კუნძულს მიმართავდა, მათთვის აბის საშუალება არ მიეცათ და თავისიანები კი კუნძულზე აიყვანათ. ვერ განჭვრიტა კარგად ხელმწიფემ; როდესაც რომელიღაც ღმერთმა ბერძნებს საზღვაო ომში დიდება მოუპოვა, იმავე დღეს ბრინჯაოში ჩასმული სხეულებით გადავიდნენ გემებიდან და ალყა შემოარტყეს მთელ კუნძულს, ასე რომ, ჩვენმა ხალხმა არ იცოდა, საით მოტრიალებულიყო. მრავალი ქვა მოხვდათ მათი ხელით [460] ნასროლი, ისრები გაფრინდა მშვილდის ლარებიდან, და ხოცავდა ყველას. საბოლოოდ ბერძნები, აღძრულები ერთიანი შეტევით, თავს დაესხნენ, ასო-ასოდ აკუნეს საცოდავები, სანამ ყველა არ გამოასალმეს სიცოცხლეს. ხმამაღლა ამოიგმინა ქსერქსესმა, როდესაც ბოროტების სიღრმე იხილა, რადგან იჯდა და მთელ ლაშქარს ხედავდა, მაღალ ბორცვზე, ზღვის ნაპირის მახლობლად. სამოსი და იგლიჯა და მწარედ ხმამაღლა ამოიგმინა, დაუყოვნებლივ მისცა ბრძანება ქვეით ჯარს, [470] უნესრიგოდ გაქცეულიყო. ეს შენთვის, უკვე ნახსენებთან ერთად, არის უბედურება, რომელიც უნდა დაიტყრო.

ატოსა

საძულველო დაიმონო, როგორ გაუტყრე სპარსელებს იმედი! მწარე შურისძიება იპოვა ჩემმა შვილმა სახელთიანი ათენელისგან, საკპარისი არ აღმოჩნდა, რაც მანამდე მართონში ბარბაროსები დაიხილნენ. მათთვის შურისძიებას ფიქრობდა ჩემი ბიჭი და ამოდენა უბედურებაში ჩაიგდო თავი. შენ კი მითხარი, ხომალდები, რომელთაც განსაცდელს თავი დააღწია, სად დატოვე ისინი? მათზე ვერ მეტყვი ცხადად?

მაცნე

[480] იმ ხომალდების მეთაურები, რომლებიც ჯერ კიდევ დარჩნენ, სასწრაფოდ გაიქცნენ უნესრიგოდ, საითაც ქარმა წაიღეს. დარჩენილი ლაშქარი კი ბეოტიის მიწაზე დაიღუპა, წყაროს წყლის სასიცოცხლო ძალის გვერდით წყურვილმა დაახრჩო, სხვებმა კი, დაქანცულებმა, ქომინით მივადნით ფოკისელების მიწას, დორისის ქვეყანას, მეიოსის უბეს, სადაც სპერქესი ასმევს ყანებს

წყალს. იქიდან მშვირები აქაიის მიწაზე გადავიდით და თესლის ქლაპებს მივადეკით, [490] იქ უმეტესობა დაიღუპა წყურვილითა და შიმშილით, რადგან ორივე დაგვატყდა თავს. მაგნესიის მიწას მივადეკით და მაკედონიელების ქვეყანას, აქსიოსის ფონს, ბოლბეს ჭაობის ლელანს, პანგეესის მთას, ედონების მიწას. იმ დამით ღმერთმა დროზე ადრე დააყენა ზამთარი და გაიყინა წმინდა მდინარე სტრიმონის მთელი დინება. ვინც ღმერთებს პატივს არ სცემდა მანამდე, ახლა ვედრებით ლოცულობდა, მიწასა და ზეცას თავყვანს სცემდა. [500] როდესაც მრავალგზის მოუხბო ღმერთს და შენყვიტა ლაშქარმა ლოცვა, გაყინულ მდინარეზე გადავიდით; ვინც კი ჩვენგან მოასწრო მზის ღმერთის სხივების განფენას, გადარჩა; მაგრამ მალე მზის მოელეგარე დისკომ ფონის შუაში შეაღწია და გაადნო ყინული ცეცხლით. ერთმანეთის მიყოლებით ჩაცვივდნენ, იმათ გაუმართლათ, ვისაც უსწრაფესად ამოხდა სული. დანარჩენებმა კი, ვინც სიკვდილს გადაურჩა, თრაკია გადაჭრეს დიდი ტანჯვით, [510] და გამოქცეულები ჩამოვიდნენ, უკვე ძალიან ცოტანი, მშობლიური კერის მიწაზე; ასე რომ, დაიტყრე და გამოივლოვე, სპარსების ქალაქო, ამ მიწის საყვარელი ყმანვილკაცები. ასეთია სიმატრე. ბევრი რამ გამოვტოვე არა მითქვამს იმ უბედურებაზე, რომელიც თავს დაგვატყდა ღმერთმა.

გუნდი

უბედურების მომტანო დაიმონო, რა მეტისმეტი სიმძიმით ფეხქვეშ გათეულ მთელი სპარსული მოდგმა!

ატოსა

რა უბედური ვარ, ჩვენი ლაშქრის დაღუპვის გამო! ოღონდ სიზმრისებლო მკაფიო ხილვავ, რა მეტად ცხადად მაძენობდი უბედურებას! [520] თქვენ კი მეტისმეტად მსუბუქად განმარტეთ იგი; და მაინც, დაფუჯრებ თქვენს რჩევას, ჯერ მსურს, ღმერთებზე ვილოცო, შემდეგ მიწასა და მიცვალებულებს სახლიდან სამსხვერპლო ღვეზელს საჩუქრად გამოვუტან. ვიცი, რომ უკვე მომხდარს ეს ვერ უშველის, მაგრამ, შესაძლოა, მომავალი მაინც უკეთესი გახდეს. თქვენ კი ამ გარემოებებში საიმედო რჩევა უნდა მომცეთ, ხოლო ჩემს ველის, თუ ჩემს დაბრუნებამდე მოვიტოვებ, [530] ნუგები უცილთ და სასახლეში შემოუძებით, რომ ამდენ უბედურებას მისი სასონარკვეთილებაც არ დაემატოს.

გადის.

პირველი სტასიმონი

გუნდი

ო ზევსო მეფევე, რადგან ახლა სპარსელების თავმომწონე და მრავალრიცხოვანი ლაშქარი დაღუპე, მწუხარების წყვდიადში გაახვიე სუზისა და აგვატანის ქალაქი მრავალი ქალი მოცახცახე ხელით თავმალს გლეჯს, სწორი ცრემლებით კალთას [540] ასველებს, ამ მწუხარების მონანიღლე. მწარედ დასტრეიან სპარსო ქალღმერთებს, უყურებენ რბილგადასაფარებლიან სარეცელს, რომელსაც იყოფდნენ, განცხრომიანი სიყმაწვილის სიხარულს, ტოვებენ, გლოვობენ უსასრულო გოდებით. მეც დაქცეულების საბრალე ხვედრე მთელი გულით დავტრიო.

სტროფი I

რადგან ახლა კვენესის განადგურებული მთელი აზიის მიწა. [550] ქსერქსესმა წაიყვანა, ვაი, ქსერქსესმა და-

26. სტრ. 447. არის ერთი კუნძული - მცირე კუნძული ფსიტალა.

ლუპა, უი, ქსერქსესმა უგუნურად განაღვა ბრტყელოძი-რიანი ხომალდები. როგორღა იყო დარიოსი ასე დაცული თავის დროზე უბედურებათაგან, მშვილდოსანთა ასის-თავი, სუსელების საყვარელი მეთაური?

ანტიტროფი I

რადგან ქვეითები და მეზღვაურები სელისფრთიანი, მუქთვალისანი [560] გემებით ნავიდნენ, ვაი, გემები დაი-ლუპა, უი, მთლიანად მოისპო გემთა შეტაკებაში, იონიე-ლების ხელით. თვითონ მეფე, როგორც გავიგეთ, ძლივს გამოქცეულა გაყინული გზებით, თრაკიის მინდვრების გავლით.

სტროფი II

ისინი, რომლებიც პირველი დაიხოცნენ, ვაი, მწარე ბედისწერით განწირულები, უი, [570] კიბრების ნაპირებ-თან,²⁷ ვაი, მიყვანილები! იკვნესე, იტირე, ცას გავაგო-ნოთ გლოვის ხმა, მაღლა ავნიოთ ჩვენი მწუხარე ხმები, ჩვენი უბედური გოდება.

ანტიტროფი II

კლდეებს ენარცხება სხეულები, ვაი, მათ ჭამენ, უი, ზღვის უხმო შეილები, ვაჰ! მწუხარებით სავსეა დაცარი-ელებული სახლი, [580] უშვილოდ დარჩნენ მოხუცი მშობ-ლები, ვაი, ბოლომდე შეიცნეს მთელი ტკივილი.

სტროფი III

ვინც ვრცელ აზიაში ცხოვრობს, მეტად აღარ იმარ-თება სპარსელების მიერ, აღარ მოუტანენ ღალას თავი-ანთ ბატონს, არ განირთხებიან მიწაზე მათი შიშით, რადგან სამეფო [590] ძალა დაილუპა.

ანტიტროფი III

მოკვდავთა ენა მეტად აღარ არის შეკავებული: თა-ვისუფალ ხალხს ლაპარაკი შეუძლია, რაკი ძალის უღე-ლი დამსხვრეულია. სისხლიანი მიწა, აიასის ზღვის ტალ-ღებნაცემი უუნძული ფლობს ყველაფერს, რაც ოდეს-ღაც სპარსეთი იყო.

მეორე ეპისოდონი

სასახლიდან გამოდის ატოსა მოახლეთა თანხლებით, რომელთაც სამსხვერპლო საჩუქრები მოაქვთ.

ატოსა

მეგობრებო, ვინც კი არის გამოცდილი უბედურება-ში, იმა იცის: როდესაც უბედურების ტალღა [600] თავს ატყდება მოკვდავებს, ყველაფერს შიშით უცქერენ; რო-ცა კი ბედი სასიკეთოდ შემობრუნდება, სჯერათ, რომ მუდმივად წარმატება ელით. რადგან ახლა ყველაფერი მაშინებს და თვალში ღმერთების მტრობა მიჩანს, ყუ-რებში ჩამქმის არა გამარჯვების სიმღერა, იმდენადაა უბედურების დარტყმისგან დაშინებული ჩემი სული. სწო-რედ ამის გამო ისევ მოვედი სასახლიდან არა ეტლით და ჩვეული დიდებით და მომაქვს ჩემი ვაჟის მამისთვის საღ-ვრელი, [610] რომ შევწირო მსხვერპლი, რომელიც მიც-ვალეულებს ამშვიდებს, შეუბღალავი ძროხის გემრიე-ლი თეთრი რძე, ყვევილებში მომუშავეის სითხე, გამჭვირ-ვალე თაფლი, ქალწული წყაროს წყლის ნაკადთან ერ-თად, ველური დედის შეურეველი, ძველი ყურძნის ცქრი-ალა სასმელიც, აქა ასევე მარადიული, უხვფოთლიანი,

ოქროსფერი ზეთისხილის სურნელოვანი ნაყოფი და ყვა-ვილთა წნული, ნაყოფიერი მინის შვილი. მაგრამ, მეგობ-რებო, როდესაც მე მიცვალებულებს ამ საღვრელს ვღე-ვრი, [620] უმღერეთ ჰიმნები და გამოიხმეთ დარიოსის ღვთაებრივი სული, მე კი მინას შევასმევ ქვედა ღმერთ-ბისთვის პატივს.

გუნდი

დედოფალი ქალო, სპარსელთათვის სათაყვანო, ჩა-უშვი საღვრელი მინისქვეშა პალატებში, ჩვენ კი ჰიმნე-ბით ვიზოვთ დაღუპულთა წინამძღოლებს, მინის ქვეშ კეთილად განწყონ. მინის წმინდა ღვთაებებო, გვა და ჰერმესო, და შენც, ქვედათა მეუფეც, [630] ნათელი გა-მოუშვიოთ ქვემოდან სული; თუკი ჩვენი უბედურების რამ წამალი იცის, მოკვდავთაგან მხოლოდ მას შეუძლია, გა-მოგვიცხადოს, როგორ აღვასრულეთ.

სტროფი I

გესმის ჩემი, ნეტარო და ღვთის თანაბარო მეფე, რა-საც ბარბაროსული გაურკვეველი ენით წარმოთქვამ, გესმის ჩემი დამთრგუნველი და მწარე ჩივილი? თუ ხმა-მაღლა უნდა ვიბღავო ჩემს უბედურებაზე, მას ქვემოთ ესმის ჩემი?

ანტიტროფი I

[640] შენ, გვა და სხვა ღმერთებო, რომლებიც ბატო-ნობთ ქვედა სამყაროს მკვიდრებზე, გამოუშვით თავისი სავანიდან, გვედრებით, სახელგანთქმული სული, სუ-საში შობილი სპარსელთა ღმერთი. გამოაგზავნეთ ზედა სამყაროში იგი, ვისი მსგავსიც სპარსულ მიწას არ დაუ-მარხავს.

სტროფი II

საყვარელო კაცო, საყვარელო ბორცვო; აქ ძვირფა-სი ზნე განისვენებს. აიღონევს,²⁸ მზის სინათლეზე გა-მომგზავნე, აიღონევს, გამოუშვე ღვთაებრივი მბრძანე-ბელი, დარიოსი.

ანტიტროფი II

მას არასოდეს დაუღუპავს ხალხი უაზრო და დამაქ-ცევარ ომებში, იგი ატარებდა სპარსელთა ღვთაებრივი მრჩევლის სახელს, ღვთაებრივი მრჩეველი იყო, რაკი ლაშქარს კარგად მართავდა.

სტროფი III

მეფეც, ძველო მეფეც, მოდი, მოახლოვდი! ამოდი ამ ყორღანის მწვერვალზე, [660] ზაფრანისფერი სანდალი აღმართე, სამეფო ტიარის ლითონის სამშვენისი გამოა-ჩინე. მოდი, უმნიკვლო მამა, დარიოს!

ანტიტროფი III

მოდი, მოისმინე ჩვენი ახალი, ჯერთუსმენელი უბე-დურება, ჩვენი მბრძანებლის მბრძანებელი, გამოჩნდი! რადგან სტიქისს წყევალმა მოგვიცვა, ახალგაზრდობა ხომ ჩვენი ქვეყნისა [670] ერთიანად ამოწყდა. მოდი, უმ-ნიკვლო მამა დარიოს!

ეპოდონი

ვაიმე, ვაიმე! შენი სიკვდილით მეგობრებს იმდენი ცრემლი ადინე! როგორ მოხდა ეს, როგორ შეიძლებოდა, რომ მომხდარიყო, როგორ დავკარგეთ ყველა სამრიგო-ნი ხომალდი, [680] გემები აღარაა!

27. სტრ. 570. კიბრების ნაპირებთან - სალამისის სანაპიროზე.

28. სტრ. 649. აიღონეხი - შადესის, მინისქვეშეთის მბრძანებლის, სხვა სახელი.

საკუთარი საფლავიდან ამოდის დაროსის აჩრდილი.

დაროსის აჩრდილი

ო, ერთგულნო ერთგულთაგან, ჩემი სიყმანვილის მე-
გობრებო, ბებერო სპარსელეგობო, რა უბედურება დაატყდა
თავს ქალაქს? კუნესის, თავს იცემს, დასკდა მინა. ვხე-
დავ მეუღლეს ჩემი საფლავის მახლობლად და ვფოთოთავ,
დამამუიდებელი საღვრელი კი მივიღე. თქვენ კი გო-
დებთ ჩემი საფლავის ახლოს, მიცვალებულის სულის გა-
მომხმობი ხმამალალი ძახილით საბრალოდ მეძახით. იოლი
არ არის საფლავიდან გამოსვლა, რადგან მინისქვეშა
ღმერთები ყოველნაირად [690] მზად არიან, მიიღონ და
არ გაუშვან; და მაინც, რაკი იქაც მბრძანებლობა მაქვს
მოპოვებული, მოვედი. იჩქარე, რომ არ გაევიცხო დად-
გენილი დროის გადაჭარბებისთვის. რა არის სპარსელ-
თათვის ახალი მძიმე უბედურება?

**გუნდი
სტროფი**

ვერ ვებედავ ყურებას, ვერ ვებედავ შენი თანდასწრე-
ბით ხმის ამოღებას შენ წინაშე, ძველი შიშის გამო.

დაროსის აჩრდილი

მაგრამ რაკი ქვემოდან ამოვედი შენს გოდებას მინ-
დობილი, გრძელი სიტყვა არ გინდა, მოკლედ მოჭერი და
მოპყევი, ჩემი რიდი რე გუქენება.

**გუნდი
ანტისტროფი**

[700] მეშინია, რომ დაგემორჩილო, მეშინია, რომ შე-
ნი თანდასწრებით ვილაპარაკო და ის ვუთხრა საყვარელ
ხალხს, რისი თქმაც არ შეიძლება.

დაროსის აჩრდილი

მაგრამ რაკი ჩემი ძველი შიში გულში გაქვს გამჯდა-
რი, ჩემი სარეცლის მოზიარე, კეთილშობილო ჩემო მე-
უღლე, შეწყვიტე გლოვა და ტირილი და გულახდილად
მითხარი ყველაფერი. ადამიანის ჩვეული ხვედრი ხომ
უბედურებაა. ხომ უამრავი რამ უნდა შეემთხვევს ზღვასა
და ხმელეთზე მოკვდავებს, თუკი სიცოცხლე ოდნავ გა-
უგრძელდა.

ატოსა

ო ყველა მოკვდავზე კეთილდღეობით აღმატებული
ბედის ნებეირო, [710] სანამ ცოცხალი იყავი და შენი თვა-
ლები მზეს უმზერდა, ბედნიერი ცხოვრებით ცხოვრობ-
დი და სპარსელებს ღმერთად უჩანდი, ახლა მიცვალე-
ბულიც ბედნიერი ხარ, უბედურებამდე იხილე სიღრმე.
რადგან მთელ ამბავს, დაროსს, გაიგონებ მოკლე ხანში:
სპარსთა ძალა დაემხო, როგორც იტყვიან.

დაროსის აჩრდილი

რანაირად? ჭირის მეხი დაგვეცა, თუ აჯანყება ქა-
ლაქში?

ატოსა

არც ერთი და არც მეორე, არამედ ათენთან მთელი
ლაშქარი გაგვინადგურდა.

დაროსის აჩრდილი

ჩემი რომელი ვაჟი გაუძღვა ლაშქარს იქ, მითხარი!

ატოსა

დაუოკებელი ქსერქსესი, მთელი ხმელეთის ცაცამ-
ტვერების მსურველი.

დაროსის აჩრდილი

ქვეითად გაემურა თუ ზღვით ჩაიფიქრა ეს უგნური
ლაშქრობა უბედურმა?

ატოსა

[720] ორივენაირად: ორმაგი ფრონტი ჰქონდა ორი
ლაშქრით.

დაროსის აჩრდილი

როგორ გადაიყვანა მეორე ნაპირზე ქვეითად ამო-
დენა ლაშქარი?

ატოსა

ცბიერი მონყობილობით დაიმორჩილა ჰელესპონტი
და გადასასვლელი შექმნა.

დაროსის აჩრდილი

ნუთუ ეს მოახერხა და მძლავრი ბოსფორი ჩაკეტა?

ატოსა

დაიხაჯა. რომელიღაც დემონი დაეხმარა, როგორც ჩანს.

დაროსის აჩრდილი

ვაჟ! მძლავრი ყოფილა ის დემონი, თუკი ტვინი ასე
აუმღვრია.

ატოსა

როგორც შედეგი გვაჩვენებს, დიდი უბედურება
შეძლება.

დაროსის აჩრდილი

და შემდეგ რა ქნეს, რომ ასეთ გლოვას მისცემი-
ხართ?

ატოსა

საზღვაო ძალა რომ განადგურდა, სახმელეთოც
დაიღუპა.

დაროსის აჩრდილი

და მთელი ხალხი დაიღუპა მტრის შუბით?

ატოსა

[730] დიახ და ამის გამოა, რომ მთელი სუსა დასტი-
რის თავის დაცარიელებას.

დაროსის აჩრდილი

ვაი ჩვენი მცველი მებრძოლების მამაცურ ძალას!

ატოსა

ბაქტრიელების ხალხიც ამოწყდა, ერთი მოხუციც
ვერ გადარჩა.

დაროსის აჩრდილი

უბედური, მოკავშირეთა მთელი ახალგაზრდობაც
გაანადგურა.

ატოსა

ამბობენ, რომ ქსერქსესი რამდენიმე მეომრით დარჩა...

დაროსის აჩრდილი

როგორ და სად აღეწრულა? თუ გადარჩენის იმედი
არის?

ატოსა

თავისდა ბედად, მოადგა ორი ხმელეთის შემეართე-
ბელ ხიდას.

დარიოსის აჩრდილი

და აქეთ მხარეს გადმოვიდა უვნებლად, ეს მარ-
თალია?

ატოსა

დიახ, ეს ნამდვილი ამბავია, ეჭვი არ არის.

დარიოსის აჩრდილი

ვაი! რა სწრაფად ახდა წინასწარმეტყველების საქ-
მე! ჩემს შვილს [740] დაატეხა თავს ზევსმა მათი ძალა. მე
კი მეგონა, რომ დიდი დრო გამოსდებოდა, სანამ ღმერ-
თები მათ ალაროვებდნენ; მაგრამ როცა კაცი თავად
ჩქარობს, ღმერთიც შეუერთდება. ახლა, მგონი, ყველა
ჩემი საყვარელი ადამიანისთვის ამოხეთქა უბედურების
წყარომ; ხოლო ჩემმა ვაჟმა საფრთხე ვერ შენიშნა და
ყმანვილკაცური დაუდევრობით მასში გადაეშვა. მას იმე-
დი ჰქონდა, რომ წმინდა ჰელესპონტს და მონასავით ბორ-
კილებს დაადებდა, ბოსფორის ღვთაებრივ დინებას და
დააჭედებდა რა უროსებურ ხუნდებს, ახალი ყაიდის ფარ-
თო გზას გაუკვლავდა თავის აურაცხელ ლაშქარს; მოკ-
ვდავი კაცი უკვდავებს გაუთამამდა და გონებადაკარ-
გული პოსეიდონს გაეჯიბრა. ნეტავ, რამე სენმა გონება
ხომ არ დაუბნელა ჩემს ვაჟს? მეშინია, რომ ჩემი გარჯის
ნაყოფი, ჩვენი უზარმაზარი სიმდიდრე სხვისი ნადავლი
არ გახდეს.

ატოსა

ბოროტ ხალხთან ურთიერთობაში ისწავლა ეს დაუო-
კებელმა ქსერქსესმა. რადგან ამბობდნენ, რომ შენ შვი-
ლებს შუბით უზარმაზარი ქონება მოუშოვე, ის კი, არა-
ვაჟკაცი, სახლში მეომრობდა და მაძისეულ ქონებას არ
ზრდიდა. ეს საყვედური რომ ესმოდა ხშირად ბოროტი
ხალხისგან, მაშინ გადანყვიტა საბერძნეთზე გალაშქრება.

დარიოსის აჩრდილი

და აი, მან გამოიწვია უდიდესი და დაუვიწყარი [760]
უბედურება, რომელიც მანამდე არასოდეს არ სწევია ამ
ქალაქ სუსსს, მას შემდეგ, რაც შეუფე ზევსმა დაადგინა,
რომ ერთი პატრონი უნდა ჰყავდეს და ერთი კვერთხის
მპყრობელი ბელადი უნდა მართავდეს მთელ ნაყოფიერ
აზიას. რადგან პირველი იყო მედოსი, ვინც იყო ჩვენი
მხედართათავარი, შემდეგ იყო მისი ძე, რომელმაც ალას-
რულა თავისი საქმე, რადგან სიბრძნე მართავდა მის
სულს. მის შემდეგ მესამე იყო კიროსი, ბედნიერი კაცი,
რომელიც ხელისუფლებას დაეუფლა და მშვიდობა მის-
ცა ყველა ხალხს. [770] ლიდისა და ფრიგიის ხალხები
დაიპყრო და მთელი იონია შემოიერთა. ღმერთი სწყა-
ლობდა, რადგან კეთილგონიერი დაიბადა. კიროსის ძე
ჩვენი ლაშქრის მეოთხე მმართველი იყო. მეხუთე იყო
მარდოსი, რომელმაც შეარცხვინა სამშობლო და ძველი
ტახტი. იგი კი ცბიერებით ღირსმა არტაფრენესმა მოკ-
ლა სასახლეში მეგობარ კაცებთან ერთად, როგორც სა-
ჭირო იყო. მეექვსე იყო მერაფისი, მეშვიდე კი - არტაფ-
რენესი. მეც დავეუფლე იმ ხვედრს, რომელიც მსურდა,
[780] და ვილაშქრე ბევრი დიდ ლაშქართან ერთად, მაგ-
რამ ასეთი უბედურება არასოდეს მომიტანია სახელმწი-
ფოსთვის. მაგრამ ქსერქსესი, ჩემი ვაჟი, ახალგაზრდა
და ახალგაზრდული ფიქრები აქვს და არ დაიმასხოვდა
ჩემი რჩევები. ეს ხომ კარგად იცით, ჩემო თანატოლებო,
თქვენ, ყველამ, ვისაც ძალაუფლება გვქონდა, ამოდენა
უბედურება არ ჩაგვიდენია.

კორიფაიოსი

მაშ, რა უნდა ვქნათ, მეუფე დარიოს, საით მივყა-
ვართ შენს სიტყვებს? მომხდარის შემდეგ რა უნდა ილო-
ნოს სპარსელმა ხალხმა?

დარიოსის აჩრდილი

[790] ბერძნების მინას აღარ დაესხათ თავს, თუნდაც
მიდიელების ლაშქარი აღმატებული იყოს მათსაზე, რად-
გან თავად მინაა მათი მოკავშირე.

კორიფაიოსი

ამას რას ამბობ? რა გზითა მოკავშირე?

დარიოსის აჩრდილი

შემშლილთ კლავს მტრის მეტისმეტად დიდ ლაშქარს.

კორიფაიოსი

მაგრამ თუკი უფრო რჩეულ და უკეთ აღჭურვილ
ლაშქარს ნარგმართავთ?

დარიოსის აჩრდილი

ახლა საბერძნეთში დარჩენილი ლაშქარიც კი ვერ
დაბრუნდება და ვერ გადარჩება.

კორიფაიოსი

როგორ ამბობ? მაშ, ბარბაროსთა ლაშქარი ვერ და-
ტოვებს ევროპას და ვერ გადმოკვეთს ჰელესპონტს?

დარიოსის აჩრდილი

[800] ყველაფერი დადასტურდება. ცოტანი, თუკი
სანდოა ღმერთების წინასწარმეტყველება, მომხდარის
მიხედვით, რადგან რაკი რალაც დადასტურდა, ყველა-
ფერი დადასტურდება. ეს კი ნიშნავს, რომ რჩეული ჯარი
ჩემმა ვაჟმა იქ, ცარიელ იმედზე დაყრდნობით, დატოვა.
ისინი შეჩურვული არიან იქ, სადაც ასოპოსი რწყავს და
კვებავს ბუთების მიწებს, იქ, სადაც უხევებიან უკანას-
კნელ განსაცდელს, რომელიც მათ მოევიწიათ ქედმაღ-
ლობისა და არასათნო საქციელის გამო, რადგან საბერ-
ძნეთში რომ ჩავიდნენ, არც ღმერთებს მოერიდნენ, [810]
ღმერთების გამოსახულებები მოსპეს და ტაძრები გა-
დანვეს. საკურთხეველები დაარბიეს, ღმერთების ქანდა-
კებები ჩამოაგდეს და დაღუნეს; და აი, ასეთი უბედურე-
ბა რომ ჩაიდინეს, არანაკლებიც გადაიტანეს, სხვა გან-
საცდელიც მოელით, სადაც უბედურება ჯერ კიდევ წინაა, მათი
გასაჭირის გაზაფხული არ ამონურულა, ჯერაც ძალა-
შია. დიდი სისხლი კიდევ დაიღვრება პლატეას მიწასთან
ღორღოვანი შუბით და საფლავთა ჯაჭვი მესამე თაობამ-
დე უსიტყუო მაგალითად დარჩება ადამიანთა თვალუ-
ბისთვის, [820] რომ მოკვდავი კაცი მეტისმეტად არ უნ-
და ზვაობდეს. ქედმაღლობა დაწინაა და ნაყოფად მო-
იტანა უბედურება, საიდანაც მოვიწიეთ ცრემლების მო-
სავალი. ამ შურისძიებას რომ დაინახავთ, გაიხსენეთ ათე-
ნი და საბერძნეთი, ნულარ გაფლავდათ საკუთარ ბედ-
ნიერებას და მეტს ნუ მოინდომებთ, სხვისი ნუ მოვიწი-
ებთ. ზევსი სინამდვილეში მძიმე ხელით შურს იძიებს
მეტისმეტი ქედმაღლობისათვის. თქვენ კი, რომელთაც
სიბრძნე არ გაკლიათ, გონებისკენ მოუბნეთ ჩემს შვილს,
ჩააგონეთ მას ღმერთების პატივსცემა, რომ შეწყვი-
ტოს თავებელი ზვიადობით ღმერთების განრისხება.
შენ კი, ქსერქსესის ღირსეული და საყვარელი დედა,
სასახლეში შედი და შესაბამისი სამოსი გამოუტანე შვილს
და მოემზადე მის შესახვედრად. რადგან მთლიანად ტან-
ზე დაიგლიჯა და ძონძებად აქცია ბრწყინვალე სამოსი
ამ უბედურებაში. ანუგემე ნაზი სიტყვებით, რადგან მხო-
ლოდ შენ, ვიცი, რომ მოგისმენს. მე კი მინის ქვეშ, წყვილი
აიპო, ჩავალ. [840] თქვენ კი, უხეცესნო, მშვიდობით, მი-
უხედავად გასაჭირისა, გაიხარეთ თქვენი თითოეული
დღით, რადგან სიმდიდრეს მიცვალებულისთვის სარგე-
ბელი არ აქვს.

დარიოსის აჩრდილი გადის.



კორიფაიოსი
გული მტკივა, რომ მესმის, რამდენი უბედურება და-
ატყდა თავს და კიდევ რამდენი ელოდება ბარბაროსებს!

ატოსა
ო, ღმერთო! რამდენი განსაცდელი დამატყდა თავს,
მაგრამ ყველაზე უფრო გული იმან მომიკლა, რომ გა-
ვიფონე, ჩემი შვილის სხეულს ახლა თურმე სამარცხვი-
ნო ძონძები რომ ფარავს. მაგრამ მივიფიქრე, სახლიდან
სამოსი გამოვუტან [850] და მის შესახვედრად მოვემ-
ზადები. საყვარელი ხალხი განსაცდელში არ უნდა მი-
ვატოვოთ.

გადის.

მეორე სტასიმონი

გუნდი
სტროფი I
ო, დიახ, ეს იყო მართლაც სახელოვანი და კარგი
ცხოვრება, როდესაც დიდი ხნის განმავლობაში გვყავდა
ხანდაზმული და ყოველმხრივ მძლავრი მეფე, რომელ-
საც არაფერი შეშლია, დაუმარცხებელი მეფე, ღვთისდა-
რი დარიოსი და ის მართავდა ქვეყანას.

ანტისტროფი I
უპირველესად ჩვენ მსოფლიოს ვუჩვენეთ სახელო-
ვანი ლაშქარი, ბურჯავით მტკიცე კანონმდებლობა, [860]
ყოველმხრივ მოწესრიგებული, ჩვენ გბრუნდებოდით ომე-
ბიდან დაუმარცხებლები და დაუტანჯავი, ხალხი ბედნი-
ერი ბრუნდებოდა შინ.

სტროფი II
რამდენი ქალაქი აიღო ისე, რომ არ გადაულახავს
მდინარე ჰალისი და საკუთარი კერა არ მიუტოვებია.
როგორც, მაგალითად, აქელაოსის ქალაქები, სტრიმო-
ნის ზღვაზე, [870] თრაკიის დაბლობის მეზობლად.

ანტისტროფი II
როგორც ისინი, რომლებიც ტბიდან შორს, ხმელე-
თის ქალაქები, გალავანდებულნი იყვნენ დაემორჩილა მას,
როგორც მეფეს; დასახლებები ჰელესპონტის ორივე მხა-
რეს და პროპონტისის²⁹ სრუტის სივრცე და პონტოსის³⁰
კარიბჭე.

სტროფი III
და ზღვით განბანანილი [880] კუნძულები, ზღვის გან-
ვდენილ მკლავზე, რომლებიც ჩვენს ხმელეთს ემიჯნება,
როგორც ლესბოსი, ზეთისხილით მდიდარი სამოსი, ქი-
ოსი და პაროსი, ნაქსოსი, მიკონოსი და ანდროსი, რომე-
ლიც ტენოსის მიწის გვერდითაა.

ანტისტროფი III
იგი ფლობდა ღია ზღვის კუნძულებს: [890] ლემნოსს,
იკაროსის მიწას, როდოსსა და კნიდოსს, კვიპროსის ქა-
ლაქებს: პაფოსსა და სოლეს და ახლანდელი ჩვენი უბე-
დურების მიზეზს, სალამისის დედაქალაქს.

ეპოდოსი
და ბერძნების მდიდარ და ხალხმრავალ ქალაქებს
იონიის მხარეში [900] მართავდა თავის ნებაზე. მის ხელთ
იყო მეომარ კაცთა და ყველა ერის მოკავშირეთა დაუ-

ქანცავი ძალა. მაგრამ ახლა, როდესაც ზღვაზე საშინე-
ლი დამარცხება განვიცადეთ, მთელი ომიც წაუგებო, ბე-
დი შეიცვალა და უეჭველია, რომ ამაში ღვთის ხელი
ურევია.

ექსოდოსი

შემოდის ძონძეები ჩაცმული ქსერქსესი მწირი
ამალით.

ქსერქსესი

ვაი, რა უბედური ვარ, [910] რა საშინელ განსაცდელ-
ში ჩავვარდი! რა დაუნდობლად თელავს ფეხით ბედის-
წერა სპარსულ მოდგმას! კიდევ რა მელის მე უბედურს?
რადგან მუხლებში ძალა მერთმევა, როდესაც ამ უხუცეს
მოქალაქეებს ვხედავ. ნეტავ მეც, ზეგსო, წასულ ვაჟკა-
ცებთან ერთად დავეფარე სიკვდილის ბედისწერას.

კორიფაიოსი

ვაი, მეფე, ვაი კეთილო ლაშქარო, ვაი სპარსეთის
მმართველობის დიდოსახელო, [920] ვაი ვაჟკაცთა ბრწყინ-
ვალეებს, რომლებიც ბედისწერამ მოკვება! მინა დასტი-
რის მშობლიურ ახალგაზრდობას, ქსერქსესისთვის და-
ხოცილოთ, მინა ჰადესი დახოცილო სპარსელებით ვაა-
სო. რადგან უამრავი მეომარი, რჩეული მშვილდოსანი,
ჩვენი ქვეყნის ყვავილი, აურაცხელი ვაჟკაცი დაიღუპა.
ვაი ჩვენს საიმედო დაცვას! აზიის ქვეყანა, დედამიწის
მეფე, [930] საშინლად, საშინლად დაცემულია მუხლებზე.

ქსერქსესი

სტროფი I

შემხედეთ, ეს მე ვარ, გლოვის საგანი, ჩემი მოდგმი-
სა და სამშობლოს დასაქცევად დაბადებული.

გუნდი

შენი დაბრუნების აღსანიშნავად აღმოვთქვამ ავის-
მეტყველ ხმას, ავისმომასწავებელ ოხვრას, მარინდინე-
ლი დამტირებლის [940] ცრემლმრავალ გოდებას.

ქსერქსესი

ანტისტროფი I

გაიღეთ მარადიული გლოვის შესაბრალისი ხმა, რად-
გან ბედისწერამ ზურგი შემექცია.

გუნდი

შესაბრალისად გლოვით დავიტიროთ ჩვენი ზღვაში
დაღუპული ხომალდები; მოდგმაზე მგლოვიარე ქალაქი
ტირის. მე კი დავტირი, დავტირი ხმამაღლა და აურაცხე-
ლი ცრემლით.

ქსერქსესი

სტროფი II

[950] იონიელებმა დახოცეს, იონიელებმა საზღვაო
ბრძოლაში გამარჯვეს და ღამით მოინიეს საბედისწე-
რო ნაპირზე სასიკვდილო მოსავალი.

გუნდი

ვაი! იყვირე და მთელი უბედურება გაიგე. სად არის
ჩვენი მეგობრების სიმრავლე? სად არის, შენს გვერდით
რომ იდგა ფარანდაკესი, სუსასი, პელაგონი და ოტობა-
სი, [960] აგდაბატასი, ფსამისი, სუსისკანესი, რომელმაც
აგბატანა დატოვა?

29. სტრ. 876. პროპონტისი - მარმარილოს ზღვა.
30. სტრ. 877. პონტოსი - შავი ზღვა.

ქსერქსესი
ანტისტროფი II

ყველანი დავტოვე, ტიროსული გემებიდან სალამის ნაპირებს აწყდებოდნენ და ტალღები ახეთქებდნენ კლოვან ნაპირებს.

გუნდი

ვაიმე, იყვირე! სად არის შენი ფარნუქოსი და მამაცი არიომარდოსი, სად არის მეუფე სევალქესი, [970] კეთილშობილი ლილაიოსი, მემფისი, თარიბისი და მასისტრასი, არტემბარესი და ჰისტექმასი? ამას გეკითხები.

ქსერქსესი
სტროფი III

ვაი, ვაიმე! უძველეს და საძულველ ათენს ერთი შეტყვისას შეავლეს თვალი და ვაი, ვაი, უბედურები ნაპირზე დაეცნენ.

გუნდი

ნუთუ შენი სანდო თვალი³¹ დაკარგე, რომელმაც ათი-ათასობით სპარსელი დაითვალა, ალპისტოსი, ბატანოქოსის ძე?! მეგაბატესის ძის, სესამესის ძე, პართოსი და მძლავრი ოიბარესი, დატოვე, დატოვე? ვაი, ვაი უბედურს! სახელოვან სპარსელებზე ცუდ ამბავს ამბობ.

ქსერქსესი
ანტისტროფი III

ვაი, ვაი, მართლაც, გულს მიკლავს ჩემი საყვარელი მეგობრების გახსენება, [990] როდესაც გლოვობთ, მახსენებთ საშინელ და უპატიებელ ამბავს. ჩემს მკერდში გული ბლავის იმ უბედურებზე.

გუნდი

სხვებიც არიან, ვინც გვენატრება: ათიათასი მარდელი ვაჟკაცის მეთაური ქსანთისი და მამაცი ანქარესი, დიექსისი და არსაკესი, მხედართა მეთაურები, კეგდატასი და ლითიმნასი, ტოლმოსი, ომით გაუმადლარი. მიკვირს, მიკვირს, [1000] რომ ისინი არ მოჰყვებიან შენს ბორბლიან კარავს.

ქსერქსესი
სტროფი IV

რადგან ნავიდნენ მხედართმათურები.

გუნდი

ნავიდნენ უსახელოდ.

ქსერქსესი

ვაი, ვაიმე!

გუნდი

ვაი, ვაი, დემონებო, მოულოდნელად დაგვაცხრით თავს, ამკარაა, აქ შურისძიების ქალღმერთის ხელი ურევია.

ქსერქსესი
ანტისტროფი IV

საშინელი დარტყმაა და დიდხანს გასტანს.

გუნდი

დარტყმაა, სრულიად ცხადია.

ქსერქსესი

[1010] ახალი, ახალი უბედურება, უბედურება!

გუნდი

ჩვენდა დასალუბავად შევასკდით ზღვაზე იონიელს, ბრძოლაში ბედი არ აღმოგვანდა სპარსელებს.

ქსერქსესი
სტროფი V

რა მართალია! ამოდენა ლაშქარი დამარცხდა, ვაიმე უბედურს!

გუნდი

და რაც უბედური სპარსეთისა იყო, არ დაილუბა?

ქსერქსესი

ხედავ? რქა დარჩა ჩემი სამეფო სამოსიდან!

გუნდი

ვხედავ, ვხედავ.

ქსერქსესი

[1020] და ეს მშვილდისარი.

გუნდი

ეს გადაარჩინე, ამას ამბობ?

ქსერქსესი

კაპარჭი ისრებისთვის.

გუნდი

რა ცოტაა რა ბევრიდან!

ქსერქსესი

დავკარგეთ მცველები.

გუნდი

იონიელი ხალხი შუბებს არ გაურბის.

ქსერქსესი
ანტისტროფი V

მეომარი ხალხია, მაგრამ ასეთ უბედურებას არ მოველოდი.

გუნდი

გაქცეული ხომალდების სიმრავლეზე ამბობ?

ქსერქსესი

[1030] ამ უბედურების გამო სამოსი ტანზე შემოვიხი.

გუნდი

ვაი, ვაი!

ქსერქსესი

არა, ვაიზე უარესი!

გუნდი

ორგზის და სამგზისაც!

31. სტრ. 979. სანდო თვალი - სპარსეთის მეფეებს ლაშქარში ჰყავდათ ოფიცრები, რომელთაც ერქვათ „თვალი“ და „ყური“ და რომელთაც ევალებოდათ, ანგარიში ჩაებარებინათ მასზე, რაც დაინახეს და გაიკონეს.

ქსერქსესი

ჩვენთვის ტკივილი და მტრისთვის სიხარული.

გუნდი

და ძალა დაიკარგა.

ქსერქსესი

ამალის გარეშე ვარ, შიშველი.

გუნდი

ზღვამ შეინირა ისინი.

ქსერქსესი

სტროფი VI

იგლოვე, იგლოვე უბედურებაზე და სახლში წადი.

გუნდი

ვაი, ვაი, უბედურება, უბედურება!

ქსერქსესი

[1040] ხმამაღალი კენესით უპასუხე ჩემსას.

გუნდი

უბედურება უბედურისგან უბედურს.

ქსერქსესი

ჩემს სიმღერას შეუნყვე ქვითინი.

გუნდი

ოჰ, ოჰ! მძიმეა ეს განსაცდელი. მეც ძალიან მტკივა

გული.

ქსერქსესი

ანტიტროფი VI

დაირტყი, დაირტყი გულში ხელი და ჩემ გამო იკვნესე.

გუნდი

ვტირი, ვგოდებ.

ქსერქსესი

ჩემს მოთქმას მოთქმით უპასუხე!

გუნდი

ბატონო, ამას ვაკეთებ.

ქსერქსესი

[1050] ახლა უფრო ხმამაღლა იკვნესე!

გუნდი

ოჰ, ოჰ, ოჰ! ჩემს გლოვას ერწყმის ოხვრა და გულში ხელის ცემა.

ქსერქსესი

სტროფი VII

მისიურ გლოვასთან ერთად უფრო მძლავრად დაირტყი ხელი გულში!

გუნდი

ტანჯვა, ტანჯვა!

ქსერქსესი

დაიგლიჯე, გვედრები, ჭადარა წვერი!

გუნდი

სწრაფად, სწრაფად და ხმამაღალი მოთქმით!

ქსერქსესი

მკვეთრი კვილით.

გუნდი

ამასაც ვაკეთებ.

ქსერქსესი

ანტიტროფი VII

[1060] საკუთარი თითებით დაიგლიჯე მკერდზე სა-
მოსი!

გუნდი

ტანჯვა, ტანჯვა!

ქსერქსესი

თემბი დაიგლიჯე, იგლოვე ჩვენი ლაშქარი.

გუნდი

სწრაფად, სწრაფად და ხმამაღალი მოთქმით!

ქსერქსესი

ცრემლით გაივსე თვალები.

გუნდი

ცრემლებითა ვარ სავსე!

ქსერქსესი

ეპოდოსი

ყვირილს ყვირილით უპასუხე!

გუნდი

ვაი, ვაი!

ქსერქსესი

ოხვრით დაბრუნდი სახლში.

გუნდი

[1070] ვაი, ვაი, ჩვენო სპარსეთო!

ქსერქსესი

ვაი მთელ ქალაქს!

გუნდი

მართლაცდა ვაი!

ქსერქსესი

ნელა იარეთ და იგლოვეთ.

გუნდი

ვაი, ვაი, სპარსეთის მიწავ, გაუბედურებულო!

ქსერქსესი

ვაი, ვაი, სამწყებთან ნიჩბებთან ხომალდებში დაღუ-
პულებო, ვაიმე!

გუნდი


უკან მოგყვები საბრალო გოდებით.

ყველანი გადიან.

უისტან ჰიუ ოდენი

ქალაქის ხსოვნას

ინგლისურიდან თარგმნა ზვიად რატიანმა



სწორედ იქ, სადაც ჩვენი სული ხდება მგრძნობიარე,
სწორედ იქ ეძლევა ადამიანს მარადიული ღვთიური ქალაქი.
იულიანა ნორვიჩელი

თვალი ყვავის და კინოკამერის თვალი, ახელილი
განა ჩვენი, ჰომეროსის სამყაროსკენ. ერთიც და მეორეც
ადიდებს მინას, ხალხის და ღმერთების
დაუღლელ დედას; შვილები კი მზერის არეში
თუ გაკრთებიან, მხოლოდ გაკვრით: ხალხი კვდება, ღმერთები იღვნიან,
ორივე თავის წერილმან გრძნობებს აჰყოლია, და მხოლოდ მინა
არის უგრძნობი და უძრავი, სინამდვილეში
ერთადერთია, რაც მართლა არის.

ყვავი კრემატორიუმის სახურავზე
და ბრძოლის ველზე მოზუზუნე კინოკამერა
იკვლევენ ადგილს, სადაც ადგილი არ რჩება დროისთვის.

მარცხნივ სოფელი გადაუნვათ, მარჯვნივ კი, ბაზრის მოედანზე, ჯარისკაცებმა ცეცხლი გახსნეს, ქალაქისთავს წასკდა ცრემლები, ტყვეები გაჰყავთ დასახვრეტად, ხოლო მოშორებით გულგრილ ზღვაში იძირება ვეება ტანკერი.

არაფერია აქ ახალი: მოყვავილე ქლიავის ფურცლები ისევ აცვივა გარდაცვლილებს, ჩანჩქერის გუგუნის ისევ ახშობს ჭირისუფლის ქვითინსა და შეყვარებული წყვილების გმინვას, დილის მძიმე და მკვეთრი სინათლე შემთხვევით ამბებს გარდაუვალ ფაქტებად აქცევს, რომლებსაც მაცნე სტვენა-სტვენით გაიყოლებს მთების გადაღმა.

ვიღაც ტკებება გამარჯვებით, სხვას ჭამს სირცხვილი. კაცს უნდა, ქალი მოვალეა. და არავის ედება ბრალი.

უძრავი თვალი ყვავისა და კინოკამერის უგრძნობი თვალი თუმცა დანახულს არასოდეს აყალბებენ, მაინც ტყუიან. ცხოვრების ცოდვა დრო არ არის. აი ახლაც, ასეთ ღამეში, ვერგილიუსის ნაქალაქარში, უფრო სწორად, მის ნანგრევებში, სადაც წარსული საფლავების ქაოსია, და უბოლოო მავთულხლართი ერთადერთია, რაც მიინევს მომავლისაკენ, მონყვეტილია ჩვენი სევდა ბერძნულ ფესვებს: როცა მკვდრებს ვმარხავთ, ტვინით კი არა, გულით ვიცით, რომ უთუოდ იარსებებს საფუძველი ჩვენი ტანჯვისთვის, და არ უნდა შევიცოდოთ არც ჩვენი თავი, არც ქალაქი.

სადაც არ უნდა გაგვაქვავოს პროუქტორებმა, რასაც არ უნდა ჩაგვძახოდნენ მიკროფონები, არ უნდა დავნებდეთ.

||

სენაკში განმარტოებული პაპი გრიგოლი ჩურჩულებდა თავის სახელს. იმპერატორი ანათებდა ცენტრის გარეშე დარჩენილ სამყაროს ნებისმიერი წერტილიდან, სადაც იყო. ახალი ქალაქი იგებოდა მათ მტრობაზე, მათი ვასლების მუდმივ ქიშპზე ერთგულებაში, ჰოზე და არაზე; მახვილი და პროკურატორი აღარ იყო ყველაფერი. იყო სახლი და იყო რომი.

უცხო სიში დაიკარგა ტაძრისაკენ მიმავალ გზაზე.

ქალაქში მომხდარ ყველა ამბავს ჰქონდა ორმაგი მნიშვნელობა: კიდურები იქცნენ ჰიმნებად, უსიყვარულო ხვევნა-კოცნა იქცა ყველაზე მტკიცე სიახლოვედ; მოსისხლე მტრების სახეები მოლაღატეთა სახეებმა ჩაანაცვლეს ქოლერიანის კომმარებში. წყლის შვილები თავიანთი მიხვრა-მოხვრით დასცინოდნენ ზეცის უსაზღვრო მოთმინებას; სატურნის ნიშნით გაჩენილები გრძნობდნენ სამყაროს ალსასრულის მოახლოვებას.

გადამწერლები და ვაჭრები მდიდრდებოდნენ; საექვო ტომები ერთდებოდნენ, რომ დაეხსნათ მოსანყენი ღმერთისაგან იერუსალიმი, თავს არ ზოგავდნენ ლოგიკოსები, რათა დაეცვათ ბრბოს ფიქრები თავისუფალი, მავნებელი აზრებისგან გონების ქალაქში. ილანდებოდნენ მის ფანჯრებში, ბალებში, პორტებში მდინარეები, სალი კლდეები, გარეული ცხოველები, განაბულები მწყალობელი მადონას ღიმილში.

სადაც, ქვიშიან პროვინციაში, წყველიდა ლუთერი მანქანას, რომელიც ყველა ცოდვას უტევებდა ნებისმიერს, ვინც მონეტას ჩაუშვებდა. უამბობდა ცოდვილ ქალაქს სირცხვილის ბზარზე, რომელსაც ველარ შეავსებდნენ ადათებით; განიკითხავდა ბერძნულზე მეტად. რღვევა გახდა ამ ქალაქის ბუნებრივი მოთხოვნილება. ამიერიდან მის სწრაფვებში ერია ეჭვი და სიმხდალე სიყვარულში. მან დაკარგა თავის რწმენა, მაგრამ გაუძლო.

წმინდანები მოთვინიერდნენ, პოეტები ადიდებდნენ ჰეროდეს ვნებებს.
მდაბიოები ქვითინებდნენ ზეპურთა სცენებზე.
დიდებულება და სიმდარე გათანაბრდნენ მქუხარე ლექსებში.
ქალაქი, ორად გახლეჩილი ლალატიით და გონიერებით,
უხილავ საყრდენს პოულობდა შეთანხმებულ, მოზომილ ბგერებში,
ვიდრე ქვეები და ხეები ძალებს ცდიდნენ ადამიანურ
უსირცხვილო თამაშებში, პირფერობაში, ლიქენაში, ტრაბახში.

იმპერატორის სახელით და დავალებით ბუნებისგან ითხოვდნენ პასუხს
და ათქმევინეს, რასაც მისგან მოელოდნენ: აღიარა, რომ არ აქვს სული.
ცივ მინას და ეშაფოტს შორის აღმოცენდა ზომიერი, ახალი სტილი,
ლიმილის ირონიულობა შეირაცხა ღვისმოსავობად;
სიმდიდრემ თავაზიანობა ასწავლა ქალაქს. მისთვის ჩვეული ქედმაღლობით
ადგილობრივი მემამულე გადაიქცა ბუნების და მისი შვილების
მოსამართლედ, ანუ მამად მისი ტყეების.

ერთი ქვეყნის დედაქალაქში მირაბომ და მისმა ხალხმა შეუტია
ბუნდოვანებას; საგამოფენო დარბაზები ხალხს ვერ იტყვდა,
ნათელი აზრის ბუკის გუფუნით მარშირებდა ისტორია
სალი აზრის ქალაქისკენ, რომელიც გლიდა უფრო სწრაფად,
ვიდრე გხიბლავდა. მოიხმარა ნაპოლეონი
და გადაადგო. ნირნამხდარი მისი გმირები
ბნედიანივით დაეძებდნენ ჯერარდაცემულ ადამიანს.

საშიში იყო უდაბნოები, წყლები მღვრიე, სამოსელი შეუსაბამო.
ხშირად იცვლიდნენ თავ-თავიანთ ბეატრიჩეებს,
ეძინათ ცოტა, და ჯიუტად მიინევდნენ მოკაშკაშე ქალაქისკენ
დროშის ფრიალით, სიტყვის დროშის, შიშითა თუ სიამაყით
უარყოფილ, შესაძლოა, საბოლოოდ დავიწყებულ ადგილებში, სადაც კანონი
არ კანონობს; მიჰყვებოდნენ საშულველი მშობლების ჩრდილებს
და ამტვრევდნენ ქალაქური ჯოჯოხეთის სახე-კარიბჭეს.

მათ დასცინოდნენ ქიშკრები, გულს უხრავდათ უშიზნო დარდი.
თავს იკლავდნენ, ვარდებოდნენ სიმძღვრის კლდიდან
ან მთურალ ზღვაში იხრჩობოდნენ, არარსებულ კუნძულებზე ირიყებოდნენ,
კანკალებდნენ პოლარული სულის ყინვაში.
კვდებოდნენ დამარცხებულები, მარტოები; სამაგიეროდ,
მიჰქონდათ ცოდნა აკრძალული, დამალული, ველური მიწების.
ურწმუნოები, ერთგულები, თავს წირავდნენ შეგნებული ქალაქისათვის.

III

მოედნის ახლოს,
სასამართლოს გადაშვარი შენობის და პოლიციის ოფისებს შორის,
გრანდ პოტელთან, სადაც ათიოდ ჟურნალისტი ჯერ კიდევ სახლობს,
აფეთქებული საკათედროს ნანგრევებთან, საიდანაც არც ისე შორი
მანძილია გასავლელი, დინახხო საგანგებო შტაბის ბარაკი
და მავთულხლართი, რომლითაც ორად გაყოფილა მკვდარი ქალაქი.

მინდვრების მიღმა,
ორ მთას შორის, ორ მეგობარს, ორ ხესა და ორ სოფელს შორის
მიიკლაკნება მავთულხლართი, თავისთავში ჩახვეული, და რასაც ტიხრავს,
ორად იყოფა ყველაფერი, ლიანდაგი, ბილიკი, ტბორი;
ქალაქის კვალი, გემოვნება, ახლობლობა, იუმორი და ადათები -
ყველაფერი საშუდამოდ წაიშლება მავთულხლართებით.

მავთულხლართებმა
შემოაღწიეს ჩვენს სიზმრებშიც: ჩვენ ვბორძიკობთ, შემდეგ ვეცემით
და ჩვენ გარეშე გაცურდება თეთრი გემი სხვათა ცრემლში, როცა ღამდება



და როცა, როგორც ლეღვის ფოთოლს, სიტყვას ვეძებთ ხელისცეცებით; მავთულხლართები ორად ხლეჩენ საქორწინო სარეცელს; ერთი ბოლო გორგონას თავზე არის დახვეული, მეორე - ღმერთის.

მავთულხლართს მიღმა, როგორც სარკეში, გამუდმებით ვხედავთ ჩვენ თავს, ცხადშიც და ძილშიც, და ჩვენი სახე არ იცვლება, და იმდენად მახინჯია, ვასალებზე ნიღბად; მას არ აქვს სქესი და ასაკი, არ აქვს ხსოვნა, სახელი, ჯიში. ის შეგიძლია მიათვალო ნებისმიერ დროსა თუ სივრცეს. სადაც გინდა, გამოიხმო. როცა გინდა, გააქრო ისევ.

მეგობარია? არა, უფრო იმედია. ელოდება, გულს ქვითინით როდის ვიჯერებთ. თითქოს ვერც ამჩნევს მავთულხლართებს, ნანგრევებსაც მხოლოდ ფარია თავდასაცავად; და ისე გვგავს, ვეღარც ვიჯერებთ და გვწამს, მის სიკვდილს ჩვენს სიკვდილთან საერთო არ აქვს, ვიდრე ადამი ეძებს თავის დაკარგულ ქალაქს.

ჩვენი სინდისი დანარჩენზე თავად იმსჯელებს:

IV

მე რომ არა, უსათუოდ აცდუნებდა ადამს ლუციფერი; ვერასდროს ამოიძახებდა, *O felix culpa**.
 ეს მე ვიყავი, ვინც ურჩია პრომეთეს ქურდობა; ჩემმა სისუსტემ შეინირა აღონისი.
 მე მისმენია ორფეოსის სიმღერები, არც ისე ამაღელვებელი, როგორც ჰგონიათ. მე არც ნარცისის კრავის მზერას შევუძრივარ; არც ფსიქეა დამინდია, როცა მან ცეცხლი გააღვივა.
 მექტორი ისე მენდობოდა, როგორც არავინ არასდროს არაფერს. ჩემთვის რომ დაეჯერებინა, კორინთოდან არასოდეს წავიდოდა ოიდიპოსი; მე დუმილი ვამჯობინე ორესტეას სასამართლოზე.
 მეძინა, როცა დიოტიმა სიყვარულზე ალაპარაკდა; არც იმ ურჩხულზე ვაგებ პასუხს, რომელიც წმინდა ანტონს აცდუნებდა.
 მეხუთე სიტყვით მე მომმართა ჯვარცმულმა მხსნელმა; სტოიკოსების საჯილდაო ქვად რომ იქცა, წნორედ იმ სიტყვით.
 მე ვესწრებოდი ტრინიტანის და იზოლდას პაემნებს; კიდევ სცადეს ჩემი მოწამლევა. მე მივუძლოდი რაინდ გალაადს წმინდა გრაალის ძიებისას, ვერც ვხვდებოდი, რომ მის აღთქმას ვინაწილებდი.
 მე ვიყავი ერთადერთი, ვინც ხელს უშლიდა ელენეს და ფაუსტუსის შეუღლებას; მე ხომ არ მიჭირს მკვდრების ამოცნობა.
 მე ვერასდროს ვიტანდი ჰამლეტს, მაგრამ დონ კიხოტს ყველაფერი მივუტევე ეტლში ნათქვამი აღსარებისთვის.
 ეს მე გამოვრჩი დონ ჯოვანის თავის სიაში, რასაც ვერასდროს გამოისყიდის. ინტრიგებისკენ მე უზუბიძგე დალაქ ფიგაროს; როცა დაბრძენდა პრინცი ტამინო, არც მე დავრჩი ჯილდოს გარეშე.
 მე ნუ მომკითხავთ იმ ბებერი ზღვაოსნის ცოდვას; კაპიტან აჰაბს გამუდმებით ვაფრთხილებდი, დაჰყოლოდა ბედნიერებას.
 რაც შეეხება მეტროპოლისს, თავის საზღვრებში ვერდატეულს, პასუხს არ ვაგებ მის ხილვებზე.
 და არც მისი რიტორები მალევებდნენ, მით უმეტეს, სტატისტიკა; მათ, ვინც ცხოვრობს მისი სარკის ხილულ მხარეს, არასოდეს ეღირსება მოსვენება, არც მიტყევა.
 ახლა ჩემი ჯვარცმის ადგილს იკავებენ ფოტოგრაფები, მაგრამ ოდესმე ისევ აღვსდგები, რათა მოვისმინო მისი განაჩენი.


* - „ო, შეცდომავ კურთხეული!“ (ლათ.)



ამოს ოზი

ყველა მდინარე

ინგლისურიდან თარგმნა თამარ ლომიძე



ახალგაზრდა პოეტ ქალს არ უხდებოდა არც უბრალო, გავრცელებული სახელი - ტოვა - და არც ჩათქვირული სხეული. თეძოებსა და მხრებზე ზედმეტი ცხიმი მოსდებოდა, თუმცა კი ნაზი მოხაზულობისა იყო. ზედმეტად ფაფუკი მკლავები ჰქონდა. ჰაეროვანი აღნაგობისა სულაც არ გახლდათ.

თვალების ფერს ვერ ვიხსენებ. უცნაურია, მაგრამ მისი შარვლის ფერი ძალიან კარგად დამამახსოვრდა. უხეშ მოლურჯო ქსოვილს რუხი ფერი გადაჰკრავდა. არ ვიცი, რა ჰქვია ამ ფერს. შესაძლოა, სახელი არცა აქვს. მაგრამ ის ახლაც ძალიან მკაფიოდ წარმომიდგება ხოლმე - და არა მარტო ფერი, არამედ - ქსოვილის ხორკლიანი და თბილი ზედაპირიც, თუმცა მას არასოდეს შევხებოვარ.

მუქი ნაბლისფერი გრუზა თმა ჰქონდა. თვალების ფერი ვერ დავიმახსოვრე, თუმცა არ დამვიწყებია მათი დაღლილი, ოდნავ დამცინავი გამომეტყველება და პანანინა ნაოჭები კუთხეებში. მოდიოდო ცხვირი ჰქონდა. ტუჩების ფორმა აამკარავებდა მის გულკეთილობას. როდესაც დუმდა, ტუჩები მაინც უთრთოდა ხოლმე.

ტუჩების სინახეს ეწინააღმდეგებოდა წვეტიანი, ქედმაღლური ნიკაპი. საკმაოდ მოკლე ყელი ჰქონდა. არა, არა, ტოვას ყელი არც მოკლე იყო და არც ფართო. უბრალოდ, მაღალი არ გახლდათ და ყვავილის ღეროს არ ნააგავდა. ეს კი უმნიშ-

ვნელო ნაკლია.

ახლა ის დამემართა, რაც სშირად მომდის. ვცადე დეტალურად, თანმიმდევრულად ამეჩერა ტოვას სახე, მაგრამ როდესაც ვჩქარობდი მისი თმიდან თვალებზე გადასვლას, შუბლი გამომჩნა. ლოყებიც გამომჩნა. თუმცა, რაც ვთქვი, სრულიად საკმარისია. თხრობა თანმიმდევრული აღწერისკენ მიბიძგებს, მაგრამ ტოვას სახეს და, მთლიანად, მის გარეგნობას ერთიანი ხატის სახით აღვიქვამ. გარდა ამისა, სახე გასულიერებული, სიტყვები კი - უსულო. სიტყვებთან ჭიდილმა დაძალა. როგორც უნდა მიისწრაფოდე სიზუსტისკენ, სიტყვები მაინც გააყალბებს სათქმელს.

ელიეზერ დრორი მქვია. ოცდარვა წლისა ვარ და ტელ ტომერის კიბუცში ვცხოვრობ. კიბუცის დამაარსებელთა შორის ჩემი მშობლებიც იყვნენ. დედაჩემი ხელმძღვანელობს კულტურულ ლონისძიებებს: საღამოს წვეულებებს, დღესასწაულებს, ამზადებს საკარნავალო ნიღბებს, დეკორაციებს, საკარნავალო კოსტიუმებს, ატარებს ლექციებს. უშრეტე ენერჯია აქვს. მისგან განსხვავებით, ტოვა ზანტი და დაუდევარი ქალია. ოცდაცამეტი წლისაა, ესე იგი, ჩემზე ხუთი წლით უფროსია. არ მიკითხავს, რამდენი წლისა ხარ-მეთქი, თვითონ მითხრა (კვლავ დავარღვიე ქრონოლოგიური თანმიმდევრობა). მამაჩემი დედაზე ბევრად უფრო დაბალი და მშვიდი ხასიათის მქონე კაცია. დიდი ხნის განმავლობაში მუშაობდა საქონლის ბოსელში; მყა-

რო პოლიტიკური შეხედულებები აქვს და არაფერს უჩივის, ზაფხულის სიცხისა და ზამთრის სიცვიის გარდა.

ჯარიდან ლეიტენენტის ჩინით დავბრუნდი, ახლა კი რეზერვისტი-პარაშუტისტი ვარ. იმაზე, თუ რას ვსაქმიანობდი ომის დროს, მოგვიანებით ვიამბობთ, როდესაც აღვწერ ჩემი და ტოვას საუბარს კაფეში (აქ კვლავ ამებნა თხრობის თანმიმდევრობა: ჯარში მანამ ვმსახურობდი, სანამ ტოვას შეგვხვდებოდა. ტოვასთან საუბარი, აგრეთვე, წარსულს ეკუთვნის, და ახლა დაგპირდით, რომ ვიამბობთ (მოხავალში) იმას, რაც უკვე ვთქვი წარსულში. რა უცნაურია, რომ ვერაფერს იტყვიან ან დაწერონ შეულამაზებლად, ანუ, მარტივად რომ ვთქვათ, გაყალბების გარეშე).

კიბუცში მუშაობისას გარკვეულ წარმატებებს მივალნივ. გვაქვს სახელოვნო, რომელსაც ფაბრიკას ვუწოდებთ. ამ ფაბრიკაში ვამზადებთ დეკორატიულ შუქფარებს ნათურებისთვის. ფაბრიკის მმართველად დამნიშნეს, რადგან ენერგიულ, ინიციატივიან და შრომისმოყვარე ყმაწვილად მთვლიან. ყოველ შემთხვევაში, ასე მითხრეს მაშინ, როდესაც ამ თანამდებობაზე მნიშვნავდენ. შესაძლოა, კიბუცელებზე გარკვეულ ზეგავლენა მოახდინა იმან, რომ ჯარში ვმსახურობდი 1956 წელს, სინას კამპანიის დროს, და სამ იერიში მივიღე მონაწილეობა. ამ დეტალს ქვემოთ დავუბრუნდები.

ახალგაზრდა ქალები. ზოგჯერ ისინი ჩემს ოთახში მოდიან და ნამცხვრები მოაქვთ, მე კი სასმელებით ვუმასპინძლები. სწორედ მე მივაჩვიე ტელ ტომერის მკვიდრნი ზამთრის საღამოობით ლიქიორის სმას. ამის გამო ბევრს ჭორაობენ, მაგრამ მაქებენ კიდევ. ამ ქალიშვილებს ვუამბობ, თუ როგორ ვმსახურობდი ჯარში. ზოგჯერ ერთ-ერთი მათგანი ჩემთან ღამეს ატარებს, დილა კი სასიამოვნო ქათინაურებს მეუბნება. ყველა ეს თავგადასავალი ხანმოკლეა, რადგან, არსებითად, ამ ქალიშვილებთან არავითარი გრძობა არ მაკავშირებს. და თურომელიმე მათგანი წუწუნს იწყებს და ჩემს ბინაში ხანგრძლივად დარჩენას აპირებს, მას მაშინვე ვემშვიდობები. ცრემლებს ვერ ვიტან. ტირილს რა აზრი აქვს?

ყოველ საღამოს, სანამ ქალიშვილები გასართობად და სასაუბროდ მოვლენ, ერთი საათის ან საათ-ნახევრის განმავლობაში მარკების კოლექციას ვათვალისწინებ. ჩემი კოლექცია ერთ-ერთი საუკეთესოა ქვეყანაში. მისი შეგროვება ჯერ კიდევ მამაჩემმა დაიწყო ორმოცდათორმეტი წლის წინ, როდესაც ლოდში ცხოვრობდა. ჯარიდან დაბრუნების შემდეგ ეს კოლექცია მემკვიდრეობით მივიღე და ექვს წელზე ნაკლები დროს განმავლობაში ორჯერ გავზარდე. ამ კოლექციას უფრო დეტალურად უნდა შევჩერდე, რადგან სწორედ მან შეუწყო ხელი ჩემს შეხვედრას ტოვასთან. გარკვეულწილად, ასეა. თუმცა, კოლექციონერთა სიაში მისი სახელი არ მიძებნია და მარკე-

ბი ერთმანეთისთვის არ გაგვიცვლია. არ მიყვარს საუბარი „ბრმა შემთხვევის“ შესახებ, განსაკუთრებით მას შემდეგ, რაც ომი გადავიტანე, მაგრამ ტოვასთან შეხვედრის თემა რთულია. ეს ამბავი დეტალური თანმიმდევრობით უნდა გადმოგვცეთ და შევეცადები, ქრონოლოგიური თანმიმდევრობა არ დავარღვიო.

ფილატელია უდიდეს სიამოვნებას მანიჭებს, რომელსაც ვერასოდეს შეიგრძნობს ის, ვისთვისაც ეს საქმიანობა უცხოა. ვახშმის შემდეგ ჩემს ოთახში ვბრუნდები ხოლმე, სავარძელში ვჯდები, სიგარეტს ვუკიდებ, ნელა, მოკლე ნაფაზებით ვენევი (ესაა ერთ-ერთი იმ სამი სიგარეტიდან, რომელთაც ყოველდღე ვენევი: სადილის დროს, საღამოს და ძილის წინ). შემდეგ რადიოთი ვუსმენ კონცერტს, ნაზ და ნაღვლიან მელოდიათს. ვხურავ დარაბებს და ვაწებუ სამაგიდო ნათურას (ნათურა და შუქფარი ჩემი ნახელავია), შემდეგ კატალოგის მიხედვით ვახარისხებ, ვამონებდა თავის ადგილას ვანკობ მარკებს. ასევე, ყოველ საღამოს ვწერ წერილებს. წერილობით კავშირი მაქვს ოცზე მეტ კოლექციონერთან მსოფლიოს ყველა კუთხეში და რეგულარულად ვუცვლი მათ მარკებს. პერუში, ქალაქ ლიმაში, ცხოვრობს პედრო ანტონიო-ი-მადრე გონსალესი; პოლონეთში - მღვდელი, სახელად იანი, რომელიც ბიბლიურ იერითზე მწერს ხოლმე. აინტერესებს, როგორ მიმდინარეობს ქვეყნის აღმშენებლობა და თავს იჩენს თუ არა მისი მოსვლის მომასწავებელი ნიშნები იერუსალიმის ბორცვებზე; ნავასაკიმი ცხოვრობს პაციფისტი სოციალისტი ტოკამა, რომელიც ხოტბას ასხამს კიბუცის იდეალებს. კიშინიოველი ებრაელი ბიჭი ალექსანდრე მიგ ზავნის ბალტიისპირეთის იმ რესპუბლიკათა მარკებს, რომელიც დიდი ხანია, აღარ არსებობდა და მთხოვს გავუზავნო ისრაელის ახალ-ახალი მარკები, რადგან, მისი თქმით, „გოგონები მათგან სამშენისებს ამზადებენ“. მარსელელი ბერძენი ნიკოსი მიგ ზავნის ძველსა და ახალ არაბულ მარკებს, რომელთა მოპოვება ამ ქვეყანაში ძალზე ძნელია. ლიბერიაში, ქალაქ მონროვიაში ცხოვრობს ლიბანური წარმომავლობის ფილატელისტი ფუადი, რომლის პირველ წერილზე მისამართად ეწერა „ისრაელის ჰაშიმიტური სამეფო“, კიბუცის სახელწოდება და ჩემი გვარი. შესაძლოა, ასეინაირად იხუმრა. საპასუხო წერილი გავუზავნე და თავაზიანად ვაგრძნობინე, რომ ამგვარი ხუმრობებიარ მომწონდა. ამის შემდეგ მოკლე საქმიან წერილებს მწერს და ძალიან კარგ მარკებს მიგ ზავნის. არაფერს ვამბობ იოაკიმზე ქალაქ ლინციდან, რომელიც მარკებს მიგ ზავნის და სანაცვლოდ არაფერს მთხოვს, რადგანაც მარკებს მიიჩნევს „ერთგვარ სიმბოლურ კომპენსაციად ჰუპატიბელები ცოდვების გამო“. რისთვის ვახსენე ყველა ეს ფილატელისტი? იმისთვის, რომ მარკების შეგროვების პროცესი დავახასიათო? ან, იქნებ, იმისთვის, რომ დრო მოვიგო, სანამ ტოვას ისტორიაზე გადავიდოდე?



წერილის დაწერის შემდეგ დინჯად, თანმიმდევრულად ვფურცლავ ჩემს ალბომებს, ისე, თითქოს კარგ ღვინოს ვწრუპავდე. აქ მარკები განლაგებულია მათი სადაფურობის, თარიღის, ხარისხისა და ფერის შესაბამისად. ჩემს ალბომებში ვერც ერთ დაზიანებულ მარკას ვერ ნახავთ. თითოეულ მათგანს დიდხანს ვამონმებ გამადიდებელი შუშით. თვით იშვიათ ან დეკორატიულ მარკასაც კი არ ვინახავ, თუკი მას ოდნავი დეფექტი აქვს. აქვე უნდა ვთქვა, რომ ყველაზე უფრო იშვიათი და ფასეული მარკები არასოდეს გამოირჩევიან გარეგნულად ან სილამაზით. ყველა აქროსფერი ან ვერცხლისფერი, სამკუთხედილი ან ოვალური ფორმის მარკა მხოლოდ ბავშვებისთვის გამოდგება, გასართობად.

ჰოდა, როდესაც ტოვას მარკების შეგროვების შესახებ ვუთხარ (ამ დროს უკვე ზღვის სანაპიროსკენ მივდიოდით)ის მაშინვე მიმიხვდა და შენიშნა, ღმერთი თანმიმდევრულად გვაგროვებს, თავის ალბომში გვალაგებს და ტკბება იმ ჰარმონიით, რომელიც ჩვენი ტანჯვის მიღმა იმალებაო. დაახლოებით ასე თქვა. ქრონოლოგია კვლავ ამერიია.

ერთ საღამოს ყოველთვიურ „სტემპ უორლდ“-ში ნავიკითხე მომცრო და ძალზე მნიშვნელოვანი განცხადება: თელ-ავიველი კოლექციონერი, მავანი დოქტორი ელიეზერ მ. ბერლინი ეძებდა იშვიათ ავსტრიულ, უფრო ზუსტად კი, ავსტრიანუნგრეთის მიერ 1899 წელს გამოშვებულ მარკას. დოქტორი ბერლინი მზად იყო ამ მარკაში გაეცვალა ბონისისა და ჰერცეგოვინის მარკათა სრული კოლექცია. დაინტერესებულ პირებს შეეძლოთ დაკავშირებოდნენ ტელეფონით ან მიეკითხათ მისთვის თელ-ავივში, ამა და ამ ქუჩაზე განლაგებულ ამა და ამ სახლში. 1 საათზე (ზუსტად!).

ამ განცხადების ნაკითხვისთანავე სკამიდან წამოვხტი, რადგან საჭირო მარკა (იმათგან, რომლებსაც მამაჩემი ვარშავაში აგროვებდა ომამდე) მქონდა. ყველასთვის, ვისაც რამე გაეგება ფილატელიაში, სიტყვებს „ბონისისა და ჰერცეგოვინის მარკები“ დამატებითი ახსნა-განმარტება არ სჭირდება. გადავწყვიტე, მომდევნო დღეს სამსახურიდან თავი გამეათავისუფლებინა და სასწრაფოდ წავსულიყავი თელ-ავივში, რათა კონკურენტებისთვის დამესწრო. დილის ექვს საათზე შინიდან გავედი და შვიდი საათი არ შესრულებულიყო, როდესაც ჰაიფას ცენტრალურ ავტოსადგურზე მივედი, ცხრის ნახევრისთვის კი უკვე თელ-ავივში ვიყავი. ჯიბეში ავსტრიანუნგრეთის ძვირფასი მარკა მქონდა.

უკვე იმედი დავკარგე, რომ სიტყვების მეშვეობით შევძლებ სათქმელის გადმოცემას, რადგან სიტყვები თანმიმდევრულად მიჰყვებიან ერთმანეთს, ჩემს მეხსიერებაში ალბექტილი სურათები კი ერთიანად წარმოიშობება. მაგრამ შევეცდები

ალგნერო იშვიათი მარკა, რომლის საფასურად დოქტორი ბერლინისგან ასეთი გულუხვი ძველიუნდა მიმეღო: მასზე გამოსახულია მდინარეში მობანავი ქელი. ნაპირზე კი ირემი დგას.

პირველ საათამდე ბევრი დრო იყო. ქუჩას გავეყვი და შეჩერდი რამდენიმე მაღაზიასთან, სადაც ჩემი ფაბრიკის ნაწარმი იყიდებოდა. ჰერცლისა და ელენბის ქუჩებზე შევედი მარკების რამდენიმე მაღაზიაში. ბევრი რამ დავათვალიერე, მაგრამ ძალზე ცოტა ვიყიდე. განა რა უნდა შემოეთავაზებინათ ჩემთვის?

პირველ საათამდე კიდევ ბევრი დრო იყო. გაზეთი ვიყიდე და რესტორანში შევედი. ორი ფუნთუშა, მწვანე სალათი, ომლეტი, იოგურტი და ყავა შევეუკვეთე. საუზმის მოლოდინში მარჯვე დარტყმით ბუზი მოვკალი და გაზეთი გავშალე.

სახეგათხაზნილმა, შეუხედავმა ახალგაზრდა ოფიციატმა ქალმა მკითხა, როგორი ყავა გნებავთო. იმავე წუთს კიდევ ერთი ბუზი დავინახე და ისიც სწრაფად მოვკალი. რძიანი ყავა შევეუკვეთე. უეცრად სხვა მაგიდასთან მჯდომი ქალი წამოდგა და ოფიციატი გამოლანძღა. საყვედურობდა, აქ მშვიდად საუზმობა შეუძლებელია. მივხვდი, რომ საყვედური მე მეკუთვნოდა და ქალს ვუთხარი, თუ თქვენ ხმაური განუხებთ, მე ბუზები მანუხებენ-მეთქი. ტოვა კვლავ თავის მაგიდას მიუჯდა და აღარაფერი უთქვამს. ვისაუბრე. თან გაზეთს ვკითხულობდი.


რესტორანი თითქმის ცარიელი იყო, მასში მხოლოდ ტოვა, მე, და ოფიციატი ქალი ვიმყოფებოდით. ოფიციატმა სიგარეტს მოუკიდა და უნგრული გაზეთი „Lj Kelet“ გაშალა. ტოვა ეწეოდა და ბლოკნოტიდან ამოხეულ ფურცელზე რალაცას წერდა. დავაპირე, დროს გასაყვანად შუადღისას მოსაწერი სიგარეტი ახლა მომენია, მაგრამ საათზე დავიხეი და გადავიფიქრე.

უეცრად ოფიციატმა თქვა:
- ძალიან დაცხა.
დავეთანხმე, რადგან მისი ნათქვამი სიმართლეს შეესაბამებოდა. დიდი ხნის დუმილის შემდეგ ტოვამ თავისი კუთხიდან შენიშნა:
- სიტყვს გავუძლებთ, მაგრამ თუ ტენიანობა მოიმატა, ვერ ავიტანთ.

გაზეთის კითხვა მომბეზრდა, ცარიელი საფერფლე გვერდზე გავწიე და გავიფიქრე, საუზმის საფასურს გადავიხდი და ნავალ-მეთქი. მაგრამ ის ად უნდა წავსულიყავი?

ოფიციატი სამზარეულოში გავიდა და იქ ვილაცას ჩხუბი დაუნყო. ტოვას თვალი შევეაღვე, ვხედავდი კვამლის ბოლქვებს და მის მითრთლვარე ტუჩებს; ვხედავდი, როგორ დასტრიალდნენ ბუზები მის ყავის ფინჯანს, მაგრამ ტოვა მათ ყურადღებას არ აქცევდა. ახლა, როდესაც ამ სურათს ვიხსენებ, მეჩვენება, რომ რალაც დეტალი - შესაძლოა, მნიშვნელოვანი - გამომჩნა.

1. „ახალი აღმოსავლეთი“ (უნგრ.)



- ვინმეს ელოდები? - ვკითხე ქალს.

მან სცადა ეპასუხა, მაგრამ უეცრად ხველა აუტყდა. თავდაპირველად თითქოს მხოლოდ ჩახველება სურდა, მაგრამ შემდეგ სული შეეხუთა და ახრიალდა. გეგონებოდათ, ძალი ყფსო. წამოდგა, მაგრამ მაშინვე დაეყრდნო მაგიდას, რომ არ დაცემულიყო. ხმელეთზე გამოგდებული თევზივით უმწეოდ აღება პირს.

არ დაგზნებულვარ, მიუახლოვდი და ზურგზე ხელი დავარტყი. უკან დაიხია და როდესაც ხველება შეწყვიტა, შეძლო ეთქვა:

- არ შემეხოთ.

ბოდიში მოვუხადე და შევთავაზე, წყალს მოგიტანთ-მეთქი. არავითარი ფარული განზრახვა არ მქონია. უბრალოდ, მინდოდა, დავხმარებოდი.

- დახმარება არ მჭირდება, - თქვა მან.

გავუღიმიე.

- ჯერ არ შემხვედრია გოგონა, რომელსაც დახმარება არ სჭირდება.

- გოგონა არ ვარ, - მითხრა ტოვამ და უნგრელ ოფიციატს წყლით სავსე ჭიქა გამოართვა. - ოცდაცამეტი წლის ქალი ვარ.

როდესაც ეს უცნაური სიტყვები წარმოთქვა, გაიღიმა - მაგრამ მხოლოდ ტუჩებით, სახის დანარჩენი ნაწილი ამ ღიმილში თითქოს არ მონაწილეობდა.

- მე კი ოცდარვა წლისა ვარ. ელიეზერი მქვია. - შევეპასუხე მე.

ტოვას აცრემლიანებულ თვალებში ღიმილი ჩაუდგა. სწრაფად გადაატრიალა მაგიდაზე დაგებული ფურცელი, რომ არ მენახა, რა ეწერა მასზე და შემომთავაზა:

- დაბრძანდით, თუ გნებავთ.

მოვასწარი, თვალი შემევლო ფურცელზე დაწერილი მოკლე სტრიქონებისთვის, ტოვას მაგიდასთან დავეჯექი და ვუთხარი:

- ახლა აქ უკვე ორი პოეტი ზის. შეიძლება ნავიკითხო?

ის წამით შეყოყმანდა, თვალებში ეჭვმა გადაურბინა. ბოლოს გადაწყვეტილება მიიღო და ახალ სიგარეტს მოუკიდა,

- მაინც რა გინდათ ჩემგან?

- ისეთი არაფერი. - კითხვამ გამოაცა. - უბრალოდ, მინდოდა გამეცანით. ელიეზერ დროი ვარ. ტელ ტომერის კიბუცში ვცხოვრობ. ზოგჯერ ლექსებს ვწერ, უმეტესად - კიბუცის ფესტივალებისთვის. იუმორისტული ლექსებია, მაგრამ სერიოზულ ქვეტქსტს შეიცავს.

- კიბუცის მცხოვრებთა უმრავლესობა გაუთლელი და ხეპრეა. მაგონი, თქვენ ასეთი არა ხართ, თუნდაც იმის გამო, რომ ჩემს დასახმარებლად წამოხტით, როდესაც ხველა ამიტყდა. ტოვა მქვია და ძალიან ბევრს ვწვევი. ასე რომ დიდი მადლობა, ახლა თავისუფალი ხართ. შეგიძლიათ ნახვი-

დეთ. უკვე უკეთ ვარ.

- ერთი წუთით დაიცადეთ, - ვუთხარი მე. ახლა ნამდვილად გალიზიანებული ვიყავი და არ მსურდა, რომ მეპატიებინა ამ ქალისთვის შეურაცხყოფა, რომელსაც არ ვიმსახურებდი. - ჯერ ერთი, უკეთ სულაც არ ხართ. მეორეც, რას ნიშნავს ეს ფრაზა - "კიბუცის მცხოვრებნი გაუთლელი არიან"? მეც ხომ შემძლია ვთქვა, რომ პოეტები შერეკილები არიან.

- მართალია. განსაკუთრებით მაშინ, როდესაც ისინი გარემომცველ ადამიანებს მიჰყავთ ამ მდგომარეობამდე. იქნებ, ბოლოს და ბოლოს, მითხრათ, რა გინდათ ჩემგან?

ქოშინებდა. საფერფლე თავისკენ მისწია, ლინერი და მოქნილი თითებით აიღო სიგარეტი, რომლის მოწვევასაც აპირებდა, სანამ ხველება აუტყდებოდა, და მოუკიდა. შუბლი შეიჭმუნა.. იმავე წამს შევნიშნე, რომ მარცხენა ხელის ცერი არ ჰქონდა. შემეაფრჟოლა. ვუთხარი:

- თუ მუშებს ვაფრთხობთ, ჯობია გაგეცალოთ. მხოლოდ ის მინდოდა მეთქვა, რომ ნამდვილად მიყვარს პოეზია. ახლა კი ბოდიშს გიხდით და გემშვიდობებით.

- დაიცადეთ. - თქვა ტოვამ. - თუ არ გეჩქარებათ, ცოტა ხნით ჩემს მაგიდასთან დაჯექით.

- არ მეჩქარება. - ვუთხარი მე. და გადავწყვიტე, სადილის შემდეგ მოსანევი სიგარეტი ახლა მომენია.

- განყენინეთ, - თქვა ტოვამ.

ვიუარე. ვუთხარი, იმ ადამიანთა რიცხვს მივეკუთვნები, რომლებიც შეიძლება შეურაცხყონ, მაგრამ, ოცდათექვსმეტი წმინდანის² მსგავსად, გულში წყენას არასოდეს იდებენ-მეთქი. ქალმა უნდობლად გამიღიმა. თვალი გამირბოდა მაგიდისკენ, რომელზეც უცერო ხელი ედო. ტოვამ ეს შეამჩნია. მითხრა, ეს ლექსი, ფაქტობრივად დამთავრებულია და მხოლოდ ცოტაოდენ შესწორებას საჭიროებსო. დაინტერესდა, მართლაც მიყვარდათუ არა პოეზია.

დავარწმუნე, რომ მართლა მიყვარდა. გამოვუტყდი, რომ ერთხელ სერიოზული შინაარსის მქონე ლექსი დავწერე. ჯარში სამსახურის დროს, სამუხარო ინციდენტის შემდეგ.

მითხრა, რომ არ მოსწონდა კიბუცელ პოეტთა დახვეწილი რითმები. მიუხედავად ამისა, თუ ნავუკითხავდი ჩემს ლექსს, სიამოვნებით მომისმენდა. ახლა კი შეიძლებოდა ყავა დაგველია.

- ის ლექსი ჩემს მეგობარს ეძღვნებოდა, - ვუთხარი მე. - ნეტანელი ბიჭი იყო. ჯარში ერთად დავინყეთ სამსახური. ჩემგან ზუსტად ნახევარი მეტრის მოშორებით იდგა, როდესაც მოკლეს. ეს მაშინ მოხდა, ხირბეტ ზატარზე რომ მივიტანეთ იერში. მისმა მშობლებმა გადაწყვიტეს, შვილის სახელის უკვდავსაყოფად წიგნი გამოე-

2. გბრაული მისტიკური ტრადიციის თანახმად, დედამიწაზე ყოველთვის არსებობს ოცდათექვსმეტი ფარული წმინდანი.



ცათ. მთხოვეს, რამე დამეწერა ამ წიგნისთვის და ლექსი შევთხოვე.

ლექსი ზეპირად მასხვოდა და წაუფუკითხე. პირველ სტროფში საუბარი იყო ქვიშაზე ამოზრდილი ნორჩი კვიპაროსის შესახებ. მეორე სტროფში - ხანძარზე, რომელიც ხეებს გაუჩნდა. მესამე სტროფში - იმაზე, რომ კვიპაროსი დაინვა და ფიჭვმა წიწვები დაყარა, როდგან ვერ დაევიწყებინა კვიპაროსი და ვერ შერიგებოდა იმას, რომ თვითონ გადარჩა, კვიპაროსი კი დაინვა.

- შესაძლოა, ეს გენიალური ნაწარმოები არაა, მაგრამ გულწრფელმა განცდებმა დამაწერინა, ახლა თქვენი ჯერია. მაჩვენეთ, რა დანერეთ.

- ერთი ნუთით დაცადეთ, - თქვა ტოვამ და მიგხვდი, რომ არ სურდა, თავისი ლექსი ჩემთვის ეჩვენებინა. - თავდაპირველად ომის შესახებ მიამბოთ. იმ იერიშის შესახებ, რომელიც ახსენეთ.

- ხირბეტ ზატარი, - ვუთხარი მე, - საბედისწერო ადგილია..

და გაეჩუმიდი. ამ იერიშის შესახებ ვერ მოუფუგევოდი ისე, რომ არ მეხსენებინა ჩემი საკუთარი გმირობა, რომლისთვისაც დამაჯილდოვეს. ტრამბაზი არ მიყვარს.

ტოვა არ ჩამცივებია. შესაძლოა, გაიფიქრა, რომ მოგონებები ომის შესახებ ჩემთვის ძალიან მტკივნეული იყო. თვით უკან გადააგდო და თვა გადანიხა. ტურები უთრთოდა. წინააღმდეგობა ვერ გაუფიქრებია და ვუამბე, როგორ მივცოცავდი სიბნელეში ტყვიამფრქვევის მახლობლად; რას ვგრძნობდი, როდესაც მივცოცავდი ტყვიამფრქვევისგან დაახლოებით ორმოცი მეტრის მანძილზე, როგორ გავანადგურე მეტყვიამფრქვევები ხელყუმბარით, და როგორ მაქებდნენ შემდეგ.

ტოვა შეეცადა რაღაც ეთქვა, - შესაძლოა, უნდოდა, თავისი გრძნობები გამოეხატა - მაგრამ კვლავ ხველა აუტყდა. კანკალებდა და კვნესოდა, პირიდან გადმოსკდარი წერწყვი მაგიდაზე წვეთავდა. მისი ხველა კვლავ ძალის ყუფას მაგონებდა. სანამ ცოტათი მომჯობინდებოდა, ზურგზე ხელს ვუტყავაუნებდი. ოფიციალტს ვანიშნე და გაიქცა, რომ კიდევ ერთი ჭიქა წყალი მოეტანა. და ეს ქალი სულ უფრო მეტად მნუსხავდა, შესაძლოა, მოჭრილი თითის ან ავადმყოფური ხევის გამო. რა უცნაურია, რომ, კრუნჩხვების მიუხედავად, მონევას ცდილობდა, ისე, თითქოს სურდა, თავი დავსაჯა, თითქოს ტანჯვა სიამოვნებას ანიჭებდა. იმდენად მიზიდავდა, რომ მსურდა მოეხვეოდი, რასაც შემდგომ, რა თქმა უნდა, ვინანებდი?

მეხსიერება ყველაფერს ამახინჯებს.

სინამდვილეში არაფერი მომხდარა, გარდა იმისა, რომ ის ახველებდა, მე კი ვგრძნობდი გულსრრევას და იმასაც, რომ ეს ქალი სულ უფრო მიზიდავდა. ყველა სხვა დეტალი საიდანაც მიენება ჩემს მეხსიერებას და მოსვენებას არ მაძლევს: ესაა ქალაქის ხმაური, ქარის მოტანილი ზღვის სურნელი, ოფლის სუნეი, გამხდარი და

წვერგაუპარსავი მამაკაცი, რომელიც სივარტების საყიდლად შემოვიდა და სულელური ღრეჭით გვიოხრა, იჩქარეთ, იჩქარეთ, დრო მიდისო, პატარა გოგონა, რომელიც შემოვიდა, უნგრელოფიციანტს სახელო მოქაჩა და უთხრა, სასწრაფოდ უნდა მოხვიდე, ელენე ამბობს, მივდივარ და ვერ დავიცდიო, და ჩემ მიერ მოკლული ბუზები სუფრაზე.

ყველა ეს დეტალი თხრობას არაფერს სძენს და არაფერს გამოიცხავს. ამბავი უნდა განვითარდეს, მეხსიერება კი არ ვითარდება. ის უკან იხევს, დასასრულიდან დასაწყისისკენ, როგორც კიბორჩხალა, როგორც ადამიანი, რომელიც კომარმა გააღვია და ცდილობს გაიხსნოს, როგორ დაიწყო სიზმარი და როგორ მიაღწია იმ წერტილს, სადაც შიშმა ძლი დაუფრთხო.

მაღე ახალი ბუზები მოფრინდნენ, რათა დაეცნოსათ თავიანთი მკვდარი თანამოძმეები სუფრაზე. თაროზე შემომდგარი დიდი ძველებური საათი, რომელმაც 10:30-ზე გამოაცხადა, რომ 10:30 იყო, 11:00-ზე და 11:20-ზე კვლავ ყინიანობდა, 10:30 შესრულდაო.

კვლავ ვარწმუნებდი ტოვას, ეჩვენებინა თავისი ლექსი და ამისთვის იუმორი მოვიშველიებოდა, რომელი მუხა დავაფრთხე, როდესაც მოვახლოვდით-მეთქი? ქალმა მიპასუხა, რომ მისი ლექსები მუზებისა და შთაგონების ჩარევის გარეშე იწერებოდა და რომ წერისას ყინულივით ცივი იყო, ისეთი, როგორიცაა მომნამვლელ ნივთიერებებთან მომუშავე ქიმიკოსი ლაბორატორიაში: ფრთხილი, სალად მოაზროვნე და უფრადლებიანი. ლექსი ხომ ფუნდამენტური კომპინაციების შედეგად წარმოიქმნება. როგორც ნაზავი სითხე. როგორც სანამლავის კრისტალები.

ის ლაპარაკობდა, ლაპარაკობდა... უეცრად ფურცელი გამოვართვი, გადავატრიალე და კითხვა დავიწყე.

ტოვას სიტყვა გაუწყდა. შესაძლოა, გაფითრდა კიდევ. ლექსი ერთხელ წავიკითხე და როდესაც გადაკითხვა მოვიწოდებ, ტოვას უკვე ახალი სივარეტი ეჭირა, ეწოდა და კანკალებდა, თითქოს ყველაფერი ჩემზე იყო დამოკიდებული, იმაზე, თუ რას ვიტყვოდი ან როგორ ვივითცებოდი. შემდეგ შევამჩნიე, რომ როდესაც მოვითხოვდი, ჩემი თვალების მოძრაობას აკვირდებოდა. რადგან პირისპირ ვისხედით, ის ცდილობდა უკუღმა წავიკითხა ლექსი, ისე, როგორც იქცევა იმიგრანტი ბავშვი, რომელიც თორას წაკითხვას ცდილობს. ხელზე ხელი დამაღო და მითხრა:

- არაფერი თქვა. ჯერჯერობით არაფერი თქვა. დაცადე. შესაძლოა, არ გსურს რაიმეს თქმა. ვალდებული სულაც არა ხარ, რომ რამე თქვა.

მისი ხელი ჩემს ხელზე... და ლექსი: აქ ყველა მდინარე ზღვისაკენ მიედინება, ზღვა კი მაინც არ აღივსება; აქ ყველა ლექსი სამღვთს სისხლს, სისხლი კი მაინც იწმინდება;

ყოველივე, რაც აქაა, საიქიოშიგანაგრძობს
არსებობას,
მაგრამ იქ ზღვა კვდება და იშრითება.
ბრძენკაცებმაც კი არ იციან,
რომ განსანმენდელი მარადიული მხოლოდ
მდინარეებია.
ყველა მდინარე ზღვისაკენ მიედინება,
ზღვას კი არ სძინავს, არ ქრება და არ არსებობს.

- თუ რამის თქმა გსურს, თქვი. ახლავე.
- ბოლო სტრიქონი არღვევს ლექსის კონ-
სტრუქციას, - ვალიარე მე.
- ტოვამ მოულოდნელად მითხრა:
- უცოლო ხარ. და უახლოეს ხანებში ცოლის
შერთვას არ აპირებ.

ვერ მივხვდი, რა კავშირი ჰქონდა ამ სიტყვებს
ჩემს ნათქვამთან. გადავწყვიტე, ყურადღება არ
მიმექცია.

- ცოტათი რომ დაგეხვენა ან ბოლო სტრიქონ-
ი შეგემოკლებინა, ლექსის საზრისი უფრო თვალ-
საჩინო გახდებოდა, და იქნებ რითმაც მოგეძებნა
ბოლო სტრიქონისთვის? შესაძლოა, წერაში ხელი
მე შეგიშალე.

- რა თავაზიანი ხარ. იქნებ ზღვისკენ ერთად
გაგვესიერნა?

ნავიდეთ-მეთქი, ვუთხარი.

მალალი და წარმოსადეგი ახალგაზრდა კაცი
ვარ და ამან, ისევე, როგორც ჩემმა ნაამბობმა
ხირბეტ ზატარის, ასევე - ტყვიამფრქვევისა და
დაჯილდოების შესახებ, როგორც ჩანს, მოხიბლა
ქალი.

როდესაც ანგარიში მოიტანეს, ოფიციალტს
ჩვენი ყავის საფასური გადავუხადე და ტოვას გა-
დავულაპარაკე:

- ნუ შემეცამათები. ეს არაფერია. დაივიწყე.
- მართლაც რომ ერთ-ერთი ხარ ოცდათექ-
ვსმეტი წმინდანიდან. შეტევა შეწყება. არ შემეხო.
- შევამჩნიე, რომ დაჭმუჭნილი და არც ისე სუფ-
თა ცხვირსახოცი ჰქონდა. უცნაურია, მაგრამ ეს
დეტალიც კი მიმძაფრებდა მისდამი ლტოლვას.

ისე ახველებოდა, თითქოს, საცაა, ფილტვებს
ამოაყოლებოდა. სახე დაემანჭა, თვალბეჭეში კვლავ
ცრემლები ჩაუდგა და მალე ცრემლები და ნერწყვი
ერთმანეთს შეერია. ცდილობდა სახე გაემშრალე-
ბინა, მაგრამ ვერ ახერხებდა. დავაპირე, მისთვის
სახე ჩემი ცხვირსახოცით გამწმინდა, მაგრამ შემ-
დედ გამახსენდა, რომ მთხოვა, არ შეეხებოდი. ვხე-
დავდი, როგორ აფათურებდა თავის დასახიჩრე-
ბულ ხელს ჰაერში, თითქოს რაღაცას ეძებდა და
ვერ პოულობდა. აღვზნებისგან ვკანკალებდი, მაგ-
რამ თავს ვიკავებდი. ტოვა ყავის მოსახარშ ავტო-
მატთან მივიდა, მის ბრწყვილა ზედაპირზე არეკ-
ლილ თავის სახეს შეხვდა და შეეცადა სახე თვა-
ლები შეემშრალეობინა, ანეწილი თმა დაეგარცხნა.

ის ვუთხარი, რასაც გამოუცდელ ჯარისკა-
ცებს ვუთხნებოდი ხოლმე ლაშქრობის დროს:

- არა უშავს. არც ისე ცუდია.

ტოვამ მთხოვა, ერთი წუთით დამიცადეო და
რესტორნის საპირფარეშოში გაუჩინარდა. ერთი
წუთი გავიდა. მას კიდევ რამდენიმე წუთი მიჰყვა
და შევეშფოთდი. ამასობაში ჯიბიდან იშვიათი ავ-
სტრიული მარკა ამოვიღე და მდინარეში მობანა-
ვე ქალს დავეხდე. ამ მარკის დაბეჭდვიდან სამო-
ცი წელი გასულიყო. ქალიც მკვდარი იყო და მდი-
ნარის ნაპირას მდგარი ირემიც. ავსტრია-უნგრე-
თი აღარ არსებობდა. დარჩა მხოლოდ მდინარე,
რომლის სახელწოდება უცნობი იყო, და მარკა,
რომლის ნომინალური ღირებულება ძალზე უმ-
ნიშვნელო იყო მის რეალურ ღირებულებასთან
შედარებით. ასე ექცევა დრო საგნებს. ტოვა სა-
პირფარეშოდან გამოვიდა. სახე დაებანა, თმა და-
ეგარცხნა. ლამაზი იყო. დამეყრდნო და, ხელი-
ხელგაყრილი, რესტორნიდან გამოვედი.

ვუამბე მარკების შეგროვების, ასევე - იმ საქ-
მის შესახებ, რომელმაც თელ-ავივში ჩამომიყვან-
ა და რომლის გამოც მას ერთი საათისა და ორ-
მოცი წუთის შემდეგ უნდა დავცილებულიყავი.
ჩემი ხელი ნელზე შემოიხვია. თბილი თეძოები
ჰქონდა. ჩრდილოეთ თელ-ავივში ვიყავით, სანა-
პიროსკენ მიმავალ ქუჩაზე. სადღაც ახლოს დოქ-
ტორი ელიზერ მ. ბერლინი ცხოვრობდა. ქალაქ-
ში დღეს ჩამოვედი, რადგანაც დოქტორ ბერლინ-
თან საქმე მქონდა.

როდესაც ზღვისკენ მივდიოდი, ტოვას ვითო-
ვე, რაიმე ეამბნა თავის შესახებ, ბოლოს და ბო-
ლოს, მე ხომ თითქმის მთელი ჩემი ცხოვრება ავუ-
წერე - ჯერში სამსახური, შუქფარები, ქალიშვი-
ლები, მარკები, პოეზია - მას კი არაფერი მოუყო-
ლია, გარდა იმისა, რაც ლექსში იყო ნათქვამი.
ტოვამ გამომაჯავრა და ისრაელის რადიოსავით
გამოაცხადა: „გიტა, ლიზა და რობერტ-რეუენე
ლოვის ასული, დაიბადა 1926 წელს ბრატისლავა-
ში (სლოვაკეთი). ვენისა და ტიროლის გავლით გა-
ემგ ზავრა ისრაელში და იქ დასახლდა. 1946 წელს
ცხოვრობდა ობოლთა ებრაული სააგენტოს თავ-
შესაფარში, შემდეგ კი - სამარიის კიბუცში. ბო-
ლოს ნახეს კიბუცის მკვიდრ ჩაფსკენილ ახალ-
გაზრდასთან ერთად. თუ მოგეპოვებათ ნებისმი-
ერი ინფორმაცია მის შესახებ, ტელეფონით დაგ-
ვიკავშირდით“. კიდევ რისი გაგება გსურს?

ზრდილობის გამო გავიღიმიე. სინამდვილეში
ამ ხუმრობაზე არ მეცინებოდა. ვკითხე, რა შეემ-
თხვა შენს ოჯახს და რას საქმიანობ, ლექსების
წერის გარდა-მეთქი.

ტოვამ კიდევ რამდენიმე დეტალი მიაამო თა-
ვისი ცხოვრებიდან, მაგრამ იმ თანმიმდევრობით,
რომლითაც იხსენებდა, ასე რომ, ამ ამბების რეა-
ლურ ქრონოლოგიურ თანმიმდევრობას ვერ ვხვდე-
ბოდი. მამამისი სტომატოლოგი იყო, დედა კი -
ფორტუპიანოზე დაკვირის მასწავლებელი. ომის
დროს ის და მისი ოჯახი საკონცენტრაციო ბანაკ-
ში მოხვდნენ. ტოვას მამა მოკლეს, პატარა და
სადღაც გააქრეს, დედა სხვა ბანაკში გადაიყვან-
ეს. არც ერთი მათგანი არ გადაარჩენილა. თავად

ტოვა კი გააუბათიურეს. ცერა თითი კიბუცში და-
კარგა - ეს გერმანელებს არ ჩაუდენიათ. ომის
შემდეგ ექთანად მუშაობდა ობოლთა სოფელში.
მისი ლექსები რამდენიმე ჟურნალში გამოაქვეყ-
ნა. პირველი წიგნი უკვე გამოიცა და მოწონება
დაიმსახურა. საარსებო სახსრებს სარეკლამო მა-
სალის გაფორმებით შოულობდა. იზოლირებულ
კაფეებში ხატავდა ხოლმე. თითქმის შეყვარებუ-
ლი იყო ჩემზე. ასე მითხრა.

შესაძლოა, ყოველივე ეს დასაწყისში უნდა და-
მენერა, სანამ სხვა ამბების თხრობას დაივწყებ-
დი. დარწმუნებული არა ვარ, როგორი იყო მოვ-
ლენების ქრონოლოგიური თანმიმდევრობა.

ზღვასთან გვერდითი გზით მივედი. შეგვეძ-
ლო მოკლედ მოგვეჭრა და პლაჟამდე რამდენიმე
წუთში მივსულიყავით, მაგრამ ტოვამ მოინდომა,
მარჯვნივ გადაგვიხვია და სანაპირო ზოლის პარა-
ლელურ, ელიებურ ბენ იეჰუდას ქუჩაზე გადავი-
ლო. სველმა ტუბერკულოზურმა ხველამ რამდენ-
ჯერმე კვლავ შემოუტია და გამვლელებისა ცო-
ტათი შემრცხვა. ტოვამ ეს შეამჩნია და ბოდვის
მოიხადა შეტევის დაწყებამდეც და შემდეგაც,
როდესაც სწრაფად უკიდებდა სივარტეს. ჩასუ-
ქებული დედები საბავშვო ეტლებს მიაგორებ-
დნენ. ხანდახან სასიგნალო სირენის ხმა გვესმო-
და. ერთხელ შევჩერდი, რომ გვენახა, როგორ
ჩეხდა ხორცს ყასაბი.

უაბოტინსკის ქუჩის კუთხეში ტოვას ნაცნობს
შეხვდით. ქონდრისკაცივით ტანდაბალი, მახინ-
ჯი, გაურკვეველი ასაკის, ვინრო შარვალსა და
ჭყეტელა პერანგში გამოწყობილი ახალგაზრდა
გახლდათ. თითქმის მთლიანად თავმოტვლეპილი
იყო, მაგრამ დარჩენილი თმა რქასავით ჰქონდა
წამოქორჩილი. ტოვას გრძელი მეჩხერი უღვა-
ში დაჰკიდებოდა. ტოვას მკვლევები ჩაუფარდა,
გადაუხვია და გადააკოცა. ისე იქცეოდა, თითქოს
ენებისგან კვდებოდა, შემდეგ კი ვიღაც პოეტი და
ლიტერატურული კრიტიკოსი გააქილიკა, რომ-
ლის შესახებ არაფერი მსმენოდა. ამ არარაობის
დაცინვა რომ დაამთავრა, მხოლოდ მაშინლა მო-
მიბრუნდა, თავხედურად შემათვალისწინა და ტო-
ვას ჰკითხა, ეს შენი ახალი საყვარელია? ტოვამ
უთხრა, რომ ასე იყო.

როდესაც - ბოლოს და ბოლოს - ამ კლოუნს
გავეცალეთ, ტოვამ მითხრა, რომ მას გიუნტერი
ერქვა, მაგრამ ყველა გუსტავს ეძახდა. ეს კაცი
თავს ისრავლში ხელოვნების აბსურდისტული სკო-
ლის ფუძემდებლად მიიჩნევდა, მაგრამ მისი რეა-
ლური პროფესია სასამართლოს ექსპერტობა გახ-
ლდათ. აკვირდებოდა და აანალიზებდა სივარე-
ტების ფერფლს, ნერწყვის წინწკლებს და ასე შემ-
დეგ. ოდესაც ტოვას გუსტავი ძალიან უყვარდა,
რადგან მის ავრესიულობაში ტრავიზმს ამჩნევ-
და, მაგრამ ახლა მასთან შეხვედრაც კი არ სია-
მოვნებდა. ასეთივე დამოკიდებულებაჰქონდა ზო-
გიერთი ყოფილი საყვარლის მიმართაც, რის გა-
მოც თავის თავს ადანაშაულებდა. ამასობაში სი-

ცოცხლე მიდიოდა და იფერფლებოდა.

გავიფიქრე, რომ ახლა ტოვას სილამაზე ქა-
თინაურით უნდა შემემყო, რათა არ ეფიქრა, რომ
ჩემი ცხოვრებაც იფერფლებოდა. ვნებისგან დაც-
ლილი ვიყავი. ჩემი ქათინაური ქალმა მადლიერე-
ბით მიიღო და ერთი მათგანი გამამეორებინა კი-
დეც, თან განუწყვეტილვ მეკითხებოდა, ეს სი-
მართლეა თუ არაო.

სიყვარულზე რომ დავინყეთ საუბარი, ტოვას
მოვუყევი, როგორ შევუყვარდი ასაკოვან ქალს,
როდესაც ჯარში ვმსახურობდი. ეს ქალი ნათესა-
ვების მოსანახულებლად მოვიდა კიბუცში, ჯერ
კალათურთის მოედანზე დამინახა, მომდევნო
სალამოს - საცურაო აუზში, და ამის შემდეგ მოს-
ვენებას აღარ მაძლევდა. ხვლიკით მახინჯი იყო.
კიბუცელმა გოგონებმა და ბიჭებმა შეამჩნიეს,
რაც ხდებოდა. აქამდე ჰყვებიან ანეკდოტებს ამ
ამბის შესახებ.

- დედაშენი ხომ არ ვარ, რომ რჩევები მოგცე,
- თქვა ტოვამ.

ეს შენიშვნა უადგილოდ მომეჩვენა, მაგრამ
წაუყურე.

შემდეგ ტოვამ მითხრა, რომ სარეკლამო კამ-
პანიებში ლუკმაპურის საშოვნელად მუშაობას
პროსტიტუციის ერთგვარ ფორმად მიიჩნევდა.

უუამბე, როგორ გამომიცხადეს მადლობა შტა-
ბის უფროსის კაბინეტში, როგორ კითხულობდნენ
მადლობის ტექსტს, როგორ აღწერა ჩემმა უშუა-
ლო უფროსმა ჩემი გმირობა და როგორ მუდმი-
ვად მიტრიალებდა თავში მოგონება ნეტანიელი
მეგობრის შესახებ, რომელიც ხირბეტ ზატარში
მოკლეს, ჩემგან ნახევარი მეტრის მანძილზე.

ტოვამ მიაბო კონკურსის შესახებ, რომელ-
შიც ოდესაც გაიმარჯვა: მხატვარ გრაფიკოსთა
კონკურსის მონაწილეებს აშშ-სთვის სარეკლამო
პლაკატი უნდა შეექმნათ თავისუფლებისა და ბედ-
ნიერების შესახებ. ტოვამ დახატა პლაკატი, რო-
მელიც თვითონვე სძაგდა: თავისუფლება და ბედ-
ნიერება მან წარმოადგინა როგორც ფანტასტი-
კური ფრინველები გულისამრევად „ტკბილი“ სა-
ბავშვო მოთხრობიდან. ამ სისაძაგლემ საერთა-
შორისო ჯილდო დაიმსახურა.

როდესაც ჰა-იარკონის ქუჩა გადავჭერით, გა-
დავწყვიტე ტოვასთვის მარკა მეჩვენებინა და ამეხ-
სნა იმ შეხვედრის მნიშვნელობა, სადაც ერთი სა-
ათის შემდეგ უნდა მივსულიყავი. ავუნერე მას
მარკების კოლექციონრობით მონიჭებული სია-
მოვნება, მათი თანმიმდევრობა და ნესრიგი, რო-
მელიც ჭეშმარიტად მშვენიერი თვალთ სანახავი
რამ იყო.

ტოვა შეჩერდა, ზღვას თვალი შეავლო და წარ-
მოთქვა, ღმერთი გვაგროვებს, ერთიმეორის მი-
ყოლებით გვალაგებს, თავის ალბომში გვათავ-
სებს და ტკბება ჰარმონიით, რომელიც იმალება
ჩვენი ტანჯვის მიღმაო.

ეს ფრაზა მდუმარედ მოვისმინე.
ტოვამ მითხრა, მიყვარხარო, და ძველისძვე-

ლი საფეხურებით ჩავედით ზღვისკენ. ცხელოდა. ოფლისგან დასველებული პერანგი ზურგზე მიმეკრო. მსყუროდა. ტოვა კვლავ ახველებდა, როდესაც შეტევამ გაუარა, ავსტრიული მარკა ვუჩვენე: მდინარეში მობანავე ქალი და ნაპირზე მდგარი ირემი.

ნაპირთან მყოფი ბიჭები სტვენით შეგვხვდნენ. არ ვაპირებდი, ეს თავხედობა უპასუხოდ დამეტოვებინა. ნამოვდექი და პერანგი ვავიხადე. ბიჭები მაშინვე გაგვეცალგნენ. ქალს ვუთხარი, რომ ფიზიკური აღნაგობის გამო ტრაბახი არ მჩვეოდა, მაგრამ კარგი იყო, რომ ფეფქტი საკუთარი თავლით იხილა. გაცვინა. ერთი პეშვი ქვიშა ავიღე და შარვალში ჩავეყარე. ტოვამ მთხოვა, მოდი, გვერდით მომიჯექო. მივუჯექი.

- ერთხელ, - მითხრა მან, - მონანილეობა მივიღე კონკურსში, სადაც წარმოდგენილი იყო ქვეყნის საიუბილეო მარკის პროექტები. დავხატე ბერიკაცი და დედაბერი, რომლებიც ეკალბარდებსა და ნარშავას ბუჩქებში, ტრიალ მინდორზე ისხდნენ და მზის სხივებს ფეიცხებოდნენ. რა თქმა უნდა, სხვა პროექტი შეარჩიეს. რომ გამემარჯვა, ჩემს მარკას შენს ალბომში შეინახავდა და მისი ავტორის შესახებ არაფერი გეცოდინებოდა. ცოლად შემირთავ?

- რა თქვი?

- მზე, ფაფუკი ქვიშა, ცა, სიცხე, ქარი - ყველაფერი ეს ჩემი სიყვარულის მონშეა. რატომ ჯიუტობ? რატომ გასურს ჩემი მიტოვება? სულმოუთქმელად გარბიხარ ერთი ღამიდან მეორისაკენ, ისე, თითქოს სიკვდილი წვეულება იყოს, რომელზეც არ უნდა დაავიანო. ისწრაფე, თუ ასე გინდა. არ შეგაყოვნებ. ნადი და გაცვალე შენი მარკა. ოდესმე თვითონ აღმოჩნდები ტყვიამფრქვევთან. უცნობი მოგეპარება და შეუმჩნეველად მოგკლავს, სანამ თავის მოტრიალებას მოასწრებდე. ნადი. ახლავე ნადი. მშვიდობით.

- ტოვა, - შევევედრე მე, - შეუძლოდ ხარ. ასე სწრაფად როგორ უნდა მივიღო გადაწყვეტილება ისეთი მნიშვნელოვანი ნაბიჯის გადადგმაზე, რასაც ქორწინება ჰქვია? უნდა იმკურნალო. არ უნდა მოსხიო. ყური მიუგდე, როგორ ახველებ! ყური მიუგდე.

ის დუმდა. იმ წუთებში არ ახველებდა. არავითარ ვნებას აღარ ვგრძნობდი. ვტკბებოდი მხოლოდ ზღვით, ქარით, მზითა და ქვიშით. ტოვა ძალიან ლამაზი და ძალიან შორეული იყო.

ქვიშაზე მდუმარედ ვხანავდით გამოსახულებებს. გამახსენდა, რას მიყვებოდა ტოვა, როდესაც ზღვისკენ მოვდიოდით. საკონცენტრაციო ბანაკში ერთი გერმანელი ოფიცერი მსახურობდა. ტოვა მაშინ თხუთმეტი წლისა იყო. ამ გამხდარ შავგვრემან ოფიცერს სევდიანი თვალები ჰქონდა. თავის ოთახში ნაძარცვი პოლონური პიანინო ედგა. ოფიცერი ტოვას პიანინოზე დაკვრის უფლებას აძლევდა. უსმენდა, ტიროდა, შემდეგ ტყავის ქამარს იხსნიდა და ტოვას უბრძანებდა, მცე-

მო. გოგონა იძულებული იყო, მთელი ძალღონით ეცემა, წინააღმდეგ შემთხვევაში, ოფიცერი მას ანთებული სიგარეტით ანამებდა. უბედური კაცი იყო. უზარმაზარი ნაგავი ჰყავდა, სახელად ჰანე. ამ ძალს ებრალელები სძულდა. ყნოსვით ანებდა და კბენდა.

კიბუცში ტოვას ძალიან ლამაზი ახალგაზრდა საყვარელი ჰყავდა. ნამდვილი მძინარე პრინცი იყო. არწონი ერქვა. შეეძლო, ხელებზე ევლო და ფეხები ჰაერში ექნია.

ფუთხარის ახელავც შემიძლია და საფუთხარის ხელავც-მეთქი.

- ცრუპენტელა ხარ. - მითხრა ტოვამ. - აბა, მაჩვენე, თუ მართლაც შეგიძლია, ახლავე მაჩვენე. ვყოყმანობდი. უეცრად ის თავისი დასახიჩრებული ხელით კისერზე შემეხო. შემაჟრჟოლა და დავემორჩილე. ნამოვდექი, ფეხსაცმელები გავიხადე, საღტოთი უკან გადავიზნიე, ხელებზე დედექი და გავიარე. ძალდაუტანებლად ვმოძრაობდი. შეზღონგებში მსხდარმა დედაბრებმა დანაოჭებული კისრები წაიგრძელეს. სტვენა და ტაშის ხმა მომესმა. მოხდენილმა ტურისტმა გოგონამ ფრანგულ მანერაზე „ო-ლა-ლა“ წამოიძახა. ხალხის რეაქციისთვის ყურადღება არ მიმიქცევია და ტოვასთან დავბრუნდი. ენეოდა.

- რა საყვარელი ხარ, - მითხრა ტოვამ.

- კოცნა არ დავიმსახურე? - ვკითხე მე.

მან გაიღიმა, თავის სიგარეტს აკოცა და მითხრა:

- მოითმინე, ბიჭუნა.

დრო აღარ მქონდა. როდესაც ის შეტრიალდა, საათზე დავიხედე. თხუთმეტი წუთი დამრჩენოდა.

- დავუშვათ, ჩემზე დაქორწინება მოინდობე, - მითხრა მან სიცილით. - წარმოიადგინე, რომ მოინდობე. იცი, როგორ უნდა მოვიქცეთ?

- უნდა წავიდეთ და დავიფრეგისტრირდეთ. ბეჭდები ვიყიდოთ. ვაცნობოთ ჩვენს მეგობრებსა და ნათესავებს.

- არა. ჩვენ უნდა გავყვეთ სანაპიროს და მივიდეთ იმ ადგილამდე, სადაც არავინ იქნება, წყლის, ჩამავალი მზისა და ჩვენ გარდა, რადგან იქ მხოლოდ საღამოს თუ მივაღწევთ. მერე ტანზე გავიხდიოთ და წყალში შევანთ. შენზე ლექსს დავწერ. შენ წამიყვან ხირბეტ ზატარში და მიჩვენებ, როგორი ვმირი ხარ, ღამით კი ზღვასთან დავბრუნდებით. შენ მთელ ღამეს მარკების ჩანებებას მოინდობე, მე კი ვიყურებ და ვიცინებ.

- ტოვა, - ვუთხარი მე. - ამას სერიოზულად არ ამბობ. მე ხომ მართლა უნდა წავიდე. შენი ტელეფონის ნომერი მომეცი და როდესაც კვლავ მომიხდება ქალაქში ჩამოსვლა შეუფარებთან დაკავშირებულ საქმეებზე, შეგვხვდებით.

მან ვერაფერი მიპასუხა. ხველება აუტყდა, სიგარეტი ხელიდან გაუვარდა და ქვიშაზე დაეცა. სახე გაუწითლდა და პირიდან ნერწყვი წამოსკდა. უცერო ხელი უმწეოდ აიქნია. პატარა ჩალის ჩანთა დაუფარდა და იქიდან ნივთები გადმოცივდა.



არ ვიცოდი, უნდა ამელო ისინი თუ ზურგზე დამერტყა ტოვასთვის. გადავწყვიტე, არ დამერტყა, რადგან რამდენჯერმე მთხოვა, არ შევხებოდი. ვიცდიდი, მაგრამ ამჯერად ხველების შეტევა დიდხანს გაგრძელდა. ტოვას მდგომარეობა სულ უფრო მძიმდებოდა, იმდენად, რომ გულისრევა ვიგრძენი. გულისრევის შეგრძნება თანდათან გამომძაფრდა და მასთან ერთად გამძაფრდა ჩემი ლტოლვაც ქალის მიმართ. არ ვიცოდი, როგორ მოვქცეულიყავი.

ბოლოს დამშვიდდა, მაგრამ მე ვერ ვმშვიდდებოდი. მთხოვა, მაპატიეო. მაშინვე ვაპატიე.

შემდეგ დავცილდით და აღარასოდეს მინახავს.

ყველაფერი თანმიმდევრობით უნდა ჩავწერო. ბოლო წუთები არ უნდა გამოვტოვო. როგორ მოხდა, რომ ეს მანიაკალური სურვილი - შევხებოდი მის დასახიჩრებულ ხელს, დავმორჩილებოდი ამ ქალს, ცოლად შემერთო - იმდენად ძლიერი იყო, რომ ტკივილსაც კი მაგრძობინებდა?

და როგორ შევძელი, რომ მეთქვა: - როგორც გენებოს, ისე მოვიქცეთ. მგონი, არაფერი დამავადება, შესხვედრაზე ცოტათი რომ დავგვიანო. იქნებ, მარკებიტო მოვაჭრე კაცი დამელოდოს. ნავიდეთ იმ ადგილას, რომელიც შენ ახსენე, ან კიდევ - შენს ოთახში.

მაგრამ, იმის ნაცვლად, რომ ბედნიერი ყოფილიყო, ტოვამ გადაწყვიტა, კიდევ უფრო მეტი მოეწონა, ისე, რომ ფილტვები ტკივილისგან შეეკუმშოდა. ჩემ პირისპირ იდგა, ცხრა თითს ყელზე იჭერდა, ქოშინებდა და ცდილობდა ნაკითხა თანისი ლექსი. ისე კითხულობდა, თითქოს ლექსის სიტყვები ექიმის დანიშნულება ან რომელიღაც წამლის სახელწოდება იყო, რომელიც მას ხველის შეტევებისგან იხსნიდა: ყველა მდინარე ... (ხველა)... მიედინება...(ხველა)... ყველა...(ხველა, ხველა)...იქ მიედინება და არის მხოლოდ...(ხველა, ხველა) - მომაკვდავი...

მოთმინება დავკარგე. ხელი ვტაცე, შემდეგ ორივე ხელში ჩავავლე ხელები, ვანჯღრევედი და ვუყვიროდი, რომ ასე არ უნდა მოქცეულიყო, რომ შემლინი იყო, ავადმყოფი. მისი ფილტვები უაზნავლ ხმებს გამოსცემდა. შინ უნდა წასულიყო და მეც უნდა წავსულიყავი. უფლება არ ჰქონდა, პასუხისმგებლობა თითქმის უცნობი ადამიანისთვის დაეკისრებინა.

მან უხეშად გაითავისუფლა თავი. ხრიალებდა და თან ახალი სივარეტის კვამლს ისუნთქავდა.

- დაიცა, - თქვა მან ოდნავ გასაგონად. - დაიცა. შენც იგივე დაგემართება. ახლა ძალიან ღონიერი ხარ და სპორტული აღნაგობა გაქვს. შეგიძლია ხელებზე იარო და ბუნკერები ააფეთქო, მაგრამ ეს ვერ გიმშველის, როდესაც ერთ დღეს სხეული გიღალატებს. და მაშინ გაიხსენებ, რომ გაფრთხილებდი. ამ მშვენიერ სხეულს უვლი, დაზიანებისგან იცავ, მაგრამ ის მოღალატეა. ერთ დამეს ისეთ ტკივილს იგრძნობ, თითქოს დანა ჩა-

გარჭეს და გაიხსენებ, რასაც გეუბნებოდი. შენი სხეული დაივინყებს, როგორ უვლიდი მას. ღამით შიში გაგალვიძებს და ეს სხეული მოგკლავს. ღამით, როდესაც შენ გვერდით არავინ იქნება, არც დედა, არც მამა, არც კიბუცი, არც ქალი. მხოლოდ შენ და შენი მკვლელი იქნებით. და მას ვერაფერი შეაჩერებს. მოკვდები. ახლა შეეცადე გაიქცე, სულელო. გაიქციე, თუ შეგიძლია, ისე, რომ აღარასოდეს გიხილო. გაიქციე.

ტიროდა. ჩუმად ტიროდა. არ ვიცოდი, რა მექნა. ცხელოდა. მაგვიანდებოდა. ვუთხარი, რომ მართლა უნდა წავსულიყავი და მეგობრულად უნდა დავცილებოდი ერთმანეთს. გამიღიმა, ჩემკენ გადმოიხარა და გული აერია. მთლიანად დავისვარე.

ერთი სიტყვაც არ მითქვამს, ისე გავიქეცი. ტანისამოსი საზოგადოებრივ აბანოში გავინძინდე.

დოქტორი ელიებერ მ. ბერლინი მაშინ ვნახე, როდესაც უკვე მიდიოდა. სხვა კოლექციონერმა დაგასწროთ, მშვიდობით და კარგად ბრძანდებოდეთ, ამაზე ნულარ ვილაპარაკებთო, მითხრა.

ხუთ საათზე თელ-ავივი დადგომოვ. ექვს საათზე უკვე ჰაიფაში ვიყავი. საღამოს რვა საათზე ჩემს ოთახთან მიერთებულ სააბაზანოში საგულდაგულოდ ვიბანავე და ტანსაცმელი ქალაღდის პარკში ჩავყარე. თავიც დავიბანე. ამის შემდეგ სალათი და პური შევჭამე, მაგრამ - უგემურად. მოვისმინე კონცერტი ფლეიტისათვის. ერთი ჭიქა ვერმუტი დავლიე. კარზე დავკვიდე ფორფიტა წარწერით: „არ შემანუსხით, ამ საღამოს არ მცალაი“. ქალიშვილები არ მოსულან ან, შესაძლოა, მოვიდნენ, წარწერა ნაკითხეს და ნავიდნენ. იშვიათი ავსტრიული მარკა თავის ადგილას დავაბრუნე. მდინარეში მობანავე ქალი. ნაპირზე მდგარი ირემი.

შემდეგ ჩემი ალბომები გადავათვალიერე და გადავწყვიტე, რომ უნდა ჩამენერა ყველაფერი, რაც იმ დღეს შემემთხვა. უნესრიგოდ ჩავინერე. ყველა დეტალის ჩაწერა ვერც შევძელი.

ახლა ჩემს სანერ მაგიდას სინათლის წრე ადგას. მძიმე ალბომი, რომელსაც ვარშავული ყდა აქვს, ბოსნიისა და ჰერცეგოვინის გვერდზეა გადაშლილი. ახლა აღარც ბოსნიის არსებობს და არც - ჰერცეგოვინა. ამ გვერდზე მოთავსებული უკანასკნელი მარკა - ბოსნიის-ჰერცეგოვინის მიერ გამოშვებული უკანასკნელი მარკაა. გარეთ სრული სიჩუმეა, რომელსაც მხოლოდ ჭრიჭინებისა და ბაყაყების ხმები არღვევს. არავის არაფერს ვსაყვედურობ - არც ტოვას, არც საკუთარ თავს და არც მარკების კოლექციონერებს. წარმომიდგება ნაკადულები, რომლებიც წარმოქმნიან მდინარეებს, მდინარეები კი ზღვაში ჩაედინებიან. ნეტავ, რატომ ვნატრობ, რომ ახლა, ამ წუთას, დაუყოვნებლივ, მოკვდამე?!

ვახტანგ კომახიძე

გაქცევის ტყვეობა



საპყრობილეში სიგრძეზე ჩამკრეივებულ ორ-სართულიან სანოლებზე პატიმრებს ძინავთ. მათ სახეებს ჭერში ერთმანეთზე მიყოლებული ნათურების მბუბუტავი სინათლე ეფინება. ღრიჭოებიდან იმდენად უბერავს, რომ პატიმართა სადგომის სუნი არავის უნდა ანუხებდეს, მაგრამ, თუ ვინმე მაინც გრძნობს უსიამოვნებას, საბნის ქვეშ შეყოფს თავს - შენი სუნი მაინც შენია!

ქარი ფანჯრებს აზანზარებს - ხანდახან გაუთავებლად, განუწყვეტლად... ქარის ახალი და ახალი ნაკადი აწყდება ფანჯრებს და ყველაფერი ხმაურობს... ზოგჯერ, როცა ქარი შესუსტდება, ხმაური ნელდება, სიმშვიდის შეგრძნება ჩნდება და თითქოს ამ სიმშვიდით სულმოთქმული რომელიმე პატიმარი ხვრინვას ამოუშვებს, მაგრამ მას მაშინვე რამე ნივთს, მაგალითად, ფეხსაცმელს ესვრიან. თუმცა, ფეხსაცმლის სროლას ყველას ვერ გაუბედავენ და ზოგიც მანამდე ხვრინავს, სანამ ამას ზედამხედველის მოთმინება აიტანს.

კედელზე გაკრული შინაგანანესის მიხედვით ხვრინვა არ იკრძალება, იმის მიუხედავად, რომ შინაგანანესის სულისკვეთება კრძალავს ყველაფერს, რაც პატიმარს ოდნავ მაინც შეუმსუბუქებდა ყო-

ველდლიურობას...

ყველაფერი, რისი ჩადენაც სურდა, პატიმარს საპყრობილემდე შეეძლო ჩაედინა! სწორედ ამიტომ იმყოფება აქ და, თუ რაიმე აკრძალვა შინაგანანესში არ არის ასახული, ზედამხედველები გამობატავენ ამკრძალავი სიტყვიერი შეგონებით!

საზედამხედველო ოთახში, რომელსაც საპყრობილისგან სათვალთვალო სარკმელი ჰყოფს და საიდანაც საპყრობილე მთელ სიგრძეზე მორჩანს, კამერტონივით ისმის ქარის და ხვრინვის შემოტყევა. ზედამხედველი ჯერ სამსახურებრივი პასუხისმგებლობით იტანს ატონალურ ხმაურს. თუმცა, შემდეგ ხვდება, რომ მის მოვალეობრივ კულტურას არ მოეთხოვება საპყრობილისეული შობერვით ტკობა. ხვრინვითი თავზედობა იმასაც აფიქრებინებს, რომ პატიმრები მისი განწყობილების გასაფუჭებლად ხვრინავენ და საბოლოოდ, იმაშიც რწმუნდება, რომ პატიმარი მხოლოდ მაშინ კი არ უფუჭებს ადამიანს განწყობილებას, როდესაც დანაშაულს სჩადის, არამედ მაშინაც, როცა საპყრობილეშია განწყებული კედელზე გაკრული მკაცრი შინაგანანესის შესაბამისად.

პატიმრების დესტრუქციულ განზრახულობებ-



ზე გავლევებულმა აზრებმა ზედამხედველი მძინარე პატიმრების დათვალიერების აუცილებლობაში დაარწმუნა, იმის მიუხედავად, რომ წუთი წუთზე შემცვლელს ელოდებოდა და მალე საპყრობილის ყველა უსპომოვნება და ფილსოფიური დილემა მისთვის უნდა გადაებარებინა.

- პატიმარი კანონიერებისა და წესრიგის მტერია! - ფიქრობს ზედამხედველი. - როგორც კი შესაძლებლობას მისცემ, მაშინვე დაარღვევს წესრიგს. უფრო მეტიც, პატიმრები მაშინაც მზად არიან უგულვებელყოფონ კანონიერება, როცა ამის შესაძლებლობას არ აძლევენ. აი, ამიტომ არსებობს ზედამხედველი! აი, ამიტომ არ უნდა დაუტოვო პატიმარს არცერთი უფლება საპყრობილესშიც!

ზედამხედველი სანოლების რიგს მიუყვება და მძინარე პატიმრებს თვალს აყოლებს. მზუჭუჭვი სინათლე დამნაშავე სახეებს ეფინება. მათი გამომეტყველებიდან ძილის დროსაც დამნაშავეობა გამოსჭვივის.

ქარი მიწებს ზანზარებს და ძნელად მიხვდები, საიდან მოისმის ხვრინვის ხმა. ამიტომ ზედამხედველი ყოველ პატიმარს აკვირდება, ვისაც თავი საბნის ქვეშ არ ჩაუშაღვს.

ზედამხედველი ხვრინვის მიმართულებით ერთ-ერთ სანოლს მიუახლოვდა. აქ მწოლიარე პატიმრის მძინარე გამომეტყველებაც კი ცხადაყოფდა, რომ მას მხოლოდ უსუსური ადგილი ეკავა დამნაშავეთა იერარქიაში...

- ეს ხომ ის პატიმარია, რომელსაც ყოველთვის ურტყამენ! - გაიფიქრა ზედამხედველმა. - დიას, ისაა! ბოროტმოქმედი და, იმავდროულად, უსუსური! მას უნდა, რომ ენახო დეარდვიოს! იგი სიამოვნებით შელახავს კანონიერებას, მაგრამ ხვრინვას იგი ვერ გაბედავს! მის უსუსურ არსებობას ხვრინვა სრულიად დასამარებდა ამ საპყრობილესში! ხვრინვისთვის აქ გაბედულება საჭირო, გაბედულება! თუმცა, სულაც არაა ჩარტყმისთვის განწირული ეს უსუსურება შესაცოდებელი, რადგან სანამ მას რტყმას დაუნყებდნენ, იგი ცხოვრებას თავად ამძიმებდა, - გაიფიქრა ზედამხედველმა და მომდევნო სანოლს გადახედა...

- ამას სულაც არ აქვს უსუსური გამომეტყველება, - გააგრძელა მან ფიქრი, როცა მომდევნო სანოლს გადახედა. - ასეთი უბირი და უხეში გამომეტყველება აშკარად იმაზე მიანიშნებს, რომ მას აქ არავინ ურტყამს. მაგრამ მისი უბირი იერი სწორედ იმაზეც მეტყველებს, რომ მას არ გააჩნია ძალადობისთვის საკმარისი შარმი! და მოძალადის შარმის უქონლადაც ვერავინ შეძლებს აქ ხვრინვას!"

მერე ზედამხედველმა მზერა მომდევნო სანოლზე გადაიტანა და საკაცობრიო სეკუპტიციზმით აღსავსე გამომეტყველების მქონე ის ბოროტმოქმედი ამოიკნა, რომელმაც სამოქალაქო მღელვარების წლებში იარაღის შესაძენად ცოლის სამკაულები გაყიდა, მაგრამ მალევე გაანალიზა, რომ ნებისმიერი სამოქალაქო მღელვარება პოლიტიკაა და ნებისმიერი პოლიტიკა - სარგებლის მიღების

შესაძლებლობა. ამ სიბრძნის შეცნობის შემდეგ გადაწყვიტა, ესარგებლა შეცნობილი სიბრძნით - შეცნობილი იარაღით ჯერ საკუთარი ცოლის სამკაულები გამოიხსნა და მერე სხვათა ცოლების სამკაულების დაუფლებას მიჰყო ხელი. იგი სამოქალაქო მღელვარების დასრულებისთანავე დააპატიმრეს და ამის შემდეგ მის სახეს ძილშიც არ მოშორებია საკაცობრიო სეკუპტიციზმი.

- ასეთი გამომეტყველებით ადამიანი არც იღიმება და არც ტირის, - გაიფიქრა ზედამხედველმა. - მას შურისძიება აქვს ჩაფიქრებული და ცდილობს, ყურადღება არასოდეს მიიპყროს. ამიტომ არც ხვრინავს!

მოულოდნელად ქარი შესუსტდა, ფანჯრების ზანზარიც მაშინვე ჩაცხრა. ზედამხედველმა ამ დროს ზუსტად იგრძნო, საიდან ისმოდა ხვრინვა და ხმის ზუსტი მიმართულებით დაიძრა...

- აი, სად მოკალათებულა გამბედაობა - ჩაილაპარაკა ზედამხედველმა და ის იყო სანოლს უნდა მიახლოვდოდა, რომ ხვრინვა შეწყდა...

ზედამხედველი ფიქრობს, რომ ეს შეიძლება, სუნთქვის შეკავება, ანუ ობსტრუქციული აპნოეა, რაც სუნთქვის დარღვევაა ხვრინვის დროს, მაგრამ გაუთავებელი პაუზის შემდეგ დარწმუნდა, რომ სულაც არ არის ეს ძილის აპნოე, რომ პატიმარმა, უზრალოდ, საფრთხე იგრძნო და ხვრინვა შეწყვიტა...

არაინაა გონიერ პატიმართაგან, რომელიც ზედამხედველის წინაშე ხვრინვას გაბედავს თუნდაც ძილში! - გაიფიქრა მან, - საფრთხე იგრძნო და გაეყურდა... მათ მხოლოდ ერთმანეთის წინაშე შეუძლიათ გაბედონ ხვრინვა! - გაიფიქრა და მშვიდი ზედამხედველური სიამაყით გაეშურა გასასვლელისკენ.

* * *

თვლების გახელის და გამოფხიზლებისთანავე პატიმარი აცნობიერებს, რომ იქ იმყოფება, სადაც გავლიძების ყოველ ჯერზე კიდევ ერთხელ უნდა შეეგუოს საპყრობილის კედლებზე გამოქვეყნებულ შინაგანანებს, რომლის მიხედვითაც ეკრძალება ყოველივე იმის ჩადენა, რაც მას სურს. აკრძალვების ჩამონათვალი პატიმარს არ ავალდებულებს ზედამხედველის მიახლოვებისთანავე გამოფხიზლებას, ამის აუცილებლობას პატიმარი ვალდებულების გარეშე გრძნობს. ძალიან მნიშვნელოვანია, გამოფხიზლედ და ხვრინვა მანამდე შეწყვიტო, სანამ ზედამხედველი თავზე დაგადგება. ღმერთი არ ზედამხედველობს ადამიანთა მოდგმის ცდუნებებს ისეთი პასუხისმგებლობით, როგორც ზედამხედველები უთვალთვალბენ პატიმრების მიერ კანონების და წესების დარღვევას. და, თუ ღმერთი მხოლოდ ადამიანშია, ზედამხედველი ყოველ ადამიანს თავზე ადგას, როცა ის პატიმარია!

საპყრობილესი თუ ნეცხარ, თავზე კი ზედამხედველი ვადგას, რომელსაც ხელფასს იმისთვის უხდიან, რომ მაშინაც კი დაავტრგუნოს, როცა, უზრალოდ, შენი სასუნთქი ორგანოები ვიბრირებენ,



კარგად გრძნობ, თუ როგორ აღძრავს ძალაუფლება მორჩილებას. ეს პატიმრის მშვიდ ამოსუნთქვაშიც ვლინდება, როცა ზედამხედველი მისი სანოლის სიახლოვიდან საპყრობილის გასასვლელისკენ მიემართება.

* * *

ადამიანი ამოუსხნელობების სამყაროს ტყვეა! იგი მის ვრცელ უსასრულობაში არსებობს და არ აქვს მნიშვნელობა, ამოუსხნელობათა კონკრეტულად რომელ საპყრობილეში იქნება გამოკეტილი! ამიტომ, ეს საპყრობილე სამყაროში გამოკეტილობის მხოლოდ ერთ-ერთი მცირე საიდუმლოა.

რატომ არის ადამიანი საპყრობილეში?! იმიტომ, რომ ის, რაც გადაწყვეტილების მიმღები საზოგადოებისთვის დანაშაულია, ზოგიერთი ადამიანისთვის ბედისწერაა, გარდაუვალობაა; უამრავი ადამიანი არ არის საპყრობილეში, რადგან გადაწყვეტილების მიმღები საზოგადოების ძვირფას ყურადღებას გადაურჩა; უამრავი ადამიანი არ არის აქ, რადგან უფრო მოხერხებული, უფრო დახვეწილი, უფრო განსწავლული ამოიჩნდა; შეიძლება, განსხვავებული ბედისწერა ერგო და შეიძლება, იმის გამოც არ იმყოფება აქ, რომ გადაწყვეტილების მიმღები საზოგადოების წევრად გაჩნდა ამ ქვეყნად...

ამიტომ არ არსებობს პატიმარი, რომელიც გაქცევაზე არ ფიქრობს...

გაქცევაზე ყველა ფიქრობს - ყველა, მაგრამ მათ არ იციან, სად უნდა გაიქცნენ.

პატიმარმა კი ზუსტად იცის, სად უნდა გაიქცეს, მაგრამ იმის მოფიქრებას, თუ როგორ უნდა გაიქცეს, შეიძლება, საპყრობილეში გასატარებელი მთელი ცხოვრება დასჭირდეს.

გაქცევაზე აქ მხოლოდ ზედამხედველები არ ფიქრობენ, რადგან მათ გაქცევა არც აკრძალული აქვთ და თან ცხოვრობენ აქ სულის ამოხდამდე ზედამხედველებად...

* * *

საზედამხედველო ოთახში დაბრუნებულმა თავის შემცველს პატაკი ჩააბარა. პატაკის შინაარსი, ფორმალურად, პატიმრების მდგომარეობას ასახავდა, მისი შემცველის შესახებ კი სრულიად ემოციური შთაბეჭდილებები ეუფლებოდა.

- ასეთი ზედამხედველობა რა საკადრისია! - ფიქრობდა იგი, - დგას და ნამძინარევი სახით უბეს იქექავს... უბეს ყველა კაცი იქექავს, მაგრამ, როცა ჯამაგირს ზედამხედველობისთვის გიხდიან, უბის საექვედ კი არ უნდა იმყოფებოდე საპყრობილეში, არამედ იმისთვის, რომ პატიმრებს ყოველნაშვირად აგრძნობინო იმ სასჯელის სიმძიმე, რაც მათ კანონმა დაწესებმა დააკისრა! შეიძლება, ზოგჯერ პატიმრებისადმი სათანადო სიძულვილისთვის სრულფასოვნად ვერ განენყო, მაგრამ, დაუშვებელია, პატიმარის პასუხისმგებლობათა აღმასრულებლისთვის შეუფერებლად გამოიყურებოდე!

ქარი უბერავს. ზემოთ უზარმაზარ ღრუბლებს მიაქანებს, ქვემოთ კი ხეების დაღუნვას, სახურა-

ვებიდან თუნუქის ფურცლების აგლეჯას ღამობს, ერთმანეთში ურევს ნამოხვეტილ მტვერსა და ნაგავს. ყველა მხრიდან რაღაც ხმაური ისმის - ყველაფრის ხმაური, რაც ქარს ემორჩილება. საპყრობილე კი მყარად ნაშენი კედლებით კანონისმიერი სიმტკიცით იცავს დამნაშავეთა საბუდარს.

* * *

ზედამხედველი სათვალთალო ოთახიდან საპყრობილის ეზოში გამოდის და განანესის შესაბამისად უსაფრთხოების კედლის გარედან შემოსავლელად მიუშურება. დაწესებულება ვახტის გასასვლელით უნდა დატოვოს. ქარი მაზარის კალთებს თოკზე გაფენილი სარეცხივით უფრიალებს... მიაბიჯებს ვახტისკენ და, როგორც ყველა მამაკაცს, რომელსაც სამხედრო უნიფორმა მოსავს და ღამეებს სანოლში არ ატარებს, ქალის სხეულენატრება - ქალისა, რომელსაც ალერსის ნესები გაკვეთილივით აქვს დაზუთხული. ქალთან გატარებული ღამის გახსენებას სიამოვნება და ახალი ღამის გატარების სურვილი მოაქვს. მეხსიერება სასვე ასეთი ღამეებით, რადგან სხვა არაფერი მოიხიბება ასეთ დროს მეხსიერებაში.

უსაფრთხოების კედელზე და ვახტის შენობაზე მიმაგრებული ამკრძალავი ნიშნები შეგონებანი პატიმრებისთვის, რომ საპყრობილის საზღვრებთან მიახლოებაც კი არ ვაბედონ. უშუალოდ ვახტის შენობას რამდენიმე ადგილზე ბათქაში ჩამოშლია, ფანერებიც მორღვევია და ქარის ყოველ დაქროლებაზე გამოფიტულ უღერადობას გამოსცემს, მაგრამ ზედამხედველს ამ ნაგებობის იერშეღაზულობა არ აღელვებს. იგი ზარს რუკავს და ვახტიორი ქალი საკეტს ხსნის. აქედან ორი გზაა: პირველი - ვადებულებებისკენ უსაფრთხოების კედლის გარშემო და მეორე - ვახტიორის მყუდრო სამყოფელისკენ.

ვახტიორის ოთახში ღილაკებია, რომლებითაც იხსნება საპყრობილის შესასვლელი და გასასვლელი ყველა კარის საკეტი. ამ საკეტების გარეშე ვერაფერს ვახტებოდა ქვეყნის ვერც ერთი სასამართლო და პროკურატურა, რომლებსაც ეფუძნება ძალაუფლება და რომლებითაც ძალაუფლება იკარგება... ვახტის სათვალთვალო სარკმელები ლითონის მსხვილი მოაჯირებითაა დაცული სწორედ ამ ძალაუფლებით აღჭურვილი ვახტიორი ქალის უსაფრთხოებისთვის. ლითონის მოაჯირების წყალობით იგი მიუწვდომელია როგორც ძალადობრივი, ასევე, მოტრფილალე ზრახვებისთვის. სქესობრივი მიდრეკილებებისადმი მდგრადობა ვახტიორ ქალში საპყრობილის საჭიროებების შესაბამისად გამოაზრთეს, მაგრამ გულისცემა, რომელიც მარტობისას, ღამის საათებში წარმოიქმნება, ძლევს ასკეტურ ღირებულებებს, თუნდაც საპყრობილის ტერიტორიაზე; თუნდაც ისეთ ადამიანებში, რომელთა განკარგულებაშიც საპყრობილის ყველა კარიბჭეა.

* * *

და იგი ვახტის სამხედროფარავიანი ქალმერთის წინაშეა. ზედამხედველის თვალებში ვნება

ჩაბუდებული. დიდი ადგილია ვნებისთვის ადამიანის თვალეში და დიდი უნარი - რომ შემხვედრი ვნება მოიპოვოს. ისინი სხდებიან ლითონის მთაჯირებიან სიმარტოვეში და გრძნობენ, რომ უნდათ, სადმე დანვინენ. იქვე ჭრიალაფეხებიანი ტახტია. ვახტიორ ქალს სახეზე ნელსაცხებელი ქონივით უზნინავს. ზედამხედველს ქონის შეგრძნება გულს ურევს, მაგრამ მის თვალეში ოდნავაც არ ქრება ვნება, რადგან წინ მთელი ღამეა, ვახტიორი ქალი კი არ არის მხოლოდ ქონიანი სახე. მას აქვს რაღაც უფრო აღმგზნები, ამაფორიაქებული...

მამაკაცისთვის ძნელია ღამით მარტოობა და ყველაფერს იღონებს, იმისთვის რათა მარტოობა მდებრთან ერთად გადაიტანოს. ღილაკებით აღჭურვილ ქვეყნის ამ ყველაზე შეუღწეველ სამყოფელში განმარტოებული მდებრიც სიამოვნებით მინაბავდა თვალეებს ზედამხედველის მკლავებში. ამიტომ მათ სჭირდებოდა რაიმე გრძნობიერი - სიტყვები, გამოხედვები, რომ ზურგად შეაქციონ კაცთა მოდგმას და მოვალეობებს. ამისთვის ხანგრძლივი საუბარი არ გამოდგება, როგორც ეს რომანტიკოს მეძავეებს სჩვევიათ. ქალმა ფარაჯაზე ღილი შეიხსნა და უსარგებლო ფორმლობების გარეშე მის სხეულს ოფლის წვეთებად ეწუნება ზედამხედველის ვნებები. ჭრიალებს სამყარო და მშვიდად მოისმის ქარის ხმაური.

* * *

ქალი პატიმრის ოცნებაა - ვახტიორი ქალებით დანყებული, ყველა დანარჩენით დამთავრებული. პატიმარს საპრობილის კედელზე ქალის მკერდი ჰქონდა ამოკანრული. მკერდის ნაკანრს ტუმბოზე მოთავსებული ნივთები ეფარებოდა და თითქოს ამ ნივთებით იყო დაფარული იგი სხვა პატიმრებისა და დანარჩენი სამყაროსგან. დაძინებამდე იგი ნივთებს მიმონევედა და ამოკანრულ ქალის მკერდს შესცქეროდა ხოლმე.
მასტურბირებისთვის, რა თქმა უნდა, იმ ყვე-

ლაზე მძიმე ნივთს უთავაზებდნენ, რასაც კი საპრობილეში მოიძიებდნენ, ამიტომ მკერდის მხოლოდ ცქერით კმაყოფილდებოდა. კედელზე ამოკანრული მკერდი მას სამყაროსთან აკავშირებდა. ის სიამოვნების ტალღა, ის ვნება, რასაც მკერდის მონახაზი აღუძრავდა, შეაგრძნობინებდა, რომ ადამიანთა მოდგმის ნაწილი იყო, რომ მისი სრულფასოვანი წარმომადგენელივით შეეძლო ტკობა განეცადა ამ ყველაზე ამაღლებული ხორციელი საიდუმლოთი. ამ ვნებამ იქამდეც კი აიყოლია, კედელზე ამოკანრული მკერდის ზომის გადიდება გადაწყვიტა, მაგრამ ბათქაში ჩამოიფშხვნა და მკერდი ჩამოიშალა...

ახლა პატიმარი კედლის ბათქაშჩამოფხვნილ ფრამენტს შესცქეროდა. გრძნობდა, რომ კედელზე ამოკაცრულმა ნახატმა, რომლის სიშიშველსაც ტუმბოზე ჩამწკრივებული ნივთებით უმაღავდა მთელ საყაროს, ის გრძნობები გაუღვივა, რომლებიც დასათმობად აღარ ემეტებოდა.


- არ შეიძლება გრძნობების გარეშე ადამიანის დატოვება, რა კანონებიც გინდა გქონდეს დარღვეული! - ფიქრობდა იგი. - ყველაზე სისასტიკი სასჯელი შეიძლება დაგაკისრონ, მაგრამ გრძნობების გარეშე ადამიანის დატოვება სისასტიკის საზღვრებს სცდება, შეუძლებელია შეეგუო სასჯელს, რომელიც უსამართლოდ სასტიკია!

და ამიტომაც არ არსებობს პატიმარი, რომელიც გაქცევაზე არ ფიქრობს...

* * *

საპრობილიდან თავის დაღწევას, სულ ცოტა, იმედი სჭირდება. იმედს ყოველთვის ორი მხარე აქვს, რომელთაგან პირველი რწმენაა თავისი მისტიკური დამაჯერებლობით, მაგრამ მეორე მხარეს ყოველთვის სასტიკი რეალობაა!

გაქცევის აკრძალვა ბანალური სისასტიკეა, რადგან, ერთი მხრივ, არ არსებობს კანონი, რომელიც გაქცევის სამართლიანობის შესაძლებლობას დაუშვებდა და, მეორე მხრივ, სულაც არაა შეუძ-





ლებელი ისეთი გაქცევის წარმოდგენა, უსამართლობით რომ იქნებოდა ნასაზრდოები.

უფრო ღრმა და ფილოსოფიურია სისასტიკე მაგალითად, სიკვდილმისჯილთა და სიკვდილით დაუსჯელთა მიმართ. სიკვდილით დაუსჯელთა სისასტიკე მოსატანიც არაა სიკვდილით დასჯილთა სისასტიკესთან, მაგრამ სიკვდილით დაუსჯელთა ბედნიერება სულაც არ არის ამალღებულის სიკვდილით დასჯილთა ბედნიერებაზე...

- გაქცევა ერთდროულად სიკვდილთან შეგუებაცაა და შეუგუებლობაც, რადგან იგი სისასტიკის საპასუხო თამაშია. გარბიხარ, რომ ვერ მოგკლან და მაშინაც გარბიხარ, როცა გკლავენ! - ფიქრობს პატიმარი, - შესაძლოა, სიკვდილმისჯილობა ყველაზე შემამსუბუქებელი მოტივაცია ყოფილიყო გაქცევისთვის, რადგან დაგზვრეტენ და აღარასოდეს დაგჭირდება გაქცევა, მაგრამ ვინ გარგუნებს სასიკვდილო განაჩენს ასე ხელსაყრელად, რომ გაქცევის ტვირთი შეგიმსუბუქდეს...

აი, ასე უსაფრდება სისასტიკე პატიმარს, რომლის ცხოვრების არსიც გაქცევაა.

* * *

პატიმრების გაქცევაზე სათვალთვალ კომპიუტერში დადარაჯებული ზედამხედველებიც ფიქრობენ. ისინი საუკეთესოდ ფლობენ შაშხანას ნებისმიერი გაქცევის აღსაკვეთად და ამისთვის სახელფასო დანამატსაც კი არ ითხოვენ.

- მიუღებელია დამატებითი საზღაური იმ ადამიანების გაქცევის აღკვეთისთვის, რომლებისთვისაც საპრობლეუ ბეჭდისწერაა, რომლებიც იმის გამო იმყოფებიან აქ, რომ ვერც პრივილეგიებულ პერსონებად დაიბადნენ და ვერც საზოგადოების მორჩილ წარმომადგენლებად ჩამოყალიბდნენ. - ფიქრობენ კომპიუტერში ზედამხედველები.

* * *

ღირსების საკომპენსაციოდ კომპიუტერების ზედამხედველები ორმაგ ულუფას და კოლოფ სიგარეტს იღებენ. ასევე, იღებენ ხელმძღვანელთა პატივისცემას და იღებენ იმედს, რომ თითქმის არასოდეს მოუწევთ ფიქრი გაქცევაზე არც საპრობილიდან და არც სამყაროდან. თუმცა, ახლახან, რამდენიმე კვირის წინათ, საპრობილში აღრიცხვის დროს პატიმრის დანაკლისი გამოვლინდა...

გაიქცა. ისე გაიქცა, რომ მისი გაქცევის ნაკვალევაც ვერ აღმოაჩინეს. ამით კი გამოაშკარავდა, რომ არც ერთი ზედამხედველი, რომელმაც სათვალთვალ კომპიუტერიდან უნდა აღკვეთოს გაქცევა, არ იმსახურებს ორმაგ ულუფას, არც ერთ კოლოფ სიგარეტს და თითქმის არ იმსახურებს გარანტიას, რომ არასოდეს მოუწევს გაქცევაზე ფიქრი.

ამიტომ საეჭვო არაა, რომ ზედამხედველები ტყვიას არ დაიშურებდნენ და უარს არ იტყობდნენ ღირსეულ პრივილეგიებზე, მაგრამ პატიმრის გაქცევის სტრატეგია სწორედ სათვალთვალ კომპიუტერში ჩასაფრებული ამ ზედამხედველებისგან შეუმჩნეველად თავის დაღწევის საიდუმლოა. ზედამხედველების ღირსებაზე და პრივილეგიებზე ფიქრის ფასი კი შეუძლებელია აღემატებოდეს პატიმრების გაქცევაზე ფიქრის ღირებულებას. ამით დასტურდება, რომ პატიმარი გაქცევისთვის საა გაჩენილი.

და ამიტომაც, მმართველობის თეორია აღმასრულებელი პრივილეგიით იცავს ზედამხედველს, რომელიც საკუთარი შეხედულებებით კი არა, ზედამხედველთა კოლექტიური ინსტიტუტებით მოქმედებს. კოლექტიურ აზროვნებას ზემდგომები გამოიმუშავენ და სწორედ მათი ნააზრევით ყოველ მომდევნო გაქცევას ზედმინუნით ზუსტად აღკვეთს ქვემდგომი კოლექტიური ზედამხედველი.

და ამიტომაც, მმართველობის თეორია აღმასრულებელი პრივილეგიით იცავს ზედამხედველს, რომელიც საკუთარი შეხედულებებით კი არა, ზედამხედველთა კოლექტიური ინსტიტუტებით მოქმედებს. კოლექტიურ აზროვნებას ზემდგომები გამოიმუშავენ და სწორედ მათი ნააზრევით ყოველ მომდევნო გაქცევას ზედმინუნით ზუსტად აღკვეთს ქვემდგომი კოლექტიური ზედამხედველი.

- მძიმე ცხოვრება ყველაფერს გააკეთებინებს პატიმარს, ყველაფერს მოაფიქრებინებს, თუნდაც იმას, რომ შეუმჩნეველად გაიქცეს, რომ კვალიც არ დატოვოს, მაგრამ პატიმრის შეცოდება არ შეიძლება! ტყვიის დანახვა არ შეიძლება! ესენი თვითონ ამძიმებენ ცხოვრებას... უფრო მეტიც, ესენი ჩვენს ცხოვრებასაც ამძიმებენ! - აი, ასე ფიქრობენ სათვალთვალ კომპიუტერში ჩასაფრებული კოლექტიური ზედამხედველები.

* * *

- ამას მე მოვკლავდი! - ფიქრობს პატიმარი კომპიუტერში ჩასაფრებულ ზედამხედველზე, რომელიც საპრობილის ფანჯრიდან მოჩანს. - იმასაც მოვკლავდი - ფიქრობს მეორეზე და დანარჩენ კომპიუტერში მყოფებზეც, რომლებიც პატიმრის სარკულიდან არ მოჩანან... - მაგრამ ეს მხოლოდ შურისძიება იქნებოდა. არა, მე მათ არ მოვკლავდი, მე ვისურვებდი, რომ გაქცეული ვიყო - უბრალოდ, გადამჭვრალი საპრობილის ამ კედელზე და ჯერ კიდევ ცოცხალი, თუნდაც გვრძნობდე, რომ ახლა მომკლავენ...

... ან უკვე ვიყო გაქცეული და თუნდაც მკვდარი, როცა მეცოდინებოდა გაქცევის ფასი და არა მხოლოდ ის, თუ როგორია გაქცევის სურვილი...

პატიმარმა ჯერ შუბლზე მიიღო თითები, შემდეგ - ტუჩებზე. - ალბათ, სიცხე მაქვს, - გაიფიქრა მან. ოდნავ წამოჯდა და პლედი უკეთ მოიხვია. ასე ზედამხედველიც უკეთ მოჩანდა კომპიუტერზე.

- პლედი უნდა ვიშოვო, კიდევ ერთი პლედი უნდა ვიშოვო, რადგან სიცივე რთული გადასატანია, - გაიფიქრა მან, მაგრამ მაშინვე შეენიანაღმდეგა თავის ნაფიქრალს. - არა, რად გინდა პლედი, იარალი უნდა იშოვო, გაქცევისთვის საჭირო რაიმე იარალი, რადგან პატიმრობა უფრო მძიმედ გადასატანია!

და, თუ გასაქცევი იარალი გაქვს, იმის ალბათობაც მაღალია, რომ კომპიუტერში მოკალათებული ზედამხედველის დახმარებით, საერთოდ, ცხოვრებიდან განდევნილი აღმოჩნდე! ამას დადებით მხარეც აქვს - შეიძლება, იმაზე ადრე შეძლო სამყაროს არსის დანახვა, ვიდრე ეს ფიზიოლოგიური



წესრიგით იქნებოდა შესაძლებელი; სამყაროს არსში იმაზე ადრე შეიძლება ჩაიხედო, ვიდრე წარმოგედგინა.

- ყოველი გაქცევა მომდევნო გაქცევას ართულებს - ფიქრობს პატიმარი. - გაქცევის შემდეგ ყველა ზედამხედველი გაცხოველებული ცდილობს მიზანში ამოიღოს ნებისმიერი, თუ მოეჩვენება, რომ ნაბიჯი ააჩქარა უსაფრთხოების კედლის მიმართულებით, მაშინაც კი, თუ ქარი უსაფრთხოების კედლისკენ დაუბერავს.

მან იცის თავისი საქმე ისე მარტივად და ისე ზუსტად, როგორც ტყვიამ იცის მარტივად და ზუსტად, როგორ იქცეს შენი სიკვდილის ნივთიერ მტკიცებულებად. და ამ დროს იგრძნობა, როგორ აფურთხებს ზედამხედველი პატიმარს სულში, რომ გაიქცეს, რომ ოდნავ მაინც შეეხოს საპყრობილეზე შემოვლებულ უსაფრთხოების კედელს...

პატიმარიც აფურთხებს მას თავის წარმოსახვაში, და ცდილობს, სულმა არ წახლიოს, ქარმა არ გაარბენინოს და თავი შეიკავოს, რომ ჯერ არ გაიქცეს...

- ფრთხილად, არ აპყვე ქარს, ის შენი მტერია, შენი მაცდური! - ფიქრობს პატიმარი, - ყველა წარმატებული გაქცევის ისტორია მხოლოდ იმ პატიმრების ნაამბობია, რომლებიც ვერ გაიქცნენ და რომლებიც წარუმატებლად გაიქცნენ, ვერ გაექცნენ მარადისობას...

* * *

ვახტიორი ქალი ზედამხედველის დოკუმენტულ ვნებას შეიგრძნობს მისი სხეულის ნაწილებთან განშორების შემდეგ. ზედამხედველი კი ცდილობს საცვალი ამოიცვას და სწრაფად გახდის პერანგში სახელოები მოძებნოს. მაზარის მორგების შემდეგ გამოსამყიდობებელ სიტყვებს ეძებს. ვახტიორი ქალი კი ვნებით აღსვლილი სულგრძელად ათავისუფლებს მას იმ ბილაკებით, რომლებსაც ეფუძნება ძალაუფლება.

ახლა მთავარია, მოვალეობაზე იფიქრო, რადგან შენი მოვალეობა ისაა, რომ ყველას თავისი მოვალეობა შეასრულებინო - ფიქრობს ზედამხედველი. - შეიძლება ქალის სხეულით ტკობა პროფესიული საზომით სისუსტეა, მაგრამ ზუსტი მოქმედებისას არ ფიქრობენ სუსტ მხარეებზე, როგორც არ ფიქრობენ, რომ საათის კბილანები და ზამბარები გაცვეთილია, თუ ისრები დროს ზუსტად აჩვენებენ.

საპყრობილის გარშემო შემოვლებული უსაფრთხოების კედლის მთელ სიგრძეზე მოკლე ინტერვალებით განთავსებული ფარნები ქანაობს და შეკირული კედლის მთელ სიბრტყეზე სინათლის ლაქები ირხევა. კედლის გასწვრივ ხეებს არ რგავენ, რომ გაქცეული პატიმრის მიზანში ამოღებას ხელი არ შეუშალოს.

გვიანი დამავე და უსაფრთხოების კედლის მიმდებარე გზაზე იშვიათად თუ ჩაივლის მანქანა. მოსახვევის სიღრმიდან მობრუნების დროს მანქანის ფარნების სინათლის წრფივი ნაკადი შორეულ სივ-

რცეს სერავს და ბოლოს, კედლის გასწვრივ მიმავალ ზედამხედველს თვალს უზნელებს. მანქანებში მსხდომი მგზავრები მზერას ყოველთვის აყოლებენ გრძელ, შეკირულ უსაფრთხოების კედელს...

კედელი შეკაქის ბუნებაში, ბუნებაში - ცივილიზაციის საწყისი, საპყრობილეში კი ჰორიზონტია. პატიმარს კედლის შიგნიდან ყველა აგურის განლაგება ზეპირად ახსოვს. ზედამხედველს კი კედლის არსი განსხვავებულად ესმის, რადგან მას ეს კედელი ორივე მხრიდან საგულდაგულოდ შესწავლილი აქვს.

- დაზარალებული ადამიანების გულის მოსაგებად რომ საპყრობილეში მოძალადეებს გამოამწყვდე, ეს პრიმიტიული სარგებელია. - ფიქრობს ზედამხედველი. - საპყრობილე მმართველობითი თეორიისთვის ზუსტად იგივეა, რაც სარდაფია თავშენახული ოჯახისთვის, სადაც გამოუსადეგარ ხარახურასთან ერთად, საჭიროების შემთხვევისთვის, სანოვაგესაც ინახავენ. აი, ამაშია ამ კედლების ძალა და საჭიროება! ყოველთვის შეიძლება აქ ის ადამიანი გამოინიროს, რომელიც ხვალ უსამართლობას შეებრძოლება. ამიტომ არ შეიძლება, ტყვიანი დაიშურო არც ერთი გაქცეულისთვის და, თუ მანაც გაიქცა, მან შეიძლება მმართველობამდე მიიღწიოს. აი, ამ შემთხვევისთვის კი, ჩვენ უნდა შევძლოთ ყველა პოტენციური გამქცევის სრულყოფა და აქედანვე დაეანახოთ მას ჩვენი საჭიროება მომავალი მმართველობისთვის!

* * *

უსაფრთხოების კედლის მიღმა მოძრავი მანქანების მგზავრები უსაფრთხოების კედელს თვალს აყოლებენ. იციან, რა სულის და გამოიმეტყველების პატრონებიც ბრძანდებიან ამ კედლის მიღმა, რომ ეს სწორედ ის ხალხია, რომლებსაც ძალუძთ გაგძარცვონ, გამოგაცარიელონ და გამოცარიელებული ცხოვრებაც არ შეგარჩინონ. მაგრამ ამრეზით უტყვევრ მზარაფრილაულ ზედამხედველს. ვინმე შეიძლება თავიც გამოიყოს მანქანის ფანჯრიდან, დაასიგნალოს და გადააფურთხოს, რადგან გრძნობს, რომ ეს სწორედ ის ზედამხედველია, რომლის მსგავსმაც შეიძლება მისი პატიმრობაც უზრუნველყოს მომავალში.

მძლოლმა, რომელმაც საპატიმრო კედელს ჩაუარა, გაიფიქრა, რომ ყველაზე გარდაუვალი პატიმრობა ცხოვრების პატიმრობაა! ამ საპატიმროს კედლებზე შეიძლება ვინმე გადაბობდეს და გაიქცეს, ამ ცხოვრებას კი ვერავინ გაექცევა, რადგან გადასაბობლებლად კედლებიც არ გააჩნია! უფრო მეტიც, საპყრობილეში ადამიანებმა იციან, რომ პატიმრები არიან და გასაქცევად აქვთ საქმე, ცხოვრებაში კი ისიც არ იციან, რომ უნდა გაიქცნენ...

* * *

ქარის ყოველ დაქროლებზე საპყრობილის სახურავზე ავლენილი თუნუქის ნაფლეთები ხმაურობს. უსაფრთხოების კედლის შიგნით აკრძალულ ზონაში ძაღლები ყეფენ. სათვალთვლო კომპიუტერში მოდარაჯე ზედამხედველები მოჩანან...

- არ შეიძლება, მეშჩანი გახდე, - ფიქრობს ზე-
 დამხედველი - ესეც ვალდებულებაა, ამაღლებუ-
 ლი ვალდებულება! რა უნდა ობივატელს?! მის-
 თვის მთავარია, ენა მოიქაუოს. ძნელი არაა იმის
 გაგება, რომ ჰუმანურ აზრებს ამჯობინებენ. - ჰუ-
 მანისტი ტყვიას არავის ესვრის, ის ჰუმანური აზ-
 რებისთვის იღებს ჯამაგირს, მაგრამ ვის რაში სჭირ-
 დება ამდენი ჰუმანისტი. ზოგისთვის თავის გასა-
 ტანად ტყვია რჩება, რომლითაც უნდა იმსახურო.
 რა თქმა უნდა, იოლია ჰუმანისტობა, მაგრამ ჩვენ
 სიმკაცრისთვის გვიხდებიან ჯამაგირს. ობივატელს
 კი რა უნდა, თავისი კურტიზანული ზრახვებით?!
 ის, რომ დაგისიგნალოს და ამით ისიამოვნოს! არ
 შეიძლება ობივატელი შეგეცოდოს, შეიძლება ადამ-
 მიანი შეგეცოდოს, რომ მისივე მსგავსი არსება
 ობივატელია! ბოლოს და ბოლოს, ეს ობივატელი
 ხომ არ დადის ამ ქარში ისე, რომ მიტოვებულ ლო-
 გინზე კი არა, თავის მოვალეობებზე ფიქრობდეს!

* * *

ახლა მეც მასთან ერთად უნდა ვიყო, - გაიფიქ-
 რა მან გაქცეულ პატიმარზე. - სად იქნება ახლა?!
 სადაც უნდა იყოს, პლედზე ალბათ აღარ ოცნე-
 ბობს. მე კი პლედის ვერ ვიშოვე, რომ სვიტერივით
 გამოვჭრა... აზრადაც არ მომივიდოდა, რომ მარ-
 ტო გაიქცეოდა. არა, არ ვბრაზდები იმიტომ, რომ
 ესე სჯობდა, მაგრამ ხომ უნდა ეთქვა მაინც, რომ
 მარტო მიდიოდა, ან რომ მიდიოდა, ეს მაინც ხომ
 უნდა ეთქვა... ალბათ, მუხლები უკანკალებდა. მეც
 ამიკანკალებოდა და კრინტს არ დავძრავდი არა-
 ვისთან. მეც ესევე მოვიქცეოდი, როცა ყველა გა-
 საქცევი ნაბიჯი უკვე გათვლილია და მთავარია,
 მიაფურთხო იმას, რომ შეიძლება ტყვეებით დაგ-
 ცხრილონ, რომ სიცოცხლის შემდეგ შეიძლება რამ-
 დენიმე ნახვრეტი შერჩეს საპყრობლის კედელს
 შენი ამქვეყნად ყოფნის ნიშნად...

იქნებ უჩემოდ უნდა წასულიყო, რადგან შეი-
 ძლება, ორივე ერთად ვერ გაქცეულიყავით...

- აქ ვარ, გაქცევის სურვილი! ჩემი არსებობის
 მტერი! - ფიქრობს პატიმარი, - არა, ასე არ უნდა
 გინოდებდეს პატიმარი, შენ ხომ იმას მკარნახობ,
 რაც ჩემი ცხოვრების აზრია! ასე ტყვიის საფრთხე
 მალაპარაკებს! სად აქვს პატიმარს იმის უნარი,
 რომ ტყვიის საფრთხეს არ შეუშინდეს! ჰო, შეი-
 ძლება, არ აქვს პატიმარს ამის უნარი, მაგრამ იმ-
 დენი ჭკუა მოგეთხოვება, რომ ხელებში არ ჩაგა-
 ვდეს გაქცევის მიზანი!

- დაუბერე ქარო და ამაჩქარე! კანონები და
 წესები მხოლოდ ისე მოქმედებენ, რომ ვერაფე-
 რი შეძლო ძალმომრეობის წინააღმდეგ. შეაქციე
 ზურგი ტყვიას და გაიქციე, იქნებ აცდეს იგი,
 რომელიც შეიძლება შენთვის ჩამოასხეს. სხვა-
 ნაირად არ აცდებდა, არაფერი არ აცდებდა, თუ
 არ გაიქციე!

სამყარო ყველგან სასტიკია და ყველგანაა გაკ-
 რული მისი სისასტიკის ფორმულა კედელზე მინე-
 ბებული შინაგანანსივით. ამ სისასტიკეს უნდა გა-
 ექცე სამართლიანობისთვის ან უსამართლობის გა-
 მო მინც!

- ახლა რომ აქ იყოს, ვკითხავდი, ღმერთი თუ
 არსებობს მეთქი, - ფიქრობდა იგი გაქცეულ პატი-
 მარზე, - და მიპასუხებდა, რომ არსებობს, რადგან
 გაქცევამდე ღმერთიც არსებობს...

არ მინელდე ქარო, მე ვაიძულე ამ ჩემს გაცი-
 ებულ ფილტვებს, ბევრი ჰაერი მომანოდოს, რომ
 არ შევეგუო ამ კედლებს...

ისევ აყეფდნენ უსაფრთხოების კედელთან ძალ-
 ლები და ისევ ისმოდა შენობების სახურავიდან თუ-
 ნუქის ფურცლების ხმაური. ზედამხედველი იდგა
 იქვე, სათვალთვალო კოშკურაზე, იდგა კოლექტი-
 ური ზედამხედველივით და გასაქცევ პატიმარს
 ელოდებოდა.



ნინო ნიკლაური

პარასკევი



შუა ქალაქში, მალაზიებს, კაფეებს, ბინებს, გაფოთლილ ხეებს შორის მოქცეულ ძველ, კედლებჩამორეცხილ შენობაში, განიერ კიბეებსა და ნაცრისფერ, გადაკეტილ კარს იქით, სუსტ სინათლეში, სინესტის, შარდის, სიგარეტის სუნში ჩამწყვედუი ადამიანები ბორიალობენ. ზოგი სიგარეტს მთხოვს, ზოგი ოც თეთრს, ზოგი ვერ მამჩნევს.

- ახალი ხარ? - მეკითხება თმაგაშლილი ქალი.
 - არა, ჟურნალისტი!
 - ჟურნალისტს საგიჟეთში რა უნდა?! - ბრაზდება.

ძნელია მათ თვალი მოსწყვიტო და დაინახო ცისფრად შეღებილი, გრძელი დერეფანი, მრგვალი საათის ციფერბლატზე მოცეკვავე ურჩხული და მზეთუნახავი, შემურული ჭალები, სკოლის მერხებზე გადაბმული სკოლის სკამები...

- მე თინიკო ვარ - მეცნობა ორმოცდაათ წლამდე ქალი - ბორის ძნელაძეში რომ არ წავეყოლოდი მეგობარს, აქ არ მოვხვდებოდი. ბორ...

- ეს ლამარაა! - ბიჭურად თმაშეკრეჭილ, ტუ-

ჩებდანაოჭებულ, მოხუც ქალს აჩერებენ ჩემს წინ და აწყვეტინებენ თინიკოს.

ილიმიან ლამარას თვალები და ნაოჭები.

- ამას მტრედები ყავს შეჩვეული, ჭამის შემდეგ პურის ნარჩენებს აგროვებს და ფანჯრის რაფაზე უყრის.

- რაც შენ და შენი მტრედები პურს ჭამთ! - ბუზლუნებს მზარეული ქალი და მერხს წმენდს.

ილიმება ლამარა.

- რამდენი წლის ხარ? - მეკითხება ჩლიფინით.

- ოცდარვის.

- ფუ, ფუ, შენ ჯვარი გენეროს და მე ოცდარვა წლის გავხდი ავად.

- შეყვარებული ხარ თუ გათხოვილი?

- არც შეყვარებული, არც გათხოვილი.

- როგორ არა, იქნები! - ილიმიან ისევ ნაოჭები - გენათაღე შენ! - და უნდა მომეფეროს.

- არ შეეხო, ლამარა! - უყვირიან სხვები.

უცებ ემორჩილება.

- ბინძურია! იფსამს! - ჩამჩურჩულებენ.



- მაშინ ლექსს გეტყვი, მე რომ დავუნერე ჩემს მინადასაყრელ ქმარს!

მოსასმენად ვემზადები. ლამარა - სათქმელად.
- ქმარ ალექსანდრეს ცოლ ლამარასგან!.. - და ჩერდება.

ცოტა ხანს ფიქრობს.
- დამავინყდაო! - ამბობს მერე და ისევ იცინის.
- საქმელს ვინ მომატანინებს? - ისმის მზარეულის ხმა.

მსურველი ბევრია. თავსაფარზე ნითელკობლებ-დახატულ გოგოს უარს ეუბნება - ფეხსაცმელი არ აცვია...

უცებ ვგრძნობ, მხარზე ვილაც მკოცნის. ვტრიალდები. ლამარა დანაშაულზე წასწრებული ბავშვივით ჩერდება, მიღიმის. მერე ზურგს მაქცევს და კოჭლობით მიდის...

- საქმლის მოსატანად გაცოლა ყველას უნდა. ეს ერთადერთი საშუალებაა, მინაზე ფეხის დადგმის - მიხსნის თინიკო.

- რატომ არის ის გოგო ფეხშიშველი?
- „ჩუსტები“ კარადში დარჩა ჩაკეტილი. გასაღები ექიბს გაჰყვა, ორი დღე ეგერ მოუნწევს ყოფნა. ორშაბათს მოვა და მისცემენ. აქ რა უჭირს! საპირფარეშოშიც ფეხშიშველი შედის! იქ არც კი შეიხედო! საშინელება ხდება. სუნი იქიდან მოდის.

- სად ბანაობ?
- ვბანაობთ?! - იცინის - არსად! ცხელი წყალი არ არის. ვისაც ფული აქვს ორმოცდაათ თეთრს აძლევს „სანეტარს“ და ფეხებს იბანს. ვინც უპატრონოა, დადის მთლად დაუბანელი. ამას დედა მოუკვდა. მამა და ძმა ჰყავს, მაგრამ არ აკითხავენ...

ნითელკობლიანი ჭუჭყიანი ფეხების ტყაპუნით მიჰყვება დერეფანს და ძირს დაგებულ ბეტონის ფილეს ითვლის.

- ბორის... - უნდა თინიკოს ამბის გაგრძელება.
- წამოდი, ბებიას გაგაცნობ! - გვეჩერება ბრტყელსახიანი, ძალიან ახალგაზრდა გოგო. მიყვები.

ოთახში (აქაურობისთვის უჩვეულოდ თეთრ, სუფთა ზეწრებიან) საწოლს და ტუმბოს დაფუსფუსებს ნელში მოხრილი, თავზე თეთრხილაბანდაკრული, სამოცდაცხრამეტი წლის ბებია. ნამდვილი ბებია, სოფელში რომ უნდა ცხოვრობდეს, სახლკარს, ბაღჩას და შვილიშვილებს რომ უნდა უვლიდეს. ამ ბებიას არც შვილები ჰყავს, არც შვილიშვილები, არც სოფელში ცხვრობს. მისი ერთოთახიანი ბინა დაკეტილია. ფსიქიატრიულის პალატაში ფუს-ფუსებს ბებია და ენისმოჩლეკით ეფერება ფანჯარასთან, ხის ტოტზე მოჭიკჭიკე ჩიტს...

- მე მომიტაცეს ბებია! ნუ გეცინება, მართლა მომიტაცეს. მოვიდნენ და მითხრეს, სოცუზრუნველობიდან ვართო, ჩამსვეს მანქანაში და ძალით წამომიყვანეს. ექიმებს ვეკითხები, რის საფუძველზე მაჩერებ-მეთქი? „მეზობლებს ეჩხუბებო“. კი არ ვეჩხუბები, მხოლოდ ის ვთქვი, „კოკასა შიგან რაცა დგას, იგივე წარმოდინდების!“ იცი რატომ? გამოვხარშავდი თეთრეულს, გავრეცხავდი, „გავაკრახმალებდი“, გავფენდი. რამდენი შრომა სჭირდება, ხომ იცი? ისინი კი სწორედ მაშინ ფერთხავდნენ ნოხებს, ცოცხს. სიგარეტს აფერფლებდნენ... შენ რატომ ხარ

აქ, ბებია?
- უნდა დავწერო, როგორ ცხოვრობო.
- მაშინ დაწერე, ესენი რომ სკდებიან სიგარეტის წვეთით. ოთახში რვაწი ვცხოვრობო. ოთხი ეწევა, ოთხი არა. მიჭირს ამ ჰაერის სუნთქვა... შენ ეწევი?

- არა!
- კარგი გოგო ყოფილხარ, ბებია! შარვალი კი გაცვია, მაგრამ მაინც კარგი გოგო ყოფილხარ... ორმოცდაათი წლის წინ ადამიანები რომ ცხოვრობდნენ, ფეხზე რომ წამოდგნენ და ეს ხალხი დაინახონ, გაგიჟდება სულ ყველა! ვილაცამ ჯაღო გაუქუთა საქართველოს, თორემ მართო მე რომ მქონდეს, რა უჭირს! რომელი ქვეყანა გაუქუთებდა, ეგ არ ვიცი!..

ეზოში მანქანა ასიგნალებს.
- ჯერ არ მცალია, მოვწეე და ჩამოვალ! - ჩასახის რაფაზე შემომჯდარი, სახებრტყელი.
- ეს პატარა კურკა გოგო რა დღეშია?! - თავს აქნევს ბებია.
- ვნერვიულობ ბებო!
- რაზე ნერვიულობ? შვილები გყავს დატოვოლი თუ რა?!

- დედა ხომ მყავს?
- გულის რევა მაქვს ცოტა - საწოლზე ჯდება ბებია და ხელებს კალთაზე ინყობს.
- ფეხშიშვედ ხომ არა ხარ? - იცინის სახებრტყელი - ისე, როგორ დაგიგვიანა გათხოვება!

- მე რომ გათხოვდი, რა ჩიტი დაიჭირებ? - ესარჩლება მოხუცის გვერდით საწოლზე განოლილი თმაგაშლილი - ეს ბებია რომ არ გყავდეს, უფრო გავვიჭირდებოდა აქ ყოფნა!.. ათი წელია ვიტანჯები, მაგრამ ვინ არ იტანჯება! ტანჯვა უფრო გამგებია, მას ხდის ადამიანს. შეილაღ მეკუთვინი! პატარა კი აღარ ვარ. ორმოცდაჩვიდმეცის გავხდის. არ მეტყობა, იმიტომ, რომ აბორტი არ გამიკეთებია, შეილაღ არ გამიჩენია და ბოდიში თქვენთან, კაცთან არ ვწოლილვარ!

- რის ბოდიში ქალო, არ წოლილხარ და ყველაზე კარგი ნუთები დაგიკარგავს ცხოვრებაში! - იცინის სახებრტყელი და სიგარეტის კვამლს ფანჯრიდან უშვებს.

- რა სასაცილოა და გაუპატიურების მეშინია, ამ სიბერეში. ახალგაზრდა ყველაფერს აიტანს. ასაკში ძნელია! რა ექნა, უსიყვარულოდ ვერ გავთხოვდები! საქონელი ხომ არ ვარ!.. მე არ ვილდები. ჩემი ტვინი გატენილია ინფორმაციით. როგორ ხმაურობენ! გვატყალოდ ლაპარაკი! ესე ვუთმენ ამით ათი წელი. რა ბედნიერები არიან, რომ ვერ გრძნობენ თავიანთ ბედომარეობას!.. თქვენ ხომ გჯერათ, რომ შიზოფრენია არ მაქვს?

- მჯერა!
- გუშინ მაინც მოსულიყავი - ნანობს სახებრტყელი - იცი რა ბიჭები გავიცანი? პოლიციელები იყვნენ. სიყვარული ვთხოვე... ფუჰ! სიყვარული კი არა, სიგარეტი! ერთი ღერი მომწოდეს. ძაფზე გამობმული პარკი ჩავუშვი და ამოვნიე - მოულოდნელად ფანჯარაში ეყუდება, რალაცას აკვირდება. - მარიამი მოყავს ქმარს, მგონი ტუდად არის! დავარდა. დიასახლისს დაუძახებთ!..



ამოჰყავთ მარიამი. თეთრები აცვია. ფრიალა ქვედაბოლო, ფუშფუშა პერანგი და მხრებზე მოგდებული ფართო, გამჭვირვალე შარფი. შემოეხვივნენ ავადმყოფები. ხელს აშველებენ.

- ცუდად კი არა, მთვრალია! - ჩხუბობს დიასახლისი - რამდენჯერ ვუთხარი ამის გასაქვავებელ ქმარს, რომ მიგყავს, ნუ ასმევ-მეთქი! რა დალიე?

- არაყი!
- რატომ დალიე ამდენი?

- არ პასუხობს. მამჩნევს, მილიმის, თვალს მიკრავს და დერეფანშივე წვება იატაკზე, მიცვალბულივით გულზე იკრფვს ხელებს. გაბრაზებული დიასახლისი მიდის. ვილაცხას თბილი საბანი მოაქვს და აფარებს. გარშემო უსხდებიან, ეფერებიან, ამშვიდებენ.

- აქ იმდენი სითბო იგრძნობა, მიუხედავად იმისა რომ ყველას გიჟი ქვია! ვარეთ ეს ადამიანებს არ შეუძლიათ. აქ ყველას ერთი ტკივილი გვაქვს და ერთმანეთს რომ ვუზიარებთ, გვიმსუბუქდება ყოფა. ეს არის ჩვენი ცხოვრება და ისე შეეჩვიე, უკვე ვეღარ წარმომიდგენია, როგორ ვიქნები ვარეთ! ბორის ძნელაძეში...

ექთანთან და საკაცესთან ერთად ბრუნდება დიასახლისი. მარიამი საბანს აგდება. სცხელა. შარფიან ხელს მაღლა სწევს და აფრიალებს. საკაცეზე აწვევენ.

- ფრთხილად, არ მატკინოთ!
პალატაში, სანოლზე გადაჰყავთ. აბამენ.

- მუხლებს თავი დაანებეთ! ვიყვირებ!.. ძალიან მსუბუქი ვარ! - მიყურებს - მსუბუქი ყოფაქცევის არ გეგონო! უბრალოდ მსუბუქი! ნახე როგორ ავიშვავა! ერთს ავიწევი და გავთავისუფლდები! ნახად ბები, ნახად! - თვალებს უბლიტავს დიასახლისს.

- ერთი შენი ქმარი მაცემინა! რამდენჯერაც წაგიყვანა, მთვრალი და ფეხმძიმე დაგაბრუნა!

- ცემე! - ნებას რთავს მარიამი.
- რვა შილი ყავთ უკვე! - შემომჩვივის დიასახლისი.

- შენ თვალწინ ავიშვებ! მიყურე და იხარხარე!...
- რომელი უფრო ცოდაა აქ, ავადმყოფი თუ კარგად მყოფი, ვერ ვაიგებ! - თავს აქნევს დიასახლისი.

- კარგად მყოფი არ არსებობს! - ყვირის მარიამი.

- წავიდეთ, ჭამის დროა! - უპასუხოდ ტოვებს დიასახლისი.

სასადილოდ სკოლის მერხებთან სხდებიან. სკოლის მერხს უზის ბებიაც. უცხიმო, ერთმანეთთან შენებებულ მაკარონს სოკოგაჩენილ, ნებოვანგულიან პურს ატანს.

- ბებია, თუ დავიხრჩე, იცოდე, მთლიან ლუკმებს ვყლაპავ, არ ვღეჭავ... დანერე, იქნებ მაკარონი რძიანი გააკეთონ. ამას ავადმყოფები ძალით ჭამენ! კი არ მოვითხოვ, თუ შეუძლიათ!.. მთავრობას ამ წლის ბიუჯეტში გამოიჩინა ფსიქიატრიულების დაფინანსება. დამამშვიდებელ წამლებსაც თავის ფულით ყიდულობს ჩვენი ექიმი. ამათი უნამლოდ გაჩერება არ შეიძლება!.. პიტნის წვეთებიც არ აქვთ. რა ქნან! არ აფინანსებენ!.. უბრალოდ, თუ შეძლებენ, ხანდახან მაინც რომ გვაჭამონ რძიანი მაკარონი...

- მე ფაფა მინდა! - იძახის სახებრტყელი ფაფა... და კარაქიანი პური!

- პური ახალი რომ იყოს!.. მეორე დღის მაინც!

- ხორციანი საჭმელი მენატრება!

- შემწვარი წინილა, ახალი ტყემლით!

- ტოლმა!

- ხინკალი!

- მწვადი!

- ჩაქაფული!

- სამი თვის ხელფასი მისცენ პერსონალს! ყველაზე მეტს ესენი შრომობენ! ფულს რომ აიღებენ, კარგ ხასიათზე იქნებიან!

- ტორტი!..

ამთავრებენ შეზიზღებულ საჭმელს. ლამარა მერხებზე დარჩენილ პურის ნატეხებს აგროვებს, ჯდება და ფშვნის.

თინიკო და თავსაფარკოპოლიანი ფანჯარასთან მიდგმულ, გადწმენილ მერხზე სხდებიან და ეზოში იყურებიან. კაცი ასეირნებს ბავშვს.

- შეხედე, რა საყვარელი პატარაა! - სახე ებადრება თინიკოს, მერე ცრემლი ერევა - შვილიშვილს ვენატრები, ექვსი თვიდან გავზარდე. აქ რომ მოვდიოდი, დამსვა და საჭმელი მაჭამა. მშვიერი არ გამომიშვა...

- ხომ კარგი ბავშვია? - გადაჰყურებენ ფანჯრიდან პატარას.

- ხო! - თავს უქნევს ნითელკოპოლიანი.

- ხომ გინდა ბავშვი?

- ხო!

- ხომ გათხოვდები?

- ხო!

- მე ძმისშვილი გავზარდე, ჩვიდმეტი წლისაა. სახლიდან გამომავდო! - გვიყვირის მოულოდნელად გაჩენილი, მხრებზე ზენარშემოგდებული ქალი.

- ვერ გაგიზრდია კარგად - ჩურჩულებს თინიკო და ცრემლს ინმენდს.

- აღმოვანივ მასობრივი განადგურების იარაღი! - აგრძელებს ყვირისს - აზოტს ჩავყრი ჭამი და დაგხოცავთ სულ ყველას!..

- აურია, ხმა არ გასცეთ! გუშინ ისეთი სიტყვები მეძახა, არაფერი მითქვამს! - გვაფრთხილებს თინიკო.

- ჩათლახები ხართ!.. „ჩიხობკიანები“!.. არავინ ეპასუხება.

- ფანჯრიდან ჩამოდიოთ! - ყვირის მზარეული.

- თინიკო და კოპოლიანი შორდებიან ფანჯრის იქით მოჩახჩახე მზეს. ბრუნდებიან სიგარეტის და საპირფარეშოს სუნში.

- ვინმეს რომ შევხვდე და შეუყვარდე, ამის უფლებასაც არ მაძლევენ! - ჩივის ფეხშიშველი.

- ესენი ვარეთ დადიან, ჩვენ ფანჯრიდან გახედვასაც გვიკრძალავენ! ბორის ძნელაძეში რომ არ...
- დისკოტეკაზე წამოხვალ? - მორბის სახებრტყელი.

- დისკოტეკა გაქვთ?..

მთავარი კარის პირდაპირ, პატარა ოთახში მაგნიტოფონია ჩართული. რაღაც წყნარ მელოდიას აყოლილი ქალები ნელა, თვალეზახუჭულები ტრიალებენ. სახებრტყელი ნითელკოპოლიანს მიათრევს

საცეკვაოდ. კობლიანს ცეკვა არ უნდა. სახებრტყე-
ლი ხელებს უჭერს და ძალით აქნევენებს...

ურდულის ხმა ისმის. მნახველი მოვიდა.

- ქეთისთან არიან! - იხახის ექთანო.

მირბის ქეთი და დედის წინ ჩერდება. არ ეხუტე-
ბა. არ კოცნის. დედა თავზე ხელს უსვამს.

- რატომ არ ხარ დავარცხნილი! - საყვედურობს.
ქეთი ბავშვივით შეჰყურებს.

- გამოიცვალე! - ჩანთიდან იღებს ტანსაცმელს.
იქვე იხდის შარვალს, მაისურს... დედა ეხმარე-

ბა. გამონაცვალს ახვევს და ჩანთში ინახავს. ქეთი
გაუბედავად ჩასჩურჩულებს.

- ვერ წაგიყვან! სახლში ვერ გაძლებ! ეზოში არა-
ვინ არის! - ხმამაღლა პასუხობს დედა.

- ხუთი წუთით მაინც ჩამიყვანე დაბლა, გამასე-
ირნე!

- არა! ამ კიბეზე ვეღარ ამოვალ ისევე!.. ხომ იცი,
ფეხები მტკივია!..

მიდის დედა. ქეთი გარბის ფანჯრისკენ. ელო-
დება. დედა გადის შენობიდან და ნელი ნაბიჯით მი-
უყვება გზას. შვილი ჩუმად უყურებს. გზა გაფოთ-
ლილ ტოტებში იკარგება...

* * *

ძალიან გამხდარი ქალი გაყვითლებულ რვეულს
მანვდის.

- ღია საინტერესო პიროვნებაა, რამდენჯერმე
თავს იკლავდა! - მაცნობს თინიკო.

- აქ ჩემი ლექსებია. იქნებ დამიბეჭდონ თქვენს
გაზეთში!

ვფურცლავ.

„ფულით მანქანა ვიყიდეთ,
ტაქსაობს ჩემი ქმარი.
სალამოს დატვირთული
რამაზი მოდის სახლში.“

„შოფრობაში“ გამოცდილი
„რისებში“ დადიოდა,
კმაყოფილი ბრუნდებოდა,
სიხალისე ამხნევენდა.“

„გავზარდე ორი შვილი და
მტერს დაუწყენე თვალი!
მრავალი წლის მანძილზე
„ატეხს“ შევალე თავი.
შენუხებულო დავდვარ
ტელეფონების ზართი.“
- მატანთ?

- ნაილე! თუ კარგად მოიტყვევიან, კიდევ დაე-
წერ! - მერე თინიკოს ახარებს - იცი, ქმარი მიბრუნ-
დება!

- მართლა?! გილოცავ! - კოცნის თინიკო...

* * *

- დანერე, რომ ძმამ გამიყიდა ბინა - მკარნა-
ხობს დაბალი, შავგვრემანი გოგო - საბერძნეთში
წავიდა და გადაიკარგა. ცხრა წელია აქ ვცხოვრობ.
უკვე კარგად ვარ, განურა უნდოდათ, მაგრამ ნა-
სასვლელი არსად მაქვს... რა ლამაზი მაიკა გაცვია!
მე იცი, როგორები მიყვარს? სელაპივით რომ პრია-

ლებს. არის ეგეთი?

- კი, იქნება!

- დამეხმარეთ ჩემი ძმის მოძებნაში!..

* * *

- მკვდარი არ მოვსულვარ აქ! ცოცხალი მოვე-
დი, იმიტომ რომ ვიცოდი, მკვდარი ვერ მოვიდოდი!
ოცდაცამეტი წლის ვარ! მას მერე არ მომმატებია
ასაკი!.. - ისმის დერეფანში.

- ფულის ინფლაცია არის ფულის სიკვდილი!
საქართველოში ფული მოკვდა!.. - ყვირის სხვა ხმა.

- გამარჯობა! ჯანმრთელობას გისურვებთ. პას-
ტა ხომ არ გაქვთ? ლექსი მაქვს დასაწერი. შავად კი
არ ვწერ, პირდაპირ თეთრად. ერთი შეცდომა არ
მაქვს ხოლმე!...

- მე მხოლოდ ყვავილის დახატვა ვიცი!..

* * *

- დღეს რა რიცხვია, ჩვიდმეტი თუ თვრამეტი? -
მიყურებს დიდთვალედაქაწული ქალი.

- ჩვიდმეტი მაისი.

ფიქრობს.

- ვილაცის ცემა მინდა!

- ვისი? - ვეკითხები ფრთხილად.

- არ ვიცი! - აკვირდება ყველას.

* * *

- მოდი აქ! - მეძახის თეთრი, მაღალი ქალი -
უთხარი კარი გაგიღონ და წადი!

- რატომ?

- შენთვის ცუდია. ცუდად გახდები. ამ ხალხის
ყურება ძნელია. ხედავ როგორ დარდობენ? სახლე-
ბიდან იმიტომ გამოყარეს, სიმათლეს რომ ამბო-
დნენ. სტრესს ნამალი კი სჭირდება, მაგრამ სხვა
რამეებიც აუცილებელია. საშინელ ყოფაში არიან.
დააკვირდი ამ ადამიანების თვალებს. გრძნობ რო-
გორ „მუჩუეტ“?

დერეფნის ბოლოში ჩხუბი იმართება. თვალებ-
დაქაწულმა იბოვო ვისაც ეძებდა. ზოგი მისამველე-
ლად გარბის, ზოგი გასამველეზლად.

- დანყნარდებიან. შენ უთხარი, გაგიღონ კარი!

- მაღე ნავალ! - ვპირდები.

* * *

თინიკოს ვეძებ. ისევე ფანჯარაში ზის. სარგე-
ლობს არეულობით.

- რა მოხდა ბორის ძნელაქეში, თინიკო?

- დათვმა მოაჭამა გოგოს ფეხი. იმ გოგოს ვენე-
ოდი და ამის ნიდაგზე გავხდი ავად. რომ არ წავყო-
ლოდი მეგობარს... - უსველდება თვალები...

* * *

ხმაურით ირაზება კარი ზურგს უკან. გამოვი-
ვარ ქუჩაში. ჰაერი. ვსუნთქავ. ლამდება. ლამპიონე-
ბი ინიება. განათებული კაფეები. ადამიანები სა-
უბრობენ. იცინიან.

ორი ნაბიჯის იქით, სიგარეტის და საპირფარე-
შოს სუნში, სძინავს რკინის საწოლზე დაბმულ მა-
რიამს...



ნაფცქვენები

ხის შუშაჩატეხილ ფანჯარაზე აკრულ სიბნელებს ფერი შეერია. სახედამშრალმა ქალმა მორიდებით გააღვიძა რკინის სანოლში მძინარე სახეგადატყეცილი, შავი კაცი. ქალმა სკამზე მიყრილი საბოსი სწრაფად გადაიცივა, ჭაღარა თმა კბილებმომტერული სავარცხლით გადაივარცხნა. ხელი ნაკრა აგურშეყუდებულ სანოლში მძინარე ბავშვს. „ადექი, მომენმარე!“ ლამაზი, შავი თვალები გაახილა გოგომ.

კაცმა დინჯად ჩაიცივა საკერებელდადებული, მუხლებთან დაბერილი სპორტული შარვალი. ფეხები უზონარო, დაბრეცილ, მტვრიან ფეხსაცმელში წაყო. ეზოში გავიდა. თენდებოდა. წითელი ჰორიზონტი იწა. მზე ამოდიოდა.

- სალესი და დანა გამომიტანეთ! - სახლს შეპყვირა კაცმა.

თმაგანწილმა გოგომ გამოუტანა, სასაწრაფოდ სახლში შებრუნდა, კარადის გვერდით, ბნელ კუთხეში ჩაჯდა და ყურებში თითები გაიკეთა.

კაცმა დაბნა ალესა. ფზა გაუწინჯა და გომურში შევიდა. ბაბაზე მიბმულმა, ნეხემიხმარ იატაკზე მოკეცილმა ცხვარმა თავი წამოყო. კაცმა თოკი მოხსნა ბაგას და მოქაჩა. ზანტად წამოდგა ცხვარი. პირი წინდაყრილი, მიმჭენარი ბალახისკენ წაილო. კაცმა არ აცალა. უფრო მძლავრად მონია თოკი. წყლიან, ემალატეხილ, ტალახიან ჯამს წამოედო ცხვარი. წყალი დაიქცა. კაცმა გინებით გაათრია ეზოში...

გოგომ ყურებიდან თითები რომ გამოიღო და გარეთ გავიდა, თუთის ტოტზე დაკიდებული დახვდა ცხვარი. ჩაყვირებული, დაკრუჭილი კბილებიდან გაღურჯებულ ენას უყოფდა მოჭრილი თავი. მინას დიდ ლაქად აჩნდა შედედებული სისხლი...

გრძელ შუშაბანდში ვინრო მაგიდები შეატყუპა ჭაღარა ქალმა. გახუნებელი, დახვეული ქალადლი სუფრად გადააფარა. თუფშებს თილილი ჭიქები და დაღრეცილკბილიანი ჩანგლები შემოუწია. გოგომ მეზობლებში გააქცია. სკამები ათხოვინა.

კაცმა აქნილი ხორცი, დაჭრილი მწვანილი, მწვანე ხავი, ტარხუნა, ტყემალი ფენა-ფენა ჩაყარა ტალახანასმულ ქვაბში და ეზოში, ზედადგარს ქვეშ, შუშით ანთებულ ცეცხლზე შემოიდგა.

ქალი სუფრას დასტრილებდა - ყველი, მწვანილი, კიტრი...

პირველმა სტუმარმა შეაბიჯა. ყაზარამ. მისი გრძელი ცხვირი უღვაშის ზოლს ეჭირა. ნარდი გაშალეს. მაყურებლებიც გამოუჩნდნენ - სხვა სტუმრები და ტოტზე დაკიდებული, ენაგამოყოფილი, თვალებდაჭყეტილი ცხვრის თავი. იქვე, სისხლის ლაქას ბუხები ეხვივნენ. ცეცხლზე ჩაქაფული იხარებოდა.

თეთრი მანქანა გაჩერდა. ასოვანი კაცი და ლამაზი, გაპრანჭული ქალი გადმოვიდნენ. გოგო ალტაცებული ათვალეირებდა ბზინვარე, შავ, გადავარცხნილ თმას, წითელ პომადას... უეკირდა, ეს ქა-

ლი მათ ღარიბ სახლში რომ შევიდა, მის მოუვლელ, სანყალ დედას რომ ესაუბრებოდა... და ცოტათი რცხვენოდა კიდევ.

სუფრა მზად იყო. კაცები ჯერ მორიდებით ისხდნენ. თითქოს უხალისოდ იღებდნენ ჭიქებს, ორი სიტყვით ამბობდნენ სადღეგრძელოს, წაზად კიკინდნენ ბადრიჯანს თუ გუდის ყველის ნაჭერს. რაფაზე შემოდგმულ ბოცას ნელ-ნელა აკლდებოდა. ხმაური იმატებდა. ყოჩაღად შეხვდნენ ოშივიგარადენილ ჩაქაფულიან ჯამებს. სადღეგრძელოსთვის ათი სიტყვაც აღარ ჰყოფნიდათ, ყოვნდებოდნენ და გონებაში ეძებდნენ სხვა, მგზნებარე სიტყვებს. ვერ პოულობდნენ და ისევ იმ ათი სიტყვის დალაგებას ცდილობდნენ ისე, უფრო შთამბეჭდავი რომ ყოფილიყო. არ გამოხდოდათ და სავესე ჭიქით უღებდნენ ბოლოს წამებას.

ლამაზ ქალს მოსწყინდა მათი ყურება. გარეთ გავიდა. მიტოვებულ ნარდთან ჩამოსხდნენ ქალები.

ბოცა ნახევრად ჩაიკალა.

მასპინძელი მზად იყო კამათისთვის, ჭიქას ხელი წამოავლო:

- მშვიდობას გაუმარჯოს! ნათქვამია, „მშვიდობა შინ და გარეთო“ მაგრამ, მთავარია, გარეთ იყოს მშვიდობა! შინ მე მოვუვლი!

- შინ თუ ომი მაქვს, რა ჩემ ფეხებად მიინდა გარეთ მშვიდობა?! - არ დაეთანხმა ყაზარა.

ეზოს მაღალ ქუსლებზე შემდგარი, დაბალი ქალი მოადგა.

- მოდი, უუჟუნ! - შეიპატიჟა დასახლისმა.

უუჟუნამ უკან დაიხია, „ყაზარა გამოახედო“.

დასახლისი შეყოვნდა და გოგო გაგზავნა დასაძახებლად.

- ყაზარა ძიას ცოლი ეძახის! - თქვა ღია კარში გაჩერებულმა გოგომ.

ყაზარა წამოინია. შავმა კაცმა ხელით გააჩერა, „უბრძანა, არ მოიდის-თქო!“ უბრძანა გოგოს.

უუჟუნა გაბრაზდა.

- ცოტა ხნით გამოვიდეს, საქმე მაქვს! მიდი გენაცვალე, წუთით გამომხედოს!..

ისევ ღია კარში გაჩერდა. მამამისი მშვიდობის სადღეგრძელო ჯერი კიდევ არ დაუღია.

- არ მიდის, ერთი წუთით გამოიხედოს!

კაცს სახე დაეჭყანა, სუფრას დახედა, თუფშზე დახვავებულ კიტრის ნაფცქვენებს ხელი დაავლო და გოგოს სახეში შეაყარა.

ყველა მას უყურებდა. სისხლმა სახე აუნვა. თავი დახარა და ძირს დაყრილ ნაფცქვენებს დახედა.

მერე თვალები ცრემლებმა ამოუფსო და გაქრა ნაფცქვენები, მამამისი, ყაზარა, უუჟუნა, მზიანი ეზო, ენაგამოყოფილი ცხვრის თავი...

ლამაზი ქალის კალთაში თავჩარგული ტიროდა.

- შეურაცხყოფილად იგრძნო ბავშვმა თავი! - მოესმა გამქრალი სამყაროდან.

იმ სამყაროში მამა ისევ მშვიდობის სადღეგრძელოს სვამდა. კაცები ქეიფობდნენ.

რობოტი

ცხრა წლის იყო. სხვადასხვანაირი ფიცრებით ახუნძლული საპირფარეოს კედლის ძირიდან სორო იყურებოდა შავი თვალით. სოროსავით შავი თვალები ჰქონდა თვითონაც.

დაბატარავდა თუ სორო გაიზარდა, შიგნით შევიდა - თბილ, დიდ ოთახში. ჩანკიკიკებულ ხუთ საწოლზე ხუთ წრუნუნას ეძინა. მათი დედა იყო. ფეხაკრეფით მიდიოდა საწოლიდან საწოლთან, გადახდილ საბნებს უგებდა. ერთს გამოყოფილი, შეციებული კუდი სათუთად გაუსწორა, დაუთბუნა.

ბედნიერი იყო უცნობი განცდით! დედა იყო! სამზარეულოში ღუმელზე წვნიანი დუღდა. საჭმელს ამზადებდა.

სახლში გრძელუღვაშა, პიჯაკმოცმული ვირთხა დაბრუნდა. ქმარი...

ბრაზუნმა გამოაღვიძა. მამის დაგებულ ხაფანგს წრუნუნა მოეკლა...

ოცდათორმეტი წლის შემდეგ -

ადრინად გაახილა თვალი. წასასვლელი იყო. სამუშაოს დაწყებამდე გუმინდელი დაუმთავრებელი ანგარიშის დასრულება უნდა მოესწრო.

ადგომა ვერ შეძლო. ოდნავ მოძრაობაზეც აუტანელად სტკიოდა მუცელი. თავს ძალა დაატანა. წამოდგა. რამდენიმე ნაბიჯი გადადგა. ტკივილიმა გონი დააკარგვინა. თვალი რომ გაახილა, იატაკზე იწვა. ტკივილი შესუსტებულიყო...

სასწრაფომ წაიყვანა. გზაში ხან უფროსი ურეკავდა, ხან მის მაგივრად სამუშაოზე გამოსული გოგო. ეკითხებოდნენ, რა სად იდო, რა იყო საქმარი...

ექიმმა ხელით გასინჯა. ქალი იყო. მერე კომპიუტერებით იკვლიეს.

ინვა. პასუხს ელოდა. სამსახურიდან ისევ რეკავდნენ.

- საკვერცხის კისტა გამსკდარი, გონი იმიტომ დაკარგე. ოპერაციაა საჭირო, საშვილოსნოც ამოსალებია! - მოვიდა ბოლოს ექიმი.

- რომ დამიტოვოთ?

- არ შეიძლება, საშიშია!

გოგოს ცრემლები წამოშვიდა.

- რა გატირებს? - უხეზი იყო ექიმი.

- შვილი არ მყავს!

- ამ საშვილოსნოს დიდი ხანია დამშვიდობებული ხარ! შვილს ვერ გააჩენ!..

საოპერაციოდ ამზადებდნენ.

- აქ ერთი ბატონია მოსული, ნახატი უნდა ყოფილიყო ჩარჩოში ჩასმული, ვერ ვპოულობთ! - რეკავდა ისევ უფროსი.

- რა ეხატა ნახატზე?

- კლიმტის „ოჯახი“.

- საწყობში, თაროსთან დევს - საკაცით მიაგორებდნენ.

რკინის კარი ღია დახვდათ. საოპერაციო დიდი იყო, თეთრი და ცარიელი. მაგიდაზე გადაიყვანეს. ნამალი შეუშვეს...

წინ ფურცლები ენყო, კალკულატორი, ნითელი და ლურჯი პასტა. აგრძელებდა წინა ღამეს შეწყვეტილ ანგარიშს. მალე დაასრულებს. სულ ცოტადადარჩა. ვიღაც ხელს უშლის.

- გაიღვიძე! - თავზე ედგა რენიმაციის ექთანი.

„ცოტაც მაცალონ, სულ ცოტაც და მოვრჩები, რატომ მიშლიან ხელს?!“ თავს ზემოთ არ წევს, ციფრებს კრებს. „პლიუსი დამიჯდა. სამი ლარი. ეს არაფერია. ალბათ პასპორტის გატარება გამომჩრა. მშვენივრად გამოვიდა. დავასრულე!“

- გაიღვიძე!..

სოფლის ავტობუსში

მძლოლი შავია და შავი უღვაშები აქვს. ავტობუსი წითლზოლიანი. მუსიკა ძველი, საცეკვაო.

წინა სკამზე, „თავშენახული“ შურა კმაყოფილი იყურება ფანჯარაში. მისი მხრები კი ყველა მელოდიას.

შურას ზურგს უკან, პუტკუნა, ახალგაზრდა გოგო პირზე ხელს იფარებს და სიცილის შეკავებას ცდილობს.

ავტობუსი ჩერდება. შავებში ჩაცმული მოხუცი ბებო გაჭირვებით ამოდის და ამოაქვს ერთმანეთში ჩანსობილი ჩანთები. ბებო ჩხუბობს. სიტყვები მუსიკაში იკარგება. მძლოლი მაგნიტოფონს ხმას უდაბლებს. ჩერდებიან შურას მხრები.

- ნახევარი საათია ვდგევარ! ბებერი რომ ვარ, იმიტომ არ გამიჩერა? ვერე შეიძლება?!

- რა გინდა ჩემგან?

- შენგანა შვილო? შენგან არაფერი. იმდენი ხანია ველოდები, გამოიარა ყვითელმა ავტობუსმა და

არ გამიჩერა. შენ რა შუაში ხარ! შენზე კიდევაც ვამბობდი, ღვთისნიერი კაცია-მეთქი!..

კვლავ იწყებს ცეკვას შურას მხრები და კვლავ იცინის პირზე ხელაფარებული პუტკუნა.

ბებოს სახლთან ჩერდება ავტობუსი. მძლოლი ხელით აავეებს ჩასაღველად მომზადებულ მოხუცს.

- ხომ დადხარ ბაზარში ყოველდღე და ხომ მოულობ იქ რაღაც ფულს. ხანდახან ათი თეთრი მაინც გადაიხადე. ჩემზე კი არ გეუბნები. სხვებს მიეცი, რომ გაგიჩერონ!

ოთხმოცს გადაცილებული დამნაშავე ბებო დგას თავდახრილი, უსმენს და ლულულულებს.

- ხო შვილო!.. ხო შვილო!..

- კარგი ხო, გამოსწორდება! ნავიდეო ჩვენ ახლა! - ყვირის მოთმინებადაკარგული კაცი.

უკვე ხმაბალა იცინის პუტკუნა.

მერე ისევ მიქრის ავტობუსი და ისევ ცეკვავენ „თავშენახული“ შურას მხრები.

ძაღლი

ვერძო, პატარ-პატარა ეზოებს და სახლებს შორის ჩარჭობოლ, ოცდაოთხსართულიანი კორპუსის ფანჯრიდან მოხუცი იყურება. ოდესღაც ლამაზი იყო! ძალიან ლამაზი იყო! ახლა კი შუბლზე და ლოყებზე ბებერი მეცნიერის ტვინივით დანაოჭებული კანი, პირიდან ამოჩრდილი კბილი და კუზი აქვს.

- რა საშინელება ხდება იმ სახლში!.. თავიდან ვიფიქრე, მეჩვენება-მეთქი. მერე ვუთვალავალე და დავრწმუნდი, არ ვცდებოდი... არა, ვერ გეტყვი! არ შეიძლება! - ეუბნება სტუმრად მისულ ნათესავს და სადღაც ქვემოთ იშვერს მარილებისგან დაგრეხილ თითს.

სტუმარი ახალგაზრდა გოგოა, არ უხარია იქ ყოფნა, მაგრამ სთხოვეს, სადამომდერ არ დატოვოვო და უკვე მეორედ იდუღებს ყავას.

- მითხარით!.. არავის მოუყუებები! - ამბობს ზარმაცად.

- თქმისაც კი მეშინია!.. საა დღეში ერთხელ მოჰყავთ ამ კაცთან ძაღლები!

- ამდენი ძაღლი რად უნდა?

- ტყავს აცლის! - ჩაიჩურჩულა.

- რას? - ვერ გაიგო გოგომ.

- ტყავს აცლის! - ოდნავ აუნია ხმას... - ერთი ისეთი კარგი ძაღლი მოუყვანეს, მენამული ფერის. ლეკვი ჰყავდა თან. ისიც მაგფერი. იქით რაღაც მოციტრული რომ მოჩანს, მოდი, ნახე! ახლაც აბია შავი ძაღლი, ხომ ხედავ?

ცეცხლს აქრობს და გოგოც ფანჯარასთან მიდის. ძველ, პატარა, ჩაშავებულ სახლზე ფოთლებდაცვენილი თუთის ტოტების ჩრდილი ირხევა. მიწაზე წევს ძაღლი. დრუნჩი თათებს შორის უდევს.

- მანდ ება ისიც. მეორე დილით გამოვიდა სახლიდან კაცი, შავი პერანგი რომ აცვიდა ხოლმე. შეჰყურებდა ქვემოდან და კუდს უქიცინებდა საცოდავი. რაღაც ჩაასხა ძალით პირში. ალბათ ძილის ნამალი. ცოტახნით გავედი საძინებლისკენ. რომ დავბრუნდი, ძაღლი გრძელ რკინის მაგიდაზე დაწოლილი დამხვდა, სამ ადგილას გადაეჭირათ ქამარი და... თავი აღარ ჰქონდა!

- რა არ ჰქონდა?! რას ამბობთ!

- თავი! თავი აღარ ჰქონდა! მეორე დილით, ქალბატონმა, იმ კაცის ცოლმა, პარკში ვახვეული ხორცი სადღაც წაიღო. იმიტომ ვეჩხუბები ჩემებს, „კალბასებს“ და „სასისკებს“ ნუ ჭამთ-მეთქი... სულ სხვადასხვანაირი ძაღლები მოჰყავთ. მესამე დღეს ტყავს აცლის... არ ყვეფენ. ხმას არ იღებენ ძაღლები. ნამდვილად ნამლით აძინებენ. დიდი ფული იშოვნეს ამ საქმით. აქ რომ გადამოვდიოთ, პატარა ეზო ჰქონდა.

აქეთ-იქიდან შეისყიდეს და ხომ ხედავ, როგორ გაფართოვდნენ?... მეზობელი გვყავს პოლიციელი, მინდოდა მისთვის მომეყოლა და თავზე დასდგომოდა მოულოდნელად. ზუსტად ვეტყვი რომის კლავდა. ჩემმა შვილმა დამიშალა. ეგ თუ ამ საქმით ფულს შოულობს, ადამიანსაც მოკლავსო! მაგან იცის, რომ მე ვუყურებ. შემეშინდა - შვილი და შვილიშვილი შარში არ გავხვიო-მეთქი!..

- ამ ამბავზე თვალების დახუჭვა როგორ შეიძლება?! - კითხულობს თვალებგაფართოებული გოგო.

- იცი, როგორი ცხოველი მოუყვანეს, ერთხელ? შავი, პრიალა ბუნვი ჰქონდა, შველივით თვალები, წაგრძელებული დრუნჩი, მოკლე ფეხები. ძალიან მსუქანი იყო. სიარული უჭერდა. თევზის მჭამელი უნდა ყოფილიყო. ხვდები, რა იქნებოდა?

- ვერა! -

- ძალიან ლამაზი იყო, მგონი ზოობარკიდან მოუყვანა მწვანეფორიანმა, გალიებიანი მანქანით. იმ კაცს ფულს უხდის ხოლმე... ნეტა რა ცხოველი იყო?... როგორ მოკლა, ვერ დავინახე. რომ გავიხედე, იმ შავ, პრიალა ბუნვს რეცხავდა უკვე ის ქალბატონი! ეგ ქალიც სატანაა. ხმას რატო არ იღებს?... შეიძლება ქმრის ეშინია - პასუხობს თვითონვე.

- ღმერთო ჩემო!

- ის ლამაზი ძაღლი რომ დავინახე, ლეკვით, ისე შემეცოდა, გული დამეთუთქა. მინდოდა ჩავსულიყავი და მეყიდა, მაგრამ ჩემი შვილი გაგიჟდა, სად წავიყვანო, რად მინდაო? არ არის ეგ შენი საქმე! ნუ გაიხედავ და არ დანახავო! სხვა ფანჯრებიც გვაქვს, ნადი და ქუჩის მხარეს იყურეო... სატანები არიან ეგენი ყველანი! ცოლიც! კიდევ ისეთები... რა ჰქვიათ მაგათ? აი, კისერში რომ ჩააფრინდებიან და ისხლს ნოვენ.

- ვამპირები? - იცინის გოგომ.

- ხო, ვამპირები! დადიან ეგეთები აქ ღამე!.. ვერც შენ ხედავ ჭალზე ღამურას?

- ვერა! - უზარმაზარ ბროლის მძივებს ათვალიერებს გაკვირებული გოგო.

- უნდა ჩამოვახსნევიწო ხელოსანს და ყველას განახოთ, რომ მანდ ღამურა ზის! სულ მიყურებს და დამცინის! აი, ენას მიყოფს ისევ...

ჭერზე ბროლის ჭალი ბრწყინავს. გოგო მოხუცს აკვირდება გაფართოებული თვალებით...

თუთის ტოტებს ქარი ისევ არხვეს. ქვემოთ, ეზოში, შავპერანგიანი კაცი სიგარეტს ეწევა. მოფიცურულის წინ ჯაჭვით დაბმული ძაღლი შეჰყურებს და კუდს უქიცინებს.



ლევან შატბერაშვილი

ჩია ნაბიჭები

რაც უფრო მეტად ჭკვიანი ხდები, მით უფრო მეტი სისულელის თქმის უფლება გეძლევა.

მარსელ პრუსტი



ზამთრის სუსხიან საღამოს, 45 წლის ახალგაზრდა და პერსპექტიული ქართველი მწერალი ზაალ ბურდულაძე ბერლინში, მარქსისა და ენგელსის ქანდაკებასთან იდგა და ასევე პერსპექტიულ და ახალგაზრდა ქართველ ფილოსოფოსს, 43 წლის, ლომერ შალამბერიძეს ელოდა. ლომერი და ზაალი მეგობრები არ იყვნენ, მაგრამ თბილისური ჭორ-მართლის გადამკიდევებს ერთმანეთზე ცოტა რამ სმენოდათ, თუმცა შეხვედრამდე ორივეს მოესწრო მეგობრებისგან მცირედი ცნობების მოძიება.

მიზეზი, რის გამოც ეს ორი სუბიექტი ერთმანეთთან შეხვედრას აპირებდა, მარტივი იყო: მათი ცოლები ნაცნობები იყვნენ, თანაც ისეთი,

რომ ხანდახან მეგობრებსაც კი უწოდებდნენ ერთმანეთს. ისინი პერიოდულად ფეისბუქზე ცვლიდნენ ხოლმე აზრებს და ასევე ევროპის ინტელექტუალურ-არტისტული დედაქალაქის შესახებ თავიანთ შთაბეჭდილებებსაც. თუმცა ერთხელაც ისე მოხდა, რომ ვირტუალური ინტერაქციით ვეღარ დაკმაყოფილდნენ, უფრო სწორად, ჩათაობით ვეღარ დაძლნენ და გადაწყვიტეს, ქმრებიც დაეახლოვებინათ, რომლებიც, ისე მოხდა, რომ იმჟამად ბერლინში იყვნენ - ერთი სამეცნიერო კონფერენციაზე იყო ჩასული, მეორეს კი ლიტერატურული სტიპენდია მოეუბოვებინა და თავის მორიგ რომანს წერდა. მათი აზრით, ეს ძალიან კარგი შანსი იყო ამ



ორი საინტერესო ინტელექტუალის დასამეგობრებლად.

ზაალი უფრო მეტად მარქსის ქანდაკებასთან სცემდა ნერვიულ ბოლთას, რადგან ენგელსი მაინც მეორეხარისხოვან მოაზროვნედ მიაჩნდა. მისი მწერლურად ნატიფი თითები, გადაჭრილი ხელთათმანების ვაკლით უკავშირდებოდნენ ბერლინის ცივ ჰაერს. კოპნია ბლანჟეთი ალყაშემორტყმული ტურები, სიცივისა და მარადიული ნერვიულობისგან აკანკალებული, დახვეწილი ფალანგების დახმარებით, ღრმა ნაფაზებით ისრუტავდნენ სიგარეტის კვამლს.

ბურდულაძის მზერა განვდილი იყო ბერლინის ჰორიზონტალური პეიზაჟისკენ, რომელიც მისთვის ევროპის წიაღში წარმოშობილ თანასწორი ცხოვრების ერთგვარ სიმბოლოსაც წარმოადგენდა. გარდა ამისა, მისი ამგვარი შერეული სიმპათია ასეთი თარაზული არემარესადმი, სულაც არ შემოიფარგლებოდა მხოლოდ საფრანგეთის რევოლუციის მიერ მოტანილი თანასწორობისა და ძმობის რევოლუციური იდეებით - მას მართლაც ძლიერ უყვარდა სწორი რელიეფი, რადგან როდესაც იგი ამ ქალაქის ბრტყელ ბუნებაზე ფიქრობდა, მის არაცნობიერში უცნაური სიამაყის გრძობა მამოტივტივდებოდა ხოლმე, დაკავშირებული მშობლიურ უბან - ვაკესთან - რომელიც ერთის მხრივ ჭირის დღესავით სძულდა, ვითარცა აკვანი ყოველი ეთნიკურ/ურბანული მანკიერებისა, მაგრამ მეორეს მხრივ კი უყვარდა კიდეც, რადგან მისთვის ეს ერთგვარი სარკმელი იყო ევროპაში - ზიარება განმანათლებლობის, ტოლერანტობის და თავისუფლების სამყაროსთან.

ზაალის მეხსიერებას არასდროს ტოვებდა ბაბუის წიგნის კარადა - კლასიკოსთა ტომეულების ლამაზად ჩანკინკებული რიგები, ჟურნალის მაგიდაზე შემოქმედებითი უნესრიგობის პრინციპით მიმოფანტული „მნათობის“, „ცისკარის“ თუ დეფიციტური „ინასტრანკის“ ახალ-ახალი ნომრები, შემდეგ უკვე ახალგაზრდული ვაკური „ტუსოვეები“ და ა. შ. მაგრამ სიმართლისთვის უნდა აღინიშნოს, რომ იგი ყოველთვის უკომპრომისოდ ებრძოდა მასში არსებულ სწობურ დანალექებს, განსაკუთრებით კი ისეთებს, რომლებიც მანკიერი ქართული საზოგადოებიდან იღებდნენ დასაბამს, თუმცა დანალექებს შორის ერთადერთი გამონაკლისი გახლდათ დანალექი ნალექიანი ყავისა, რომლის სიყვარულიც მასში ჯერ კიდევ ბავშობიდან გააღვივა მისმა ბებიამ (ქალაქში ინტელიგენტი ქალისა და აკადემიკოსის მეუღლის სახელი ფრიად სამართლიანად რომ დამეკვიდრებინა). აქვე ახსენებოდა ყავის არომატივ გაჯერებული სახლი, ბებიის დარბაზილური, დინჯი, არისტოკრატიული ნაბიჯი, ჯეზევით ხელში რომ დადის

მუხის პარკეტიტ მოპირკეთებულ ჭრილა იატაკზე... ახსენებოდა მოხუცი მამაც... მაგრამ ზაალი, ამ დროს, სასწრაფოდ გაიზნავდა ხოლმე ამგვარი მავნე თვითცნობიერების ნაკადებს წინარეცნობიერის მოუსავლეთში, რადგან მის დახვეწილ ბუნებას არაფრით ეკადრებოდა მის ცნობიერებასთან შეუთავსებელი მოგონებებით დატვირთვა. სწორედ ამ მიზეზით, ზაალმა ელვის უსწრაფესად მიაბრძანა ვაკეზე ფიქრი ზემოთ ხსენებული ერთ-ერთი ცნობიერის (ან არაცნობიერის) რომელიც მიგდებულ უჯრაში, სიგარეტს ნაზაფი ჰკრა, მჭმუნვარე სახით ახედა ენგელსის ქანდაკებას და გაიფიქრა - „მე რა ვქნა, მე?“. ჩაელიმა, გულის გამოუთქმელ სიღრმეში მოეწონა კიდეც თავისი ხუმრობა, რადგან ძალიან უყვარდა თვითირონია, მაგრამ მასშივე არსებული თვითკრიტიკულობის უმრეტეი წყარო არაფრით აძლევდა უფლებას დადებითი შეფასება მიეცა თუნდაც ესოდენ მცირე, მაგრამ მოსწრებელი იუმორისტული ალუზიისთვისაც კი.

... და როცა ზაალი ამგვარ ფიქრებში იყო გართული, ბერლინის ქუჩებში ლომერ შალამბერიძის მოკლე და დინჯი, თუმცა ძალში ნაბიჯების მკაფიო ხმა გაისმა. თავისი მკაფიოობით, ეს ხმა ჩამოჰგავდა 80-იანი წლების ბოლოს ან 90-ანების დასაწყისში გადაღებულ ქართული ფილმების დასაწყისს, სადაც მთავარი გმირი რომელიმე უკაცრიელი და ბნელი შენობის დერეფანში მოაბიჯებს, მისი ნაბიჯების ხმა კი ავსებს უკაცურ სახლსა და ცარიელ სივრცეს მის ვაგრუმზე, ავსებს უბადრუკი ბიჭბუჭობით დასახლებულს ქალაქს და, რაც მთავარია, ავსებს კინოთეატრში მისული სამი ან ოთხი მაყურებლის მიგდებულ და გაპარტახებულ გულს.

ლომერ შალამბერიძე თავკერძა გოლიათივით მოუყვებოდა ბერლინის ნაცრისფერ ქუჩებს. იგი ისეთივე ეული და გულოვანი იყო როგორც ლენინსფერი მდინარე, შხულითა და დღინით რომ მოაპობს ხოლმე მტრულად განწყობილ კალაპოტს და თუკი რამე არ მოეწონება, ჩვეული ვაჟკაცობით - ხალასად ავარდება თავხედი ნაპირების გასწვრივ, ლარულად განლაგებულ ჭალაში, ცხვირ-პირს მიუმტვრევს მას და შემდეგ ვითომც აქ არაფერიო, ისევ ონავრულად განაგრძობს თავის მხიარულ და ფათერაკიან მოგზაურობას.

ლომერის წითელქუდას მეგლივით დიდი ყურები თეთრი სადენებით უკავშირდებოდნენ ჯიბეში ჩამალულ ძველმოდურ სიდი-ფლეიერს, რომლიდანაც ჯონ კოლტრენის „Giant Steps“-ის ველური ცხენებივით მოჭიხვინე და გაუხედნავი ჰანგები იღვრებოდა. მუსიკა სულს ედებოდა, სული კი სხეულს, ამის გამო ლომერის ყოველი ნაბიჯი მართლაც გოლიათურად წარ-

მოისახებოდა. მაგრამ მიუხედავად ამ ხანძრისა, რომლიც მის თავში გიზგიზებდა, ლომერი გარეგნულად ცდილობდა, რაც შეიძლება მეტად შეენარჩუნებინა სიმშვიდე; რაც, უნდა ითქვას, რომ გამოსდიოდა კიდევ - თუმცა, თუ ვინმე სათნო გულით კარგად დააკვირდებოდა, მაშინვე იგრძნობდა, რომ მიუხედავად იმისა, რომ ქარი არ ჩანდა, იგი მაინც ედებოდა და აზანზარებდა ლომერის სულში ამაყად აზიდულ ესთეტიურ მწვერვალებს.

ლომერს ტანთ ემოსა მოწითალო და მოლურჯო ფერების კუბოკრული, მოგრძო ხის ღილებით განწყობილი მოკლე პალტო, რომლის ერთ-ერთ უმთავრეს ღირსებას მისი ლამაზი კაპიუშონი წარმოადგენდა - ეს პალტო მას სოლიდურობის გარდა, რომანტიული პოეტურობით გაჟღერებული მოაზროვნის იერს სძენდა... კაპიუშონს კი მოფერებით „ჩაბალახად“ მოიხსენიებდა... მის ჭკუით გატენილ თავს სქელი, ნაქსოვი ზამთრის ქუდი, ხოლო მშრომელ ხელებს - შავი ტყავის ხელთათმანები ჰფარავდა. ლაიბნიცი-სეული ოპტიმიზმით გაჯერებული ნაბიჯის გარანტიად ტყავის მაღალყელიანი ბატინკები ქვეულიყვნენ, რომლებიც არავითარ შემთხვევაში არ მისცემდნენ ყანყალა კოჭებს შედრკომისა ან გადაბრუნების უფლებას, ხოლო ცოტა ზევით განლაგებულ მუხლებს თავდაჯერებულობას და მგლის ძალას სძენდნენ.

მასაც ძლიერ უყვარდა ბერლინის ფართე, თუმცა მინიმალისტური პეიზაჟები, მაგრამ თავის მოვალეობად თვლიდა, ყოველთვის გარკვეული შედარებები გაეკეთებინა საქართველოსა და ყველა იმ ქვეყანას შორის, რომელშიაც ჩასვლა უნევდა ხოლმე. თვითონაც არ მალავდა, რომ შეფასებები ტენდენციური იყო - რა თქმა უნდა, სამშობლოს სასარგებლოდ: „რა ვქნა? მე ხომ იცით, სუბიექტური ვარ, ჩემი მიჩვენია...“ ამბობდა ხოლმე ამაყი სიმორცხვით.

ლომერის ლმობიერება სამშობლოს მიმართ მხოლოდ მისი პატრიოტული გრძნობებით კი არ იყო გამოწვეული, არამედ ფილოსოფიური რწმენითაც. მიუხედავად იმისა, რომ მან ჯერ კიდევ ახალგაზრდა ასაკში მიატოვა გრძნობათა ხმელეთი და აზროვნების ოკეანეში ჭყუმპალაობას მიჰყო ხელი, მისთვის მაინც უდიდესი მნიშვნელობა ენიჭებოდა საფუძვლების და ფუნდამენტების პოვნას. მიუხედავად ყველაფრისა, ის მაინც ფიქრობდა, რომ ხმელეთის არ იყოს, ზღვაც ერთგვარი ფუნდამენტი შეიძლება ყოფილიყო, იმ შემთხვევაში, თუ მოცურავს ოსტატობა არ დაეწუნებოდა. ამიტომ, ლომერისთვის, ცურვასთან დაკავშირებით არ არსებობდა ამგვარი სკეპსისის საფუძველი. მაგრამ მის წარმოდგენაში არსებობდა ერთი ძალიან მნიშვნელოვანი რწმენა, რომელც მისთვის ეკვივალენტური იყო


ნებისმიერი ცოდნისა, ეს რწმენა კი იმაში მდგომარეობდა, რომ თუკი რაიმეს ჰქონდა დასაწყისი, მას დასასრულიც უნდა ჰქონოდა. მას არ სჯეროდა უსასრულოში გასროლილი ისრების უსასრულოვე მოძრაობისა, პირიქით, დრწმუნებული იყო, რომ ყოველ გარიჟრაჟს აუცილებლობით მწუხარე დაისი მოსდევს. მოკლედ რომ ვთქვათ, მისი რწმენა დასასრულის რწმენაში მდგომარეობდა, ეს არა მარტო მისი ფილოსოფიური კრედიო იყო, არამედ ფსიქოლოგიური ფუნდამენტი, რომელსაც საფუძველი ბავშვობაში ჩაეყარა, როდესაც განმარტოებული წარმოიდგენდა ხოლმე თუ როგორ დაიღუპებოდა გმირულად ბრძოლის ველზე და როგორი ცხარე ცრემლით დაიტვირთდა მას სამშობლო, ოჯახი, მეგობრები... შესაბამისად, მას ჰქონდა ღრმა რწმენა ადამიანის გონების სასრულობისა და თუკი შეგრძნება მისთვის ხმელეთზე გადაადგილების, ცურვა კი აზროვნების შესაბამისი იყო, ფრენა მისთვის ადამიანის იმ აქტივობებს მიეკუთვნებოდა, რომლის დასაწყისიც ყოველგვარი ადამიანურის დასასრულთან იყო დაკავშირებული. სწორედ ამიტომ ლომერს სჯეროდა სამშობლოსთან განუშორებლობის ამბავი, სჯეროდა იმ ნიდაგის, რომელზეც გაჩნდა და არ აპირებდა სადმე ფეხი დაცდენოდა და რომელიმე უფსკრულში ჩაშვებულყოფრენა-ფრენით. ლომერის ინტელექტუალური ცხოვრება, დატვირთული პატრიოტული იდეებით, ჰეროიზმით, როცა საკუთარ სიკვდილს წარმოიდგენდა, მას მუდამ თავისი სხეული დაუდგებოდა თვალწინ, გარშემორტყმული მასზე მგლოვარე ადამიანებით - მოკლედ, არყოფნის სწვებთან ერთად ყოფნისგან დამოუკიდებლად წარმოდგენა თითქმის შუალედური ამოცანა იყო მისთვის. თუმცა მას, ხშირ შემთხვევაში, ამ აზრების დამალვაც უნევდა (რათა ანგარიში გაენია ქართული საზოგადოების იმ ნაწილისთვის, რომლის მიმართ, ერთის მხრივ, სამინელ ზიზლს განიცდიდა, მეორეს მხრივ კი, მათ წრეში ინტელექტუალური გოგამანი განუზომელ სიამოვნებას ჰქონდა).

- გამარჯობა ზაალ! - შესძახა ლომერმა და მარჯვენა ხელზე ხელთათმანი წაიძრო, რათა ხელის ჩამორთმევისას ხაზი გაესვა თავის რაფინირებული მანერებისთვის.

- გამარჯობა?! - ნაძალადევი დაბნეულობით უპასუხა ზაალმა - თქვენ ალბათ ლომერი ბრძანდებით ხომ? - და გადაჭრილი ხელთათმანით მორთული მტვევანი გაურწა საპასუხოდ.

- დიახ, დიახ - უცნაური სიამოვნებით გაჯერებული ხმით უპასუხა ლომერმა.

ეს სიტყვები თქვეს თუ არა, მათ შორის რამდენიმე წამით სიჩუმემ დაისადგურა. სიჩუმეს ამას ჩვენ ვამბობთ, სინამდვილეში კი მათ მო-



რის უფსკრული გაჩნდა. დაუძლეველი და გადაულახავი, როგორც წყნარი ოკეანე, და ამის გამო ეს მართლაც თითებზე ჩამოსათვლელი წამები ლამის სავალალო უსასრულობად გარდაისახა. ისეთად, როდესაც ფიქრობ, რომ მიადნე დათქმულ მიზანს, მიხვედი მასთან და ამ დროს ამოუცნობი ბოროტი გენია წამის კიდევ ერთ ჩარეკს მიუმატებს დროს, ბოროტ და სვეთ-სვეთა უსასრულობად აქცევს, რომლის საშუა-

ლებითაც ყოველთვის გამარცხებს, კიდევ ოდნავ გადადებს შენს თითქოსდა გარდაუვალ და ლამის კარის ზღურბლთან მდგომ ტრიუმფს, კიდევ ერთი წამით, მცირედის უმცირესით გადააჩოჩებს, ისე რომ, ვერაფრით ახერხებ, ღვთაებრივი სიცილით სახეშემკულმა სიამაყით შემოსძახო - შეჩერდი წამო! რადგან წამის შეჩერებას მხოლოდ მაშინ თუ აქვს აზრი, მიზანი მიადნეული როა...

ორივე ძალიან დაბნეული იყო და ამ უსასრულო უხერხულობის თუ უხერხული უსასრულობის დასაძლევად თუ განსამუხტად, ერთდროულად დაჰკრათ გადაკოცნის იდეამ თავში, მაგრამ უცხოობით მოერიდათ - ერთსაც და მეორესაც გულმა რალაცნაირად რეჩხი უყო - თუკი გადაკოცნდნენ ერთმანეთს, გადაკოცნის ინიციატორი მომავალში შესაძლოა დაცინვის ობიექტად ქცეულიყო - ამა თუ იმ „ტუსოვკაზე“ შეკრებილი პუბლიკის გულის მოსაოხებლად. შეხვედრა ხომ ისედაც ძალიან უცნაური რამაა, მაგრამ გასაკუთრებით კი ის შეხვედრაა ხოლმე უცნაური, როდესაც ორი ისეთი კაცი ხვდება ერთმანეთს, რომლებსაც ღმერთმა უხვად დააბურტყა მსახიობის ნიჭი, მაგრამ ილბალმა ისე უმუხთლა, რომ ერთი ბედის ირონიით მწერლად აქცია, მეორე კი ფილოსოფოსად.

ანდაზა გვეუბნება, რომ „მეთევზე მეთევზეს შორიდანა სცნობსო“, ლომერმა და ზაალმაც ნაშმივე ამოიცნეს ერთიმოგანის არტისტული ზნეობა. როგორც ზემოთ მოგახსენეთ - ორივე მსახიობი იყო (ამ სიტყვის საუკეთესო გაგებით), რადგან მათ უწევდათ ერთი და იგივე როლის მარადიული თამაში - უწყვეტი, უსასრულო სპექტაკლის გათამაშება, რომელიც არასოდეს არ დამთავრდებოდა, რომელშიაც მთავარ როლსაც თავადვე ასრულებდნენ და დრამატურგისადაც და რეჟისურისადაც თავადვე (დიდი გაჭირვებით, მაგრამ მაინც დამოუკიდებლად) უძღვებოდნენ.

- სადმე ყავა ხომ არ დაგველია? - იკითხა ზაალმა და გულში ესაიშოვნა, რომ უხერხულობის საცობიდან ესოდენ დელიკატურად მოახერხა გამომძრომა.

- ყავის რა მოგახსენოთ, მაგრამ ერთ ჭიქა ღვინოს სიამოვნებით დავლევდი... მე ცოტა არ იყოს, ვერ ვერკვევი აქაურ კავებებში და თქვენ სადაც იტყვი, იქ შევიდეთ.

- ერთი სოციალისტური კაფე ვიცი, მეტროსთან ახლოს, კარგი ყავა აქვთ და იქ შევიძლია ნავიდეთ...

- ხო, მაგრამ მთავარი ისაა, ღვინო თუ აქვთ!
- ო, აი მაგას ნამდვილად ვერ გეტყვით. მე ხო საერთოდ არ ვსვამ - თქვა ზაალმა, ხმაში უპირატესობის მეტალანრევი ხვედრით გაჯერებული ბგერები გამოურია და სახე წამით ისე დამანჭა, თითქოს ზიზლი ვერ შეიკავაო.

- საერთოდ არ სვამთ? - ახლა უკვე ლომერმაც შეიცხადა და ფილოსოფიური განცვიფრებით დაჭყიტა თვალები.

- ხო, რატომ გავიკვირდათ, ძალიან არაქართულია? - ზაალმა გამარჯვების მოლოდინში, ტუჩის მარჯვენა კუთხე ჩუმად გააპარა ირონიული ღიმილისკენ.

- არა, რას ბრძანებთ?! პირიქით, ძალიან არა-

ვეროპულია - და სასხვათაშორისოდ, ვითომ თავისთვის ჩაილაპარაკა - ამდენი წელია ევროპაში მინევს სიარული და მგონი აქაურს არავის ვიცნობ, რომ არ სვამდეს.

ზაალს რუდუნებით ნაგები სახე ერთ ნაშმი ისე აენჯღრა, რომ სრული უსასრულო წამი მოანდომა მის მოწესრიგებას. ამ დროს კი ლომერის გულმა ყიჟინა დასცა, უეცრად წარმოიდგინა კიდეც, თუ როგორ მოუყვებოდა არა მხოლოდ მეგობრებს, არამედ შვილიშვილებსაც თავისი ენამახვილობის მცირე, მაგრამ შთამბეჭდავი ტრიუმფის შესახებ. ლომერმა თითქოს სისხლის სუნი იგრძნო და გადანყვიტა კიდეც ერთხელ მიეტანა შეტევა დემორალიზებულ ზაალზე:

- არადა, ერთხელ მგონი მინახავს კიდეც რომ სვამდით - ერთი-ორი წლის წინ ტაბიძის „მეტრონომში“, გვერდით მაგიდასთან ვიჯექი და მახსოვს, რომ თქვენი მაგიდა კარგა მაგრა სვამდა.

- რა? მე ვსვამდი? - ზაალმა ამჯერად უკვე ველარ მოითმინა, მის ხმაში აშკარა გაღიზიანება გაისმა და თვალები პლენხანოველი კაი ბიჭივით დაეკარკლა. თუმცა მაინც მოახერხა, ღრმად ჩაისუნთქა, გონს მოვიდა და სახეც გაასწორა.

ლომერი არც ამ შემთხვევაში ელოდა ასეთ ეფექტს, ზაალის გაღიზიანებამ ისე გაახარა, რომ ტანში სიამოვნების ჟრუანტელმა დაუარა. მიუხედავად ამისა, არ დაიტყო და ისეთი სახე მიიღო, თითქოს ერთბაშად გააკვირვა და შეამფოთა (მეტეც ცოტათი შეაშინა კიდეც) ზაალის რეაქციამ.

- ხო, ალბათ ამერია... - ვითომ საცოდავად და ვითომ თავისთვის ჩაიბურღლუნა მან.

- ხო, პრინციპში არც ვიცი, იმ კაფეში საერთოდ ყიდიან თუ არა ალკოჰოლს - მიუგო უკვე დანყნარებულმა ზაალმა - მოდით გავისეირნოთ და სადაც მოგვეწონება, იქ შევიდეთ.

- ხო, არაა ურიგო იდეა, თან ფეხს გავშლი ცოტა - მთელი დღეა სანერ მაგიდას ვუზივარ და ცოტა გავარჯიშება არ მანყენდა.

- ხო, მეც ძალიან მიყვარს ამ ქალაქში სეირნობა. თავისუფლება თუ გინდა გაიგო, აქურობას უნდა იცნობდე კარგად. ალექსანდერპლაცისკენ ნავილდეთ ზაალმა - მოდით გავიხსენებო, ალექსანდერპლაცს მაინც ვნახავთ! - თქვა ზაალმა და გამხდარი ფეხით დაუფიქრებლად გადადგა გრძელი ნაბიჯი...

წელა მიდიოდნენ, ტაატი, რომ შეგებედა იფიქრებდი, კი არ დადიან, მედიტირებენო. მათი ზანტი ნაბიჯი აჩქარების სურვილით ნამდვილად არ იწვოდა, აი, გონება კი ნამდვილად უსწრებდა ფეხებს. დროდადრო ჩერდებოდნენ კიდეც, რომ უფრო კარგად გაეზიარებინათ ერთმანეთისთვის თავიანთი შეხედულებები ამა



თუ იმ საგანზე. ორივე ცდილობდა თავიანთი შთაბეჭდილებები ისე დაწვრილებით და დახვეწილად მოეყოლა, რომ მოსაუბრეს ეჭვი არ შეჰპარვოდა მისი აზროვნების წარმოუდგენელ ინტენსიურობაში.

- ძალიან მიყვარს ეს ქალაქი. ჩემს მეგობრებს სულ ვეუბნები, თუ ბერლინი არ გინახავთ, ესე იგი, მსოფლიოში ყველაზე მნიშვნელოვან ადგილას არ ხართ ნამყოფი. ისეთი ადგილია, უბრალო ჩამოსვლითაც შეგიძლია მიიღო განათლება.

- ხო, ნამდვილად კარგია, მაგრამ მე მაგალითად პარიზი მირჩევნია.

- არა, რას ამბობთ, პარიზი ამ თავისუფლების სულთან შედარებით არაფერია. ალბათ ადრე იყო კიდევ საინტერესო ქალაქი, ახლა კი უბრალო მუზეუმი, უფრო კრიმინალური მუზეუმი. პარიზისნაირი კრიმინალური ქალაქი მგონი არც მინახავს. მეგაპოლისია, არეულ-დარეული, ნაგვით სავსე. მაგალითად, აქ ნაგავს საერთოდ ვერ ნახავ და იცი რატომ? - ზაალის ხმას ამდროს ინტელექტუალური პათეტიკა შეეპარა - იმიტომ, რომ გერმანელს ცნობიერება აქვს ამგვარი. უბრალოდ, არ ყრიან. ნაგვის სიძულვილი გერმანული კულტურის ნაწილია.

- რა თქმა უნდა, გეთანხმებით, მეც თითქმის ყველაფერი მომწონს გერმანული... დაწყებული გერმანული ლიტერატურიდან - გერმანული მუსიკით დამთავრებული. ერთი, გერმანული ფეხბურთი ვერ შევიყვარე ვერაფრით.

მის ვაჟკაცურ ხმაში კეკლუცობის შეუმჩნეველი ნოტები ისმოდა. მაგრამ წინადადება დამთავრებული არ ჰქონდა, ზაალმა დრო იხელთა, რათა ცინიკური რეპლიკით მცირე, მაგრამ მტკივნეული დარტყმა მიეყენებინა ახლად გამორეკილი მონინაალმდეგისთვის:

- იმედია, ვერც გერმანული ნაციზმი შეიყვარეთ.

ახლა უკვე ლომერს მოედო აღმური. არ იცოდა რა ეთქვა, ენამოსწრებული პასუხი ვერ მოიფიქრა და თავის მართლება ხომ საერთოდ სისულელე იქნებოდა. გადანყვიტა, გესლიანი ხუმრობა, უბრალოდ, გადაეყლაპა.

- ჰმ... - უხეხულად ჩაახველა ლომერმა - ნაციზმი იქით იყოს და, ის კიდევ როგორაა? ხო, ხო, ჯვარი აქაურობას... ჰაჰაჰაჰა...

მისმა უნიჭო ხუმრობამ ვერაფრით განმუხტა დაძაბული ატმოსფერო. ნაძალადევი სიცილი ვერ ასრულებდა თავის ფუნქციას. ზაალი პოკერის მოთამაშესაბოლოებულ გაქვავებული სახით იდგა და კმაყოფილი ისუნთქავდა გამარჯვების სურნელს, რომელიც უჩინრად გარეუფიციო ბერლინის ნაცრისფერ ჰაერში. ლომერი თავადაც ვერ მიმხვდარიყო რა მოხდა, ბრინჯივით დაბნეული, ისეთი გამომეტყველებით იდგა, თით-

ქოს, დამნაშავეს, ფაქტზე ნაასწრესო, ზაალმა ცივისისხლიანი დუელიანტის როლი ბოლომდე მორგო - თანაგრძნობის ნატამალიც არ ნაუცხია... ის იყო გადანყვიტა უკანასკნელი, ცინიკური და სასიკვდილო დარტყმა მიეყენებინა ენამოკვეთილი ფილოსოფოსისთვის, რომ თავისი საყვარელი მეუღლე გაახსენდა... მიხვდა, რომ დღეს საღამოს, ძილის წინ, როდესაც მას შეხვედრის ყველა დეტალს მოუყვებოდა, ლომერის ქცევის უმცირეს ნვრილმანებს ლიტერატურული ოსტატობით ფსიქოლოგიურ პორტრეტის აღსაწერად გამოიყენებდა. თავის მხრივ, ამგვარ დაუნდობლობას, შესაძლო იყო, ამბის რეალისტურობისთვის საფრთხე შეექმნა, რადგან შესაძლო გაჩენილიყო ეჭვი, რომ ამ ანტიპათიას პიროვნული შუღლი, შური, თუ მსგავსი რამ ედო მიზეზად, ამიტომ ამგვარი ცივისისლიანობა მთლად კარგად ვერ წარმოჩინდებოდა. არადა, რა კარგი მასალა ჰქონდა ლომერს მიუდრო საუბრისთვის, როგორ ადვილად შეეძლო ბოლომდე გაეტანებინა ეს პანანა „ბრძენუშკა“ საყვარელი ცოლის თვალბუბო, თანაც რამდენი ხანია, ყურებს უჭედავდნენ აზროვნების ამ ამომავალი ვარსკვლავის შესახებ ისტორიებით. ოღონდ ეს ამბავი, მხოლოდ საოჯახო სარეცლის კუთვნილებად არ უნდა დარჩენილიყო, ის ამჟამად იმსახურებდა უფრო ვრცელ ასპარეზს - ქართველ ინტელექტუალთა ფართო წრეს, ამ ამბის მოყოლის შემდეგ, ლომერის სახელის ყოველ ხსენებაზე მათ სახეებზე გაჩენილ ცინიკურ ლიმილს, ირონიულ გამოხედვას, თუ თავმეუკავებელ ხარხარს. არა, ამჟამად სჯობდა, არისტოკრატიული ლმობიერება გამოეჩინა, რათა შემდგომში, ჭეშმარიტად გამოესალმებოდა იგი საზოგადოებრივ სიცოცხლეს. ამიტომ ხმაში თავლიანი რძე გამოივლო და ტოლერანტული ბარიტონით დაუყვავა:

- კლასიკური მუსიკის დიდი მოყვარული არ ვარ, მაგრამ, სხვათა შორის, რაც აქ ძალიან მიყვარს, მუსიკალური მაღაზიებია. თანაც როგორი კოლექციებია... თან ხალხის დამოკიდებულება აბსოლუტურად სხვანაირი მუსიკის მიმართ. იმ დღეს ვიყავი „საუნდ მეტროპოლი“, ძველ ჩანანერებს ვეძებდი, ვიღაც მოხუცი კაცი შემოვიდა, კარგად ჩაცმული, ძალიან კარგი „პლაში“ ეცვა, აი, რომ ვერც კი წარმოიდგენ, საქართველოში ვინმე ეკეთი წარმოსადეგი ტიპი რომ ნახო... დიდხანს იქეჯა ვინილებში და ბოლოს ისეთი ჩანანერი აირჩია, აი, ქართველი, მაგასაკის ან თუნდაც უფრო ახალგაზრდა კაცი რომ არასდროს აირჩევს! წარმოიდგენია, ჯონ კოლტრეინის ერთ-ერთი იშვიათი ალბომი იყიდა, მგონი Giant Steps ან Ole!

ამ სიტყვების თქმაზე ლამის დანებებული ლომერის გონებაში, თითქოს ძველი სამხედრო



მარში აწკრილდაო, სადა, გამბედავი, სიხარულით აღსავსე, მხოლოდ რიტმული ბარაბანისა და თავნება ფლუიტის ხმებისგან რომ შედგება. გულმა გამარჯვების მოლოდინით უფრო სწრაფად დაიწყო ცემა, ძლივძლივობით მოიკრიბა ძალა, რომ ის საგულეში დაებრუნებინა, ღრმად ჩაისუნთქა და ზაალს, რომელსაც თავზე დაფნის წარმოსახვითი გვირგვინი დაედგა, დაუნლოლად აძგერა მახვილი ენა:

- Giant Steps?!
- ხო, Giant Steps!

როგორც კი ზაალმა ეს სიტყვები გაიმეორა, ლომერმა თავი ველარ შეიკავა, ჯერ წამოიფხუკუნა, შემდეგ კი ეს ფხუკუნი დაუფარავ ხარხარად აქცია. დაბნეული ზაალი ვერ ხვდებოდა რა მოხდა, ვერაფრით გაეგო, რა აცინებდა ლომერს.

- რა არის, აქ სასაცილო? განა Giant Steps კოლტრეინის ალბომი არაა? თუ მე მეშლება რამე?

ლომერი მის სიტყვებს მის სიტყვებს ვითომ არც აქცევდა ყურადღებას - შეშლილივით აგრძელებდა სიცილს, როლოში შეჭრილი ცრემლებს ინმენდა, სუნთქვა ეკვროდა, ძლივს ითქვამდა სულს. და როცა კარგად გამოძღა ხარხარით, გადანწყვიტა, ბოლომდე დაესრულებინა როლი და სიცილისგან თავის შეკავების ბოლო სცენა გაითამაშა - ვითომ უკანასკნელი ძალები მოიკრიბა და წამოჭარხლებული სახიდან უეცრად მოისხიპა ლიმილი.

- ზაალ, იცი, გემრიელად გამაცინეთ! - თქვა ოდნავი ქოშინით - ხომ გაგივიათ, სიცილი სიცოცხლეს ახანგრძლივებსო და აშკარად რამდენიმე წელი მომემატა...

- და სასაცილო რა არის? კოლტრეინი?

- არა, კოლტრეინი სულაც არაა სასაცილო, ჩემი უსაყვარლესი საქსოფონისტი. იმაზე გამეცინა, უფროსი ასაკის ან ცოტა ახალგაზრდა ქართველი არ მოუსმენდაო, რომ თქვით. სწორედ, რომ ამ წუთას ვუსმენდი Giant Steps-ს. მამაჩემმა მაჩუქა ეს დისკი ბერლინში წამოსვლამდე. თვითონ იყო რამდენიმე დღის წინ აქ და „საუნდ მეტაფორში“ შეიძინა. მგონი მამაჩემი ნახეთ მაშინ, აი, ჩემს ყურსასმენებშიც ეგ მუსიკა ისმოდა წელან, ხომ არ გინდათ მოგასმინოთ? თანაც, Giant Steps როდის აქეთ არის იშვიათი ალბომი? აი Kulu se mama ან Meditations რომ გეტქვათ, სულ სხვა იქნებოდა.

ამის გაგონებაზე ზაალს ენა გაუშრა, უმწეოდ მიმოიხედა, თითქოს გამვლელებს წყალს თხოვდაო. ლომერს სიამოვნებისგან ტანში ჟრუნ-

ტელმა დაუარა, განსაკუთრებით ეს უეცარი იმპროვიზაცია ჰგვირდა სიამოვნებას, მაინც როგორი ოსტატობით გაათამაშა მამამისის და კოლტრეინის დისკის ამბავი, მაინც როგორ მოაფიქრდა ეს ბრწყინვალე ტყუილი?! თან როგორ გაუმართლა, რომ Giant Steps-ს უსმენდა და არა ჩარლი პარკერს - არა, კოლტრეინი ყოველთვის კარგი არჩევანია!

წარმატებით თავბრუდახვეული ლომერი მალე მოვიდა გონს და გადანწყვიტა, რომ ზაალის მსგავსად მასაც ბოლომდე შეესრულებინა ჰუმანური არსების როლი და თავადვე დიდსულოვნად გამოეყვანა მოწინააღმდეგე უხერხული მდგომარეობიდან:

- აჰ, საუბარ-საუბარში კი მოვედით მგონი რალაც კაფესთან. ყავაც უნდა ჰქონდეთ წესით და ღვინოც. სხვათა შორის, სადაც არ ვავსინჯე გერმანიაში, ორივე ყველგან ძალიან კარგი აქვთ. შევიდეთ?

დაბნეული და გაცეცხლებული ზაალის თავში საპასუხო აზრიც აღარ ჭაჭანებდა, ველარფერი მოეფიქრებინა. მისი ისედაც ნერვიული ჰაბიტუსი უფრო ნერვიული გახდა. ხელები ინსტინქტურად ჩაიყო ჯიბეებში, ტელეფონი იპოვა და მაშინათვე ამოიღო - მხოლოდ ტელეფონი თუ გადაარჩინდა. ძალები მოიკრიბა, სრული სერიოზულობით დახედა ეკრანს, მესიჯებში ბოდილი დაიწყო.

- უი, ძალიან დიდი ბოდიში, მაგრამ, ჩემს ცოლს მესიჯი გამოუგზავნია, როგორც ჩანს, ჩანული მქონდა ხმა და ვერ გავიგე. ვერაა კარგად და უნდა გავიდე... ძალიან ვწუხვარ.

- რამე სერიოზული ხომ არაა? - ფარისევლური მზრუნველობით იკითხა ლომერმა.

- არა, ისეთი არაფერი. ასე ემართება ხოლმე პერიოდულად.

- ძალიან ცუდი, არადა, საინტერესო საუბარი გვექონდა...

- დიას, დიას, მაგრამ, სამწუხაროდ, უნდა გავიქცე - თქვა ზაალმა და სწრაფი ნაბიჯით გაცვალა იქურობას.

ლომერი გამტკნარებული გამომეტყველებით შეჰყურებდა ბერლინის ნაცრისფერ ზეცას. გამარჯვებული სახით დახედა თავის ძველმოდურ ფლეიერს. ყურსასმენები პარტყუნა ყურებში გაიარჭო, კვლავ Giant Steps ჩართო და პატარ-პატარა რიტმული ნაბიჯებით გაუყვა ქუჩას. ბედნიერი იყო. კოლტრეინის სოლოს ძალიან ხმადაბლა აყოლებდა სიმღერას - „ტი რუ რა რუ რა, ნი ნუ, რი რუ რა რუ რა, ბაბ დი დუ, ბაბ დი დუ...“

ნა პერიკლაზა ყოფილიყო თქვანი რაჰლაბა



ტელ: 577 747-719
ელ-ფოსტა: info@arilimag.ge

6.12/38

